

# Abchiedt

Der Römischen Keyserlichen

Maiestatt / vnd gemeiner Scende / auff  
dem Reichstag zu Augspurg / Anno Do-  
mini M. D. LXVI.  
auffgericht.

Die Röm. Keyserlicher Maiestatt Gnad vnd  
Priuilegio, in sechs Zaren nicht nach  
zutrucken.

Gedruckt in der Churfürstlichen Stade  
Meyns / durch Franciscum Behem /  
Anno Domini M. D. LXVI.





**IX** Maximilian / Von  
Gottes Gnaden Erwelter Rö-  
mischer Keyser / zu allen zeit-  
ten mehrer des Reichs / Inn  
Germanien / zu Hungern / Be-  
haim / Salmacien / Croati-  
en / vnd Schlawonien / etc. Kö-  
nig / Erzhertzog zu Osterreich / Hertzog zu Bur-  
gundi / zu Brabant / Steyer / Kernten / Crain / vnd  
Wirttemberg / etc. Graue zu Tyrol / etc. Thuen  
kündt allermeniglich / vnd sonderlich allen vnd je-  
den Buchtruckern / wo vnnnd welcher orten / die im  
heyligen Reich gesessen sein / das unsere vnnnd des  
Reichs lieben getrewen / Frantz vnnnd Caspar Be-  
haim / Burger zu Meyntz / vnns zu vnderthe-  
nigster gehorsame sich vndernommen haben / den  
Abschiedt ditz jetz gehaltenen Reichstags in truck  
zubringen. Damit sie dann solcher iher mühe vnd  
arbeit halben in keinen nachtheil vnnnd schaden ge-  
fürt werden / So gepietten wir demnach euch al-  
len / vnd jeden in sonderheit hiemit bey peen vnnnd  
straff zehen Marck lottigs Soldts / vns halb in vn-  
ser vnd des Reichs Cammer / vnd den andern hal-  
bentheil gedachten Frantz vnd Caspar Behaim /  
vnableplich zu bezalen / vnnnd wollen / das ihr oder  
ainicher auß euch / durch sich selbst / oder sonst je-  
mands von ewig wegen den berürten Abschiedt /  
gemelten Frantz vnnnd Caspar Behaim / inn  
sechs Jaren den nechsten nacheinander folgende  
nicht nachtrucket / oder zu feylem kauff haben oder  
N ij auffle-

auffleget / bey verlierung obgemelter peen / vñnd  
desselben ewers truckes / den auch genante Frantz  
vñnd Caspar Behaim / durch sich selbst / oder ihre be-  
uelchhaber von irent wegen / wo sie die beywerjer  
den finden würden / auß eignem gewalt ohne ver-  
hinderung meniglichen zu sich nemen / vñnd damit  
nach ihrem gefallen handeln vñnd thuen / Daran sie  
auch nicht gefreuelc habẽ sollen / sonder alle geuer-  
de Mit vorkunde ditz brieffs besiegelt mit vnserm  
Keyserlichen auffgetrucktem Insiegel. Der geben  
ist / in vnser vñnd des heyligen Reichs Statt Aug-  
spurg / den ersten tag des Monats Julij Anno / x.  
Im sechs vñnd sechzigisten / vnserer Reich des Rö-  
mischen im vierdten / des Vngerischen im dritten /  
vñnd des Behaimischen im achtzehenden Jaren.

MAXIMILIAN.

*Ad mandatum Do-  
mini Electi Impera-  
toris proprium.*

<sup>t.</sup>  
V. l. V. Zan, D.

<sup>ta.</sup>  
R. Steffan Brant.



**M**

Maximili  
an der Ander  
von Gottes  
Gnaden/ ers  
wölter Röm  
ischer Key  
ser / zu allen  
zeiten mehrer  
des Reichs/  
in Germani

en/ zu Hungern/ Böhaim/ Dalmatien/ Croatien/ vnd  
Schlaunien/ 2c. König/ Erzherzog zu Osterreich/  
Herzog zu Burgundi/ zu Brabant/ zu Steyer/ zu  
Kernten/ zu Crain zu Lützelburg/ zu Wittenbergk/  
Obern vnd Nidern Schlesien/ Fürst zu Schwaben/  
Marggraffe des Heyligen Römischen Reichs zu Bur  
gaw/ zu Meran/ Ober vnd Nidern Laußnitz/ Gefür  
stet Graffe zu Habsburg/ zu Tyroll/ zu Pfirdt/ zu Ky  
burgk vnd Götz/ 2c. Landtgraff in Elßaß/ Herr auff  
der Windischen Mark/ zu Portenaw/ Vnd zu Sa  
lino/ 2c. Bekennen öffentlich/ vnd thun kundt aller  
meniglich. Nach dem wir bey lebzeiten des durch  
leuchtigsten Fürsten vnnnd Herrn/ Herrn Ferdinan  
den/ Römischen Keyfers/ vnser geliebten Herrn vnnnd  
Vatters/ hochlöblichster Gottseliger gedächtnuß/ auß  
sonderer gnediger verfehung vnnnd schickung des All  
mechtigen/ durch vnser vñ des helyigen Reichs Chur  
fürsten/ einhellige wihal/ zu Römischen König/ vnd  
angehendem Römischen Keyser ordenlicher weiß er  
kohn/ Vnd im namen des Allmechtigen Gottes/ sei  
ner Göttlichen gnaden zu lob vnnnd ehr/ auch gemeiner  
Christenheit/ beuorab dem heyligen Reich Teutscher



# Abſchied des Reichstags

Teutſcher Nation / dem gemainen Vatterlande/  
zu auffnehmen / nutz / vnnnd wolſart / ſolche hohe dig-  
nitet vnnnd würde / auff vns genommen / vnnnd löbli-  
chem brauch nach / offentlich zu einem Römischen  
König / proclamirt vnnnd gekrönet worden / das  
wir gleich als baldt nach zeitlichem abgang gedachts  
vnſers geliebten Herrn vnnnd vatters hochlöblicher  
gedächtnuß / als wir vns der administration vnnnd  
regierung des erledigten Römischen Keyſerthums  
vnderſangen / embsigs Väterlichs getrewes fleiß  
nachgetrachtet / Welcher geſtalde das heylig Reich bey  
ſeiner præ eminent ehren / Standt / vnnnd würden  
erhalten / vnd deſſen abfall vnnnd ſchmelerung ſo viel  
jimmer möglich / verhütet werden möcht.

Dieſem vnſerm embsigen nachſinnen / getreu-  
wes Väterlichs fleiß anzuhan- gen / vnnnd nachzuſe-  
hen / ſein wir zu eingang vnſer Keyſerlichen regie-  
rung der ſelbigen / ſo viel mehr ein beſtändige grund-  
feſte zu legen / höchſter begierde genzlich willens ge-  
weſen / zuſorderſt des heyligen Reichs von vielen  
Jarn herrührende / hochwichtige vnerledigte anſehen-  
liche obli- gen ahn die handt znnemen / vns mit vnſern /  
vnd des heyligen Reichs Churfürſten / Fürſten / vnd  
Stenden darüber zu beratſchlagen / vnnnd ſonderlich  
die anſtellung vnd verſehung zuthun / wie das heylig  
Reich in bemelten ſein würden vnd weſen künfftiglich  
beſtehen / vnd meniglich / die Stende vnnnd vntertha-  
nen im heyligen Reich Teutſcher Nation / in ſchern  
frieden vnd ruhe erhalten / vnnnd bey allenthalben hie-  
vor auffgerichteten Conſtitutionen vnd ſagungen  
vnd



## zu Augspurg 1566 auffgericht 2

vnberührt gelassen/deren genießen/vnd bey gleich vnd  
recht bleiben möcht. Derwegen wir dann ebenmässig/  
wie hochgedachter vnser gelibter Herz vnd Vatter/  
Keyser Ferdinandt / kurz darvor / von wegen hoch  
schädlicher thätlicher im heyligen Reich selbiger zeit  
vnserm Keyserlichen vnd des heyligen Reichs Landts  
frieden zu entgegen fůrgangenen handlungen / wo  
sein lieb vn Keyserlich Maiestatt/daran eingefallener  
leibs schwachheit vnd darauff lezlich erfolgten tödli-  
chen abgangs halbē nit verhindert/selbst auch in vor-  
haben gestanden / ein gemaine Reichs versamlung  
wie es die hohe notturst erfordert fůrgehn zulassen/  
in fůrnemblicher betrachtung das außserhalb dersel-  
ben wir ohne getrewe zusezung der Churfürstē / Für-  
sten/vnd Stende/berürt vnser vätterlich vorhaben/  
zubetreffung des hochnotwendigen friedens/ auch  
andere fůrtressenlichere vnerledigte obligen fůrzuneh-  
men/bedenkens getragen / Welcher gestalt aber sol-  
chem vnserm getrewen sorgfeltigen gnedigen fůrge-  
men/hochsorgliche ver hinderung eingefallen/sonder-  
lich das der Weydau in Siebenburgen vber vnd wider  
alle vnser zuuersicht/vnnd mit demselben getroffener  
friedstande/ohne alle gegebene vrsach Feindtlicher vn-  
rechtmessiger weiß angegriffen/auch den Türckē selbst  
wider vns/solchen hoch betwertten friedtstenden zu-  
entwegen / Vnchristlicher weiß auffwegig gemacht  
vnd also vns/vnd die vnsern/gegen demselbigen auff-  
zuhalten / zuretten / notwendig verfehlung zuthun/  
höchlich verursacht / vnnd in beschwerliche Krigs-  
vbung gefürt / dardurch wir bis gegen an gehen-  
der verschimes Winters zeit / von vnserm getre-  
wen sorgfeltigem Vätterlichem fůrnemen wider vn-  
sern willen abgehalten worden / solches ist öffentlich  
vnd meniglich vnuerborgen.

Als aber

# Abſchied des Reichstags

Als aber entgegen Gott der Almechtig miltiglich  
gnad verliehen/ das dem vberleſtigen Feindt vnd ſei-  
nem anhang/ ein zimlicher widerſtand gethan/ vñ nit  
geringer abbruch geſchehen/ vñnd wir auch vnſer dem  
Feindt anrainende Königreich/ landt vñnd leuth/ des  
ſögllichen beſchwerlichen Kriegs/ wo nicht genzlich  
(derwegen wir auch vnſer Kriegsvold zu Koſt vñnd  
Fuß/ zu gutem theyl beyſamen behalten müſſen) jedoch  
in etwas entladen/ vñnd die gelegenheit vñs fürgeſtan-  
den/ das wir vñs etwas in die nehe/ zu vnſern vñnd des  
Reichs Churfürſten/ Fürſten vñnd Stenden begeben  
künden/ Haben wir von wegen obberürter hoch-  
wichtigen des Heyligen Reichs Teutſcher Nation obli-  
gen/ fürklemlich zu beſtettigung des hienor betaidig-  
ten verabschieden/ vñnd bey hohen pflichten verſpro-  
chenen vñnd zu geſagten in Religion vñnd Prophan ſa-  
chen/ allgemainen friedens/ zu befürderung der iuſti-  
tien/ vñnd Rechtens/ zu dem auch welcher maſſen vor-  
uermelter des Erbfeindts Chriſtlichen namens vñnd  
glaubens Tiranniſcher gewaldteter zu nötigung  
begegnet/ vñnd widerſetzung geſchehen möcht/ not-  
wendigs embsigs fleiß zubedenden/ vñnd dann durch  
was mittel/ nicht allein vnſer dem Feindt anrainende  
Chriſtliche Königreich/ Landt vñnd leuth/ onder auch  
damit dz heylig Reich Teutſcher Nation/ welches gleich  
vnſern Erblanden dz ſewer zum nechſten anſcheindt/  
vor entlichem verderben erzedt/ etledigt/ auch die  
Obrkeiten vñ vnterthanen/ bey ehr/ leib/ vñ gut/ weib  
vñnd kindt/ vor erbarmlichem vndergang/ jämerlichen  
vñbringen/ vñnd ſchñöder vñ vñgebürllicher diñſtbar-  
keit zu ſchützen/ ſchirmen/ zubewaren vñnd zuerhalten  
ſein ſolten/ vñnuermeidenlich ernſtlichen fleiß zuerwegen  
berathſchlagen/

# zu Augspurg 1566 auffgericht 3

rathschlagen/ gegenwärtigen gemeinen Reichstag/ in  
vnser vnd des heyligen Reichs Stadt Augspurg/ auff  
den vierzehenden des Monats Januarij/ jüngstuer-  
schienen/ außgeschrieben vnd angesetzt. Auff solchem  
Reichstag sein wir/ auch Churfürsten/ Fürsten vnd  
Stende des heyligen Reichs/ in ansehnlicher anzal/  
eygner Person/ vnd etlich durch ihr Botschafften mit  
volkommenem gewalt/ bey vns gehorsamblich er-  
schienen.

Als wir nun hierauff nach eröffneter  
vnserer Keyserlichen Proposition/ mit den erschein-  
enden Churfürsten/ Fürsten vnd Stenden/ auch der ab-  
wesenden Rätthen vnd gesandten Botschafften/ den  
Articul der strittigen Religion/ Vornemlich wie ein-  
mals durch Göttliche gnaden solche strittigkeit vnn-  
trennung zu Göttlicher Christlicher vñ langge wünsch-  
ter vergleichung zubringen. Was auch solchem Arti-  
cul/ wegen abschaffung der verführischen Secte/ wei-  
ter anhangt/ in beratschlagung gezogen/ vñnd zuer-  
wegen für genommen.

Haben wir vns mit ihnen zuuorderst erinnert/  
vnd zu gemüth gefürt. Mit allein was von vielen jarn  
hero/ für merckliche beschwerung vnd vnrathe auß der  
so schedlichen langwiringē Spaltung/ in jetz gemelter  
Religion/ in vnserer Teutschen Nation ervolgt/ Son-  
dern auch wie vielfaltig vnd emsig beyde vnserer nech-  
ste vorgehen am Reich/ geliebsten Herrn/ Vetter/  
B Schwes



## Abſchied des Reichstags

Schweher / vnnnd Vätter / milder vnnnd lobſeligſter  
gedächtnuß / mit Ráth vnnnd zuthun gemainer des  
heyiligen Reichs Stende ſich bearbeyt vnnnd beſtieffen/  
allerhandt mittel vnd wege zubedencken / vnd zuner-  
ſuchē / dardurch angemelte trennung in der Religion/  
inn einhelligen verſtandt bracht würden / aber ſolche  
gebrauchte Vätterliche fürwendung / auß ſonderer  
verhengnuß Gottes / vnnnd von wegen eingefallenen  
verhinderungen / das gewünscht / auch von ihren Lieb-  
ten vnnnd Keyſerlichen Maieſtat / deſ gleichen denn  
Stendē / ſo trewlichſ gesuchtes ende vn̄ aufrichtung  
niemaln erlangen mögen.

Wiewol wir nun auff ſolches alles / ſampt Chur-  
fürſten / Fürſten / Stenden / der abweſenden Bot-  
ſchafften vnnnd Geſandten / dieſe hochwichtige ſachen/  
daran alle zeitliche vnnnd ewige wolſart hanget / vns  
nicht weniger zu hertzen geen laſſen / Vns auch dar-  
ber von jnen den Stenden allerhandt ſtattliche auß-  
fürliche bedenden vnnnd anzeygung fürbracht / vnnnd  
von Gott mehrers vnnnd hoherſ nicht wünſchen wol-  
ten / als das die gelegenheyten vnnnd zeiten dieſer weil  
alſo beſchaffen weren / Das wir das vnſer darzu thun/  
vnd mit fürwendung alles trewen Vätterlichen fleiß  
zu vnſerm / auch ihrem der Stende theyl / in eußerſter  
bemühung gar nichts vnuerſucht laſſen / dardurch ein-  
mal ein gemeine Chriſtlich concordi erlangt / alle  
ſpaltung vnd trennung inn der Religion Gottſelig-  
lich auffgehoben / vnnnd vermiſt Götliches ſegens/  
zu heylſamer vergleichung gebracht werden möchte.

Die weil



# zu Augspurg 1566 auffgericht 4

Dieweil aber solchs der kündlichen hochlestigen vnd beschwerlichen andern grossen obligen/ vnnnd mercklichen verhinndernussen halb / so dieser zeit leider mehr/ als zuviel offenbar vor augen/ vnd im wegligen / die gelegenheit je nicht geben kan / sich jetzt nach albereit verlauffener zeit/ weder einicher fernerer haubtsachlichen tractation, zu vnderwinden/ noch auch auff andere maß/ oder weg/ dann die jenigen/ so hie vor zeiten vorkommen / wie dauon in etlichen sonderlichen den letzern Reichs Abschieden meldung beschicht / schließlichen bedacht zu sein.

So seind wir jezo zumal des gnedigen erbitens / das wir diese hochwichtige sachen ferners gnediglich zu bedacht nemen / Vnnnd so viel wir neben vörsuehung/ vorsteenden / vnd hieunden angezygten schweren Kriesswesens/ mit Gottes gnaden vnnnd hilff/ immer thun können oder mögen/ gang Christlich/ treulich/ emsig vnd Vätterlich nachdenckens haben wollen / Was etwa zu einer andern vnuerlengten zeit/ vnd bessern gelegenheit / so heist das auch immer beschehen kan vnnnd mag / für zimliche gebürliche vnnnd Gottselige mittel vnd wege zu treffen/ vnnnd ins werck zu setzen sein möchten / Daher durch wille mit würckung Göttlicher güte vnnnd barmherzigkeit zu ewigem lob vnd preys seines heyligen namens / vnnnd als gemeiner ewiger vnnnd zeitlichen wolfarth der Christenheit / beuorab vnserer Teutschen Nation / vnd des Vätterlandes / ein Christliche mehrere vergleichung/ je zu letzt süegsamlichen gehandelt werden köndte.

B ij Auff

## Abschied des Reichstags

Auff das aber in mitler zeit den verfürriſchen  
ſche lenger ſche mehr / beyden der alten Religion vnn  
Augſpurgischen confeſſion zu wider einbrechens  
den Secten / vnd irigen opinionen kein raum noch  
ſtadt gelaffen / ſonder dieſelben von dem Heyligen  
Reich Teuſcher Nation / vnſerm geliebten Vatters  
landt abgewendt werden. So haben wir vns mit  
ihnen den gemainen Stenden / vnn ſie ſich her wider  
mit vns verglichen / das ſolcher Secten vnn irigen  
opinionen, ſo / wie gemelt / ſich von beyden der al  
ten Religion / vnd Augſpurgischen confeſſion ab  
ſondern / oder denſelben zu wider ſeyen / vermög Re  
ligion frieden / keine gelitten noch geduldet / ſonder als  
lent halben der gebür vnd dem Religion frieden gemef  
gently abgeſchafft werden.

Vnd nach dem dann nichts weniger / bey obuer  
melter vnuerglichener Heubtsächlich ſtrittigen Reli  
gion / auff den im jar fünf vnd fünfzig alhie gehalten  
nem Reichstag / zwifchen hoch gemeltem vnſerm nech  
ſten vorfahrn mildtſeligſter gedächtnuß / Keyſer Carl  
vnd Ferdinanden / Auch Churfürſten / Fürſten / vnn  
Stenden / der alten Religion / vnd der Augſpurgiſche  
confeſſion anhengig / vnn verwandten / ein gemein  
ner Religion vnd Landfried / ſampt handhabung vnd  
execution deſſelbigen auffgericht / verabſchiedt vnd  
beſchloſſen / Welcher dann auff folgenden Reichstag  
gen / ſo im jar ſieben vnd fünfzig / zu Regenspurg / vnd  
im jar neun vnn fünfzig alhie zu Augſpurg gehalten wor  
ten wor

# zu Augspurg 1566 auffgericht 5

ten worden / in allen ihren inhaltungen ernewert vnd bestet / So haben wir vns mit den anwesenden Churfürsten / Fürsten / vnd Stenden / auch der abwesenden gesandten / Rätthen vnd Botschafften / solches alles widerumberrinnert / vnnnd darauff wir vns mit ihnen / vnd sie hinwider sich mit vns / verglichen / vnnnd einander vestiglich zugesagt vnnnd versprochen / Setzen / ordnen / vnnnd wollen / Es ernolge die viel angemelte Religions vergleichung vber kurz oder lang / oder aber / (welches nicht zunerhoffen) zumal nicht das nichts weniger obgemelter Religion vnnnd Landesfrieden / sampt handthabung vnd execution desselbigen / in aller massen / wie obgedachts fünff vnd fünfzigisten jars verabschiedt / höchlich zugesagt / vnd versprochen / auch zugehörter gestalt wider ernewert / vnd der execution halb etlicher massen / wie auch jetzt auff gegenwürtigem Reichstag verbessert / in allen seinen kräften bestendig bleiben / auch steet / vest / vnnnd vnuerbrüchlich gehalten vnnnd niemands darwider beschwerdt werden sol / alles bey obgemelte versprachen vnd peen / in angeregtem Augspurgischem fünff vnd fünfzigisten jar / vnd nachuolgenden Reichs Abschieden weiter verleibt vnd begriffen.

Wir wollen auch vnsern Cammerrichter vnnnd Beysigern vnser Keyserlichen Cammergerichts / hiemit abermals gnediglichen aufferlegt / vnnnd beuolhen haben / Wie wir ihnen dann hiemit krafft dieses Abschiedts / auch aufferlegen vnnnd beuelhen / ob jemandt / wer der were / wider solchen religion, vnnnd gemeinen frieden beschwerdt were / oder künfftig



## Abschied des Reichstags

riglichen beschwerdt vnnnd betrübet werden wölte/  
Das auff der beschwerden anruffen mit ertheilung  
geburlicher rechtmeisigen hilff/ sie sich fürderlich vnnnd  
gleichmefig erweisen sollen. Wie wir dann als Römischer  
Keyser / vnnnd das Oberhaupt im heyligen  
Reich/ meniglichen auch bey/ solchem Religion vnnnd  
gemeinen frieden / vnserm tragendem Keyserlichem  
Ampt gemef/ zu schutzen/ vnnnd zu handthaben/ so vil  
immer menschlich vnnnd möglichen gewilt / auch vr-  
bürtig / nichts ermangeln / oder ohn vnserm getrewen  
sorgfeltigem fleis abgehen zu lassē/ Damit rhue/ friedt/  
einigkeit vnnnd sicherheit / im heyligen Reich erhalten/  
vnd meniglichen bey dem seynigen gehandthabt wer-  
den möge.

### Neben erledigung seßgesetzts Articul

von der Religion/ vnnnd Religion frieden / Haben  
die erscheinende Churfürsten / Fürsten / vnnnd  
Stende / Auch der abwesenden Räte/ vnnnd Bots-  
schafften/ von wegen des Landt / vnnnd gemeinen frie-  
dens / auff vnser gnedigs fürhalten / gesinnen/ vnd  
begern / Erstlich das sie / die Landtfriedtbruchige  
vberfallung/einnemung/vnnnd bländerung der Stadt  
Würzburgk anlangendt / Derenthalben Weylandt  
vorgedachter vnser geliebter Herr vnd Vätter/ Keyser  
Ferdinandt / hochlöblicher gedachtnus / wider die  
anstiffter vnnnd hauptsacher derselben / als die inhalt  
vnser vnnnd des heyligen Reichs ordnung ipso facto  
in ihr Maiestat / vnnnd des heyligen Reichs Acht ge-  
fallen/



# zu Augspurg 1566 auffgericht 6

fallen / rechtmessige executions mandata ergehn/  
vnd offentlich ins Reich Publiciern lassen / wes das  
rauff gebürender execution halben nun mehr wei-  
ter anzustellen sein solt / Vns ihz Rätlich bedencken/  
mit dem ersten mittheyln wolten / inn vndertheniger  
anzeyg vns fürbracht.

Demnach im vier vnnnd sechzigsten jar / den  
mindern zal / jüngstuerschienen / auff gehaltenem De-  
putation tag zu Wormbs / obgedachtem vnserm ges-  
liebten Herrn vnnnd Vatter / Keyser Ferdinanden  
hochlöblicher gedächtnus / wes gegen angeregte fried-  
brechern / ihz Maiestat / als dem Oberhaupt des heyl-  
gen Reichs / hochtragendem Keyserlichem ampt nach/  
fürzunehmen / vnnnd zuuerichten gebüren möcht / inn  
vnderthenigkeit zu deren allergnedigstem gefallen  
gestellt.

So setzen die erscheinende Churfür-  
sten / Fürsten / Stende / vnnnd der abwesenden Rät-  
he / vnnnd Botschafften / inn keinen zweyffel. Wie  
als nachfolger im Reich / würden auß hocheleuch-  
tem verstandt / für vns selbst / zu handthabung vn-  
ser / vnnnd des Heyligen Reichs constitutionen vnd  
sazungen / auch zu erhaltung vnser vnnnd des Hey-  
ligen Reichs autoritet, in diesem / was zu förder-  
ung / begründung vnnnd erhaltung bemelts gemeinen  
friedens / im heyligen Reich Teutscher Nation / zum er-  
spriesslichsten / vnd fürtreulichsten erscheinen möchte /  
wissen inn wirckliche volziehung zustellen / inn deme  
sie sich zu allem dem jenigen so ihnen gezimbt / vnnnd  
sie ver-

## Abschied des Reichstags

sie/vermög der Reichs ordnungen/ constitutionen  
vnd sayung zuthun schuldig / wie hienor zu Wormbs  
geschehen / jermals auch / inn aller vnderthenigster  
gehorsamb erbotten. Mit dem vernern vermelden/  
die weil biß dahero vnser / vnnd des heyligen Reichs  
Landtfrieden/ bey vielen vnruwigen betrübern / ge-  
meines friedens / vnnd denen die sich ahn gleich vnnd  
recht/ nicht setzigen lassen/ Sonder alle ihre begierde/  
sinn / vnnd gedanken dahin gestelt / Wie sie andern  
Stenden vnnd vnderthanen / gewalthettlich ohne  
Recht/das jr entwenden/nit alleine ingering ansehens  
gehabt/Sonder verächtlich vnnd verspöttlich gehal-  
ten worden / vns/auch Churfürsten / Fürsten / vnnd  
Stenden/nicht zu geringer verkleinerung / Das wir  
vns entgegen solchen mutwilligen freuelern / die alle  
sayung/ gebott / vnnd verbott / verachten/etwas zu  
stewern / vnd sie von ihrem mutwilligen fürsatz abzu-  
halten/als Römischer Keyser ernstlich erzeygen möch-  
ten / Welches auch zu vnserm gefallen gesetz sein  
solt.

Demnach haben wir wieder die anstifter des Würg-  
burgischen vberfals/vnnd denselbigen Hauptthetern  
hienor ergangen Acht/vñ executions mandata, wi-  
derumb Renouiert/erwidert/gescherpfft/vnd von ne-  
uem bey jertzwerendem Reichstag Publiciern vnd auß-  
künden/ Des gleichen auch mandata gegen berürter  
Echter receptatorn, auffenthalttern/helffern/vnnd  
helffers helffern / darinn denselbigen allen bey Peen  
der

# zu Augspurg 1566 auffgericht 7

ter Acht / darein sie ipso facto gefallen sein / gebot:  
en sich der Echtern gantzlich zu entschlagen / auch da sie  
dieselbigen Echtern nachmals bey sich erhalten / vns zur  
straff volgen / vnnd sich derwegen / bey vns / das sie bist  
dahero vorigen mandaten nit Pariert / vnnd gehor:  
sam gewesen / außsönnen sollen / decerniert / erkant / Pub:  
liciern / außgeen / vnnd insinuiren lassen.

Vnnd sollen diese vnser mandata nicht allein  
auff vorige / sonder auch künfftige auffenthalter vnnd  
fürschieber verstanden werden.

Wir setzen vnnd wollen auch das hinfüro nie:  
mandt / was Standts oder wesens der sey / disen Ech:  
tern vnder schleiff geben / oder fürschub thun solle / Da:  
aber solchs durch jemandts vbertretten / vnd dadurch  
ein oder mehr Stenden / oder vnderthanen / einicher  
schaden ervolgenn würdt / den sollen dieselbigen  
receptatores, vnder schleiffer / vnd fürschieber / den  
beschädigten abzutragē schuldig sein / alles inhalts der:  
selbigen vnser außgetunden mandaten.

Vnd da einiger Standt / oder andere / Was we:  
sens der oder die wehren / sich diesem wieder setzen / ob:  
angeregten mandaten nicht pariern / vnd gehorsam  
erzeigen würden. So setzen / ordnen / vnnd wollen wir  
das vermög vnser vnd des Heyligen Reichs Landfrie:  
den / executions ordnung / vnd darauff ervolgtet

C

declara-



# Abschied des Reichstags

declaration, vnd erklerung / die würdlich execution Gegen den selbigen fürgenommen werden sollen. Vnnd gebieten hiemit / vnnd in krafft dieses vnser vnd gemeiner Stende Abschiedt / den vier / Ober vnd Nider Sächsischen / Fränckischen / vnnd Westphälischen Kreissen / samptlich vnnd sonderlich / solche execution vnweigerlich vnnd würdlich zuuolziehen / Vnd da sich dieser Kreiß keiner vor dem andern solcher execution vnderfangen / vnnd der anfenger sein wolt / Welchem wir dann einem vnder ihnen / das der diser sachen ein anfang gebe / auffserlegen vnd beuelen / der sol vnweigerlich vns in diesem gehorsamer zeigen / vñ die andern drey Kreiß auffmanen / Welche vier im fall sie nicht stark genug / auch andere Kreiß zu erforschen macht haben Sollen. Wir sein auch bedacht / etlich außländische König / Als Hispanien / Fränckreich / Dennmarch / Poln / Schweden / vnd gemeine Eydgenossen / dieser erneuerten Acht mandaten zuuergewissen / vnd mit angehefftem begern zu ersuchen / das sie denen / als erkleren vnser vnnd des heyligen Reichs Echtern / kein fürschub / auffenthalt oder vnder schleiff / in vñ bey ihren Königreichen Landen / vnd leuthen / nit gestatten oder zulassen / auch mit dienstgelten nicht vnderhalten / Sonder wo derselben einer oder mehr albereit mit dienstgelt bestellt / oder sonst Prouisioniert weren / das sie dem oder denselbigen solche dienst / oder Prouision gelt / als bald auff vnd abkünden / vnd sie von ihnen gantzlich abweisen wollen.

Wiwo dann ferner in kein zweiffel zustellen / wo den iß berürten Reichs constitutionen stracks nachgesetzt /



# zu Augspurg 1566 auffgericht 8

Gesetz / die Kreiß Obrigsten / zugeordneten / vnnd Stende / ahn deme was jedem gebürt / keyn mangel würden erscheinen lassen / die Rebellen vnnd vngehorsamen / wol möchten zu verdienter straff / vnnd gebürlichem gehorsamb zubringen sein. Damit aber die execution vnnd handhabung des friedens / desto mehr ihr würcklichkeit gegen den thetlichen beschedigen erlange / ob nun gleich die Stende vnnd deren Vnderthanen mit nicht geringen beschwerden beladen / sich auch jetzmal inn ein dreslich ahnsehenliche hieß / gegen dem gemainen Feinde der Christenheit / vns zu aller vnderthenigstem gehorsamb eingelassen. So haben doch Churfürsten / Fürsten vn Stende / etc. für notwendig angesehen / sich auch vereinigt / verglichen vnd entschlossen / das zu gewisserer erhaltung des innerlichen friedens Teutscher Nation / Vnd damit im fall erheischender not / gegen den betrübten gemeiner ruhe der Kreiß hilff / zu schutz vnnd schirm der Stende vnnd Vnderthanen desto gewisser zusammen gesetzt / vnd in würckliche volziehung / wo von nöten / gericht werdt / gegenwürtiger zeit / zwölf hund. rt gerüster Pferd / in ein wardt vnnd rüstgeit / auff gemainen ihren vnkosten / drey jar lang zu erhalten / sonderlich für sich / oder im fall der noth / neben der Kreiß hülffen zugebrauchen / auff vnnd angenommen werden / Vnd die zeit ihrer bestallung / auff den ersten tag des Monats Iulij schier künfftig angehen / Wir auch die aufteilung berürter Pferd / in gelegene orth vnnd Kreiß des Reichs / aller gnedigster getreuer sorgfaltigkeit / nach vnserm gutachten zuthun haben sollen.

# Abchied des Reichstags

Auff solche vnser vnd gemainer Stende vergleichung. Setzen / ornen / vnd benelen wir / das ein jeder Churfürst / Fürst / vnnnd Stand des Reichs / zu jeder melter drey jähriger vnderhaltung / nach seinen Reichs anschlegen / zwey Monat auff die einfachen solt / zu Ross vnd fuß gerechnet / so hoch sich eines jeden Summa erstreckt / ahn gelt zu entrichten / zu bezalen / vnnnd in deren Stadt eine / Nemblich / Cöln / Augspurg / Francfort am Mayn / oder Leypsig / völliig vnd ohne abgang / den ersten Monat / auff Trium Regum, des schierstkünfftigen Sieben vnd sechzigisten / Vnd den zweyten Monat auch auff Trium Regum des nechst darnach folgenden acht vnd Sechzigisten jars / bey Burgermeister vnd Rath daselbst zuerlegen / vnd einzuanworten schuldig sein sol. Davon / vnnnd auch den Restanten auß den Wormbsischen Abschied / im jar vier vnd sechzig auffgerichtet / herfließent / bemelte zwölff hundert Pferd in berürtem wardtgelt erhalten / auch im fall / da es die notturfft erfordert / genzlich oder zum theyl auffgemanet / gemustert / vnd in völliich besoltung / auffvorig auffgerichte Reichs bestallung angenommen / Vnnnd wohin es die notturfft erfordert / ins Felt gebracht / vnd vermög der executions ordnung / von gemainen Stenden des Reichs bezahlt werden sollen.

Wir Setzen / ordnen / vnnnd wollen auch / das die Stende / so durch andere außgezogen / vnnnd nicht in possessione vel quasi libertatis sein / ein jeder neben andern Stenden sein angebürendt anlag / vermög

# zu Augspurg 1566 auffgericht 9

mög des Reichs anschleg in dieser vnderhaltung selbst entrichten/oder aber die aufziehende Stende / oder andere dem Reich vnderworffen/inhaber derselbigen Herrschafften vnnnd güter/so von dem heyligen Reich herzurendt/vnd deme ohne mittel vnderworffen sein/für sie die aufgezogene/oder von wegen inhabender guter vnabbrüchig zubezalen schuldig sein sollenn / doch den exempten oder aufziehenden Stenden/in andern fellen/ahn ihr er gerechtigteyt nichts benommen.

Vnd dieweil in der bezalung vorbestimpter/auffeines jeden Standts jetzund bewilligten zweyer Monat anschlagen/auch der Restanten auf dem Abschiedt zu Wormbs/Anno/16. Sechzig vier herzurendt /die mengel so sich hienorin andern dergleichen stewarten erendt/jetzmals auch fürfallen mögen. Auff den fall danneiner oder mehr Standt in dieser bezalung feumig oder vngheorsamb sich erweisen würden.

So ordnen /vnnnd setzen wir/das der / oder die inn die peen der Acht gefallen sein / Darauff dann vnser Cammer procurator Fiscal/gegen denselbigen/ein oder mehr citationen zusehen vnd zu hören/sich in jetz bemelte Peen zu declarieren vnd zu erklären/auszugehn lassen / vnnnd Ferner wie sich gebürt volfahren/darüber auch Cammerrichter vnnnd beysitzer erkennen vnd sprechen sollen.

Als dann inn Fernern erwegen dieses Haupt Artikuls / Churfürsten / Fürsten / vnnnd Stende/auch der abwesenden Räte vnd Botschafften / vns auff vnser gnedigs begern/inn vnderthänigkeit ver-

C iij meldet/



# Abchied des Reichstags

meldet / Nach dem vnser vnnd des Heyligen Reichs Landtfrieden / hienor auff vielfaltigen Reichstagen / stattlich berathschlagt / vnd jüngst im acht vnnd vierzigisten jar gehaltenem Reichstag erklärt / gemehrt / vnnd gebessert / Vnd dann im fünff vnd fünfzigisten jar / ein executions ordnung auffgericht / deren nachmals im sieben vnnd fünfzigisten / zu Regenspurg / in neun vnnd fünfzigisten zu Augspurg vnnd vier vnnd sechzigisten jaren zu Wormbs / etlich declarationen vnnd zusetz zugethan / Derwegen jzmals berürt constitutionen vnnd Abschiedt / in ihrem wesen zulassen sein solten. So haben wir vnns mit ihnen / vnnd sie sich hinwider mit vnns hierüber verglichen. Setzen / ordnen / vnnd wollen / das berürter Landtfrieden / vnd darnach ernolgte Abschiedt / wie die mit zeittiger vorbetrachtung beschlosssen / vnd sonderlich der Abschiedt / Anno / rc. Sechzig vier zu Wormbs / auffgericht / auch für ein gemein vnser vnnd des heyiligen Reichs constitution vnnd satzung / nicht weniger als die in einer geminen Reichsversammlung beschlosssen / gehalten / volzogen / vnd dieselbe alle also in ihrem wesen gelassen / bleiben / vnnd bestehen sollen / Wie wir dann auch hiemit vnnd in krafft dieses vnser / vnd gemeiner Stend Abschied gedachte constitutionen satzung / vnnd Abschiedt erneuern / confirmiern / bekræfftigen / bestetigen / vnnd mit fleiß zuhalten / ernstlich gebitten / alles bey vnser vnnd des heyiligen Reichs schwerer vngnad / vnnd die straff vnd peenen / die in dem Landtfrieden vnnd gemelten Abschieden / eins jeden orts gesetzt / statuiert / vnd verfast sein / zuuermeiden.

Dieweil

# zu Augspurg 1566 auffgericht 10

Dieweil aber dabeneben wir/ auch Churfürsten/  
Fürsten vnd Stend/ vnd der abwesenden Rätthe vnd  
Botschafften/ vns etlicher additionen vnd zusez  
bemelter executions ordnung / Anno fünff vnnnd  
fünffzig zu Augspurg/ Deßgleichen den declaratio-  
nen, im jar vier vnd sechzig zu Wormbs auffgerichte  
ten Abschieden begriffen / zu zuthun verglichen. So  
setzen/ statuiern vnnnd wollen wir/ das solche wie die  
hernach volgen nicht anderst/ als ob sie hienor in den  
selbigen Abschieden begriffen / vnnnd gleich andern  
Reichs constitutionen gehalten werden sollen.

Als nemlich in berürtem fünff vnnnd fünffzigst  
sten jars Abschiedt / in dem versickel ansehend/ Als  
sich dann auch zu vielmaln/ vnnnd ahn vielen orten/ 2c.  
Sol in der disposition wider die außgetretene/ auch  
dieses zu gesetzt sein / das ein jeder absager durch den  
jenigen / dem abgesagt worden / oder seine beuelha-  
ber/ auch inn einer andern Obrigkeit/ da der Absager  
inn des abgesagten gebiet angetroffen / vnnnd dar-  
auf flüchtig würde / inn der nacheyl niedergeworf-  
fen/ angriffen/ gefencklich angenommen/ in dasselb  
gericht eingestelt / vnnnd zu recht angehalten werden.  
Also auch im Versickel/ Solches alles abzustellen/ 2c.  
Sollen den worten/ damit die mutwillig außgetret-  
ten vnderthanen/ 2c. folgende wörter zugesetz seinn/  
vnnnd verdecktige Personen/ Absager/ vnd beuheder.

Der disposition des Versickels/ Wo sich auch zutüge  
das in

# Abchied des Reichstags

das in einem Kreysß/2c. Soll zu ende derselbigen zugethan sein/Vnd da ein Kreysß/oder dessen Obrister vnd nachgeordneter sich der sachen nicht vnderziehen vnd wes in diesem ihnen obligt / sich seumig erzeigen thetzen / So sol eins andern Kreysß Obrister / oder nachgeordnete / welche berürte thätlich handlungen / versamlung eines Krißuold's / vnd auffgeendt Krißgewerb betreffen möchten/oder auch zuerhaltung gemeines fridens / beschedigung abzuwenden vnnnd zuuorkommen/solche auffforderung zuthun macht haben/ auch zuthun schuldig sein.

Gleicher gestalt in dem versickel/Als dan zuuerichtung alles was obgesetzt/2c. da geordnet / das sich die Stende eines jeden Kreysß/nach ihrer gelegenheit/wes sie anfenglich / vnnnd fürter jeder zeit / außersichender notturff / zu solchen aufgaben / auff die anschlege eines jeden Standts zu erlegen/sich selbst vnder ihnen zuuergleichen / vnd zu entschlossen haben/ Soll zugethan sein / Mit allein zu bemelten aufgaben/gelt zusammen zulegen / sonder auch / das in eylender noth derseumigen Stendegebürend hilff dauon möge erstattet werden. Wodann in einem Kreiß durch die Stende desselbigen gelt zusammen gebracht / vnnnd in auffforderungender Kreiß Obristen oder nachgeordneten/ einer oder mehr Standt ihr anzal vold's nicht schicken/ So soll der Obrigster/oder nachgeordneter des Kreiß/ dieselbig anzal vold's annemen / vnnnd auff dem zusammen gelegtem gelt besolden / Aber nichts desto weniger der seumig Standt/was auff die Krißleuth von seinet wegen/seiner anzal nach / auß gemeinem Seckel



# zu Augspurg 1566 auffgericht II

nem Seckel außgelegt / widerumb zwerstatten schuldig sein.

In verficulo, Nach dem aber ein jeder Churfürst 2c. Ist statuiert. Was einem jeden Churfürsten / Fürsten / oder Standt / auff erhaltung der straißen / den Rotten außlauffen wurd / das er dasselbig auff sein eigen costen verrichten sol / Dabey ordnen wir / Das auch ein ganzer Kreiß ins gemein / sich zu seiner gelegenheit einer streiffenden Rotten / vnnnd wie oft / vñ zu was zeitten im jar sollich streiffen fürzunemen / auch ander nechstgeessene Kreiß obristen / dessen vmb besserer animaduertentz halben / zu vergwissen / vergleichen möge.

Ebenmässig ordnen vnd setzen wir / das dem versickel / Auff das auch desto weniger in zweiffel zustellen 2c. bey den wörtern / versamlung Reutter vnnnd knecht 2c. voigende zu zusetzen / Vnd gegen allen denen die sonst dieser executions ordnung / vnd dem Landt / frieden zuwider handeln / auch alle 2c.

Dem Versickel / verner nach dem es ein ganz vergeblich werck 2c. Thun wir diesen zusatz / Jedoch de Kreiffen in solchen fellen vnbenommen / sich des schadens ahn dem vrsacher zuerholen. Vnd da auch einer oder mehr Standt / inn leistung seiner anschleg seumig oder vngehorsamb sein wurd / so solle den Kreiffen / oder deren obristen vnnnd nach geordneten zugelassen  
D sein /

## Abſchied des Reichstags

ſein/ wo die ſeumigen oder vngehorſamen ihr kriegs-  
leut/ auff ihr anſchleg nit ſchicketen/ ſo hoch ſich die er-  
tragen/ dieſelb anzal zu Roß vnd füß/ ſelbſt anzunhe-  
men/ auff zubringen/ vnnnd zuerhalten/ alles auff des  
vngehorſamen koſten/ Was auch alſo darauff gehet/  
ſoll der oder die ſeumigen vnnnd vngehorſamen/ neben  
darauff entſtehenden ſchaden/ zuentrichten vnnnd zu  
bezalen ſchuldig ſein.

By dem verſickel/ Vnd beuhelen hierauff vnnnd  
gebieten dem Keyſerlichen ic. Diweil die Proceß  
durch geſuchte auffſuchten der beklagten Partheyen  
offtermals inn verlengerung gezogen / vnnnd dieſem  
ſchwerlich geſteuert werden mag. So ſetzen vnd wöl-  
len wir/ das auch inn ſaumbnus oder vngehorſamb/  
eins oder mehr Stende / in der obriften vnnnd zuge-  
ordneten/ der zu hauff erforderten Kreiſſen/ möge vñ  
macht ſtehen ſoll / den oder dieſelbigen vngehorſame  
Stende zuerfordern/ das ſie jres vngehorſams oder  
ſaumbnus verſachen fürbringen vnd anzeigen. Vnd da  
die fürgewandten verſachen vnerheblich erfunden/ ſo  
ſollen ſie ſich / wes gegen denſelbigen vngehorſamen  
nach gelegenheit fürzunehmen / wie die zu gebürlicher  
gehorſamb zubringen / mit vnſerm vorwiſſen ent-  
ſchließen.

Dem Verſickel/ Anlangent ein gantzen Kreiß ic.  
Thun wir diſen zuſatz/ Jedoch das des nechſt angeſe-  
ſenen Kreiß obrifter/ ſchuldig ſein ſoll / die aufffor-  
derung

# zu Augspurg 1566 auffgericht 12

derung zuthun/ da derselbig seumig sein wurd/ wie obsteet.

Verner nach besichtigung dessen/ so im abschiedt des neun vnnnd funffzigisten jars/ vber die executions ordnung gestelt / begriffen vnnnd zugethan/ Wollen wir das Mandat dauon in versiculo/ Vnd damit dessen so obgesetzt vnd geordnet ic. widerumb renouieren/ vnd im Reich von newem auskünden lassen.

Wir setzen/ ordnen/ vnd wollen auch/ das des vier vnnnd sechzigisten jars Wormbsischen/ durch vns/ auch Churfürsten/ Fürsten vnd Stende confirmirtem/ vñ ingegenwürtiger vnser vnnnd gemeiner Stende versamlung bestetrigtem abschiedt / in versiculo Als dann den Kreiß obristen jres ampts verwalting / ic. bey den worten / demnach declarieren vnnnd erklären wir die ordnung ic. zu ende desselbigen/ dem Paß/ Die auch gleich als baldt vnuerweigerlich zuziehen sollen/ zu zuthun/ ohne fürwendung einicher vrsachen vnnnd exceptionen, wie die gleich geschaffen sein möchten.

Bey dem Versickel/ Dieweil auch der hilff halben/ so ein jeder ic. Da den Kreiß obristen gewaldt gegeben/ vber die einfach/ auch die gedoppelt hilff auffzumanen/ Vnd sich aber diese fell zugetragen/ vnnnd noch zutragen mögen/ Das auch die gedoppelt hilff zugerung/ So haben wir vns mit Churfürsten/ Fürsten vnnnd Stenden/ auch der abwesenden Råthen vnnnd pottschaften verglichen. Setzen/ ordnen/ vnd wölen

D ij len



## Abſchied des Reichstags

len/das auch die Kreiß obristen/in höchster erheischender noth/die hilff getripelt auff die anschleg auffzuinanen macht haben sollen. Dierweil aber der Kreiß vnd Stende gelegenheit nit durchaus gleich/noch allenthalben dermassen geschaffen/dasein jeden Standt oder Kreiß/solche hilff an völdt/sonderlich zu Roßschicken mag/So soll hiemit zugelassen sein/das anstatt der anzal völdts nach gelegenheit vndervergleichung eines jeden Kreiß standt/die jenigen so mit leutten zu Roß vnnnd füß nit gefast/ire gepönuß/inn ihren Kreissen mit gelt erstatten mögen/jedoch mit solcher bescheidenlicher anstellung/da derselbigen Kreißhilff/inn denen diese verordnungfürgenommen/ins feldt zusammen gebracht werden solt/das auch die obristen oder nachgeordnete/ihrer Kreiß anzal kriegsvöldt zu Roß vnnnd füß one ver hinderlich auffzubringen gefast sein sollen.

Vnd wir als Römischer Keyser/wöllen auff die fell/da drey oder mehr Kreiß ihr einfach/gedoppelt/oder gedrippelt hilff zusammen zustossen verursacht/die Ritterschafft vnnnd vom Adel/vns vnd dem heiligen Reich one mittel vnderworffen/erfordern vnnnd ersuchen/das sie zu rettung schutz vnnnd schirm gemeiner sicherheit inn bestimpter anzal/deren wir vns mit ihnen verglichen werden/auch zuziehen sollen.

Dem Versickel/Wiewol auch in der executionsordnung/in passu, Demnach so declarieren vnd erclern wir diesen articul 2c. Soll hiemit zugesetzt sein/  
das

## zu Augspurg 1566 auff gericht 13

das niemandt hohes/mittel / oder nidern standts/  
ohne vorwissen vnnnd bewilligung der Kreiß obusten/  
auch vor dem er sich mit ihnen der caution halben/  
enlich verglichen/ einichen kriegsman anzunemen/  
zubestellen/ oder auch anridt oder lauffgelt zugeben  
zugelassen sein soll.

Verner inn dem Versickel/ Wir setzen/ ordnen/  
vnd wollen auch/ da sich einer hohes oder nidern zc.  
soll den worten im Context / zu dem auch gnugsam  
caution vnd versicherung thun / wie obstehet/ zu  
gethan sein/ zuuor vnnnd ehe er solch kriegsuolck an-  
nimpt. Also auch ahn dem outh zu ende/ wie volgt/  
Gleichsals soll auch was jetzt gesetzt/ inn dessen per-  
son/ der für sich/ vnd ihme selbs/ ein kriegsuolck inn  
zuleßigen fellen/ inn bestallung auffnimpt/ gehalten  
werden.

Verner auff den fall/da noch in etlichen Kreiß-  
fen mengel der execution halben beuor weren/ So  
sollen derselbigen Kreiß obusten / gleich als baldt  
nach außgang dieses Reichstags solche mengel der  
execution vnnuerzogenlich ergenzen/ vnnnd inner-  
halb dreyen monaten nach dato dieses vnfers ab-  
schiedts / ihre relationes solcher ihrer verrichtung  
vns zuschreiben.

Vnd damit abermals so viel möglich den landfried  
D iij brüch

# Abschied des Reichstags

brüchigen vnrüwigen/vnzuleßig empörung abgeweret. So wollen wir die rittmeister vnd obristen/so wir auß den Kreissen des heilige Reichs in Hungern/in jetziger expedition zugebrauchē/gnedigst vorhassens/den Kreiß obristen/darunder dieselbigen gesessen/vnd sich enthalten anzeigen vnd nambhafft machen/damit denen so sonst zu auffstur vnd vnrhuebegirig/vnd vnder dem schein solcher bestellungen/andere böse Præcticken suchen/vnnd dem heiligen Reich zu grossem nachtheil vñ schaden vben möchten/durch solche benennung dieselbige wege/gentzlichen abgetürzt werden/Wie auch wir die mandaten, das niemand wieder vns/vnd die Stende des Reichs/sich inneinig kriegsgewerb begeben soll/widerumb erneuern lassen wollen.

Vff vnser weitter den erscheinenden Churfürsten/Fürsten vnd Stenden/auch der abwesenden Råthen vñ pottschaften/aus vnuermeidlicher erheischender hohen not/gnedigs gethanes vorhalten/Das wir inglaubwürdiger gwisser erfahrung stunden/vns auch nichts anders zuuersehen / Dann das gemainer Christenheit Erbfeindt / der Türc / vnnd obgemelter sein vnchristlicher anhang / vber vorige vnmenschlich gegen dem Königreich zu Hungern geüßte Tyranny / vnnd letztlich wider alle auffgerichtete/versprochen/ vnnd beschlossene friedtsstende/ohne einich gegeben ursach/ jünstuerschienes Sommers/vns/vnnd vnser anreinende Königreich vnnd landt/mit thatlichem kriegs gewalt anfechten/vnnd seinen tyrannischen/ gegen vns / vnnd vnsern Christlichen landen vnnd leuten / geüßten müthwillen / auch jetziger



## zu Augspurg 1566 auffgericht 14

iziger zeit entlich bedacht / vnnnd onzweifenlichs vorsatzs / eingewaltige expedition, heerzug / vnd haupt krieg / gegen vnsern Christlichen Königreichen / vnnnd landen fürzunemen / Vnnnd onangesehen seines hohen alters / sich in der person / in angeregte expedition zubegeben / Wie er dann albereit vor gutter weil zu solcher Rüstung / sein anstellung gethan / seine ampt vnnnd beuelchsleuth auffmanen / auch solchen fürgenommenen haupt krieg / nach seinem brauch / offentlich publiciern vnd außrüffen lassen.

Vnd wiewol vnser Orator zu Constantinopel / bey dem Türcken / vnd seinen obristen Baschen vnser wegen / vmbhaltung der friedstende / angesucht. So hat doch der tyrannisch feindt / gedachtem Oratorn, in solchem nit allein kein gehörr geben wollen / sonder auch jne verwarliche einschliessen / vnd demselbigen allen zugang versperren lassen. Auf diesem allem wir vns nichts anders / auch nichts gewissers / als eines gewaltigen vberzugs vnnnd beharlichen kriegs dardurch die noch vberbleibent dition ahn dem Königreich Hungern / vnd die nider Osterreichischen landt / in die eusserst gefarlichkeit gesetzt werden / zubesorgen / Wo dann diesem barbarischen feindt / in seinem Tiranischen fürnemen zusehen / vnd er in Hungern vnnnd Osterreich / seinen tyrannischen willen vortsetzen vnd erlangen möcht / In diesem meniglich bey sich zuermesse / Was mehrbemelter / mechtiger feindt / für ein freye zugang bekommen würdt / vnuerhindert meniglichs / immerfort / bis in das hertz vnser gemeinen vatterlands  
der

# Abchied des Reichstags

der Teutschen Nation/ mit seinem erschrecklichen gewalt vnnnd macht/ durch zutringen/ vnnnd diese löbliche Nation/in vnwiderbringlich/ ewig verderben/ vnnnd entlichen vndergang zürichten / Wir / auch die Churfürsten/ Fürsten/ Stende vnnnd Botschafften/ demnach getrewes väterlichs vleiß / vermanet/ ersucht/ vnd an sie gnediglich gesunnen vnd begert/ Sie wölten inn solchem allem / die offenbar gemein noth vnd gefahr/ so nit allein vns/ vnd vnsern Christlichen Königreichen vnd Landen/ sonder gleich so wol/ gemeinen Stenden des Reichs / deren Vnterthanen/ hinderfassen/ vnnnd jedermeniglichen/ sampt vnnnd sonderlich/ beschwerlich obligt/ vnd für der thür ist/ beschertzigen vnd zu gemüt führen/ ihr vermögen zusamen setzen/ vnnnd damit diesem barbarischen feindt/ vermittelst Göttlicher verleihung/ mit dapfferm widerstandt begegnet werden möchte/ sich in solcher augenscheinlichen noth/ Christlich/ vnd mitleidenlicher weisen/ auffss euserst angreifen/ vnnnd vns/ ohne alles verziehen vnd auffhalten/ zu vorderst Gott dem Allmechtigen zu lob vnd preiß/ seines Göttlichen namens/ vnnnd dan zu Christlichem nachpaullichem trost/ vnd rettung vnser bekümmerten/ vnnnd dieser höchsten gefahr anreinenenden Landt vnd leuth/ ein stattlich ansehenlich eylendt hilff/ vnd dieselbig vmb mehrer richtigkeit willen/ angelt/ zu bestellung einer Nambschafften vnd dapffern anzal Kriegsvoldt/ als nemlich .X. vnd .X. tausent/ zu Ross vnd fuß/ .X. Monat lang zu vnderhalten/ volliglich/ vnnnd ohn allen abgang güthertzig bewilligen vnd reichen. Wiewol nun Churfürsten/ Fürsten/ vnnnd Stende/ auch der abwesenden Räte vnnnd Pottschaften/ auff jez bemelt vnser gnedigs anbringen/ ansinnen/ vñ begern/ sich irer jezigen

# zu Augspurg 1566 auffgericht 15

ger beschwerlichen obligen/ vnnd anderer vngelegen-  
heit erinnert

So haben sie doch in betrachtung vorbemelter  
fürstehenden grossen hohen gefehrlichkeit / vnnd das  
gleich als baldt nach abgedungenem vbrigē theyl der  
Cron Hungern / auch verwüstung der Osterreichi-  
schen fürstenthumb vnnd Land / (welches Gott den  
Almechtig / miltiglich abzuwenden gerne) das feu-  
wer das heilige Reich Teutscher Nation zum nech-  
sten anscheint / vnd dieser Tyrannisch Feind / von dem  
man seiner gewonheit nach / anderst nichts / den grim-  
migen Tyrannischen wütends / genzlich verwüstens  
landt vnd leuth / vnd sonderlich entlichs aufrilgens /  
vnd verdruckung des Christlichen namens vnd glau-  
bens zu erwarten / ein freyen offenen Paß vnnd zu-  
gang / in die Teutscher Nation dadurch erlangē wür-  
de / vnd meniglich Hoch vnd Aders standts das sein  
verlassen / entweichen / in frembde Landt / ins ellend  
sich begeben / oder verlusts / leibs / lebens / weib vnnd  
kindt / gevertig sein musten / zuschutz schirmb / auffent-  
halten / der anrainenden Christliche land vnd leuth /  
auch solche grosse gefürlichkeit / vnd verderbliche ver-  
herung vnd verwüstens / von dieser löblichen Nation  
abzuwenden / vnd zu auffenthalt gegen diesem wüt-  
tendem Feindt / sich dahin verglichen / entschlossen /  
vnd bewilligt / Das sie die Churfürsten / Fürsten / vñ  
Stende / des heiligen Reichs Teutscher Nation / ahn  
statt der begerten anzal Kriegssoldts / zu Ross vnd  
Füß besoldung / vnd ihr hülff dieses gegenwürtigen  
sechs vnd sechzigsten jars / VI. Monatedreyfach ahn  
gelt / dieser zeit / vnnd im Reich Teutscher Nation /  
gangbarer vñ in grober gülden oder Silber in mün-  
zen nach eines jeden Standts anschlegen zu dreien  
£ zielen /



# Abschied des Reichstags

zielle/nemlich des erste zu jetzigen Pfingsten/des zweite/auff Jacobi/des dritten/auff Michaelis/leisten/entrichten/bezalen/vnd in den Stetten/Grandfort/Nürnberg/Regenspurg/Augsburg/oder Leipzigerlegen/vnd dahin hinder Burgermeister/vnd Rath/ies des orts lieffern wollen vñ sollen. Welches wir auch also von gemeinen Stenden der abwesenden Rathen/vnd gesandten/zugnedigem wolgefallen angenommen haben.

Wiewol dann auff milter verleihung Göttlichen gnaden/vnd der Stende des heyligen Reichs/treuer hertziger zusehung / dem gemeinen Feindt/inn jetz lauffenden Jar / etwas ahn seinem grimmigen fürsatz / verhoffentlich abgebrochen werden sol. Vnd aber dieser Feindt seiner Ahrt / vnnd herbrachtem gebrauch nach/sein höchste macht vnnd gewalt/nicht allein von wegen eines halben Jars / oder etlicher weniger Monat / inn ein solchen fürgenommen Hauptkrieg ins Feldt bringt / vnnd sich inein solche weite Keyß/mit gewaltigem Heer/inn anzug begibt/Sonder gantzlich zubesorgen / dieser Arglistig Feindt/werdt den angestellten Krieg beharlich volführen/vnd nicht absetzen / bis er die trübseligen Benachbaurten/vnser Christenlich Land vnnd Lenth/durch sein vbergeweltig Heer/gantzlich in vndergang stelle / vnnd sich weiter in die Christenheit eindringet/ Vnnd nachmals dem Heyligen Reich Teutscher Nation/vnserm geliebten Vatterlandt/seines gefallens nehern möge/in dem man sich vernern einigs weitem sichern friedsstands/keins wegs zu getröste/vnd obgleich

# zu Augspurg 1566 auffgericht 16

ob gleich ein solcher in widerwertigem des Feindts zustandt / jedoch anderst nit / dann zu seinem vortheyl erlangt würdt / vnd aber auß langer erfahrung kundtbar / das dieser Feindt getroffene Friden / vnd Friedstēde / lenger nicht helt / oder sich zuhalten schuldig vermeint / dann biß er ferner gelegenheit sein gewalt / zu verderblicher vnderdrückung der nechst angefahrenen Christlichen Landt / durch zudringen haben mög.

Derwegen die augenscheinlich noth zum höchsten erfordert / das wir vns entgegen zu einem beharlichen werck / vnd bestendiger gegenwehr / widerstant vnd abbruch / bey jetzigem noch werendem Reichstag bedechtllich gefast machen.

Ob wir dann gnediglich / auß Väterlichem gemut in diser notwendiger beharlicher anstellung / gemaine Stende des heyligen Reichs ferner darlegens gern enthaben sehen / vnd ganz geneigt wern / die sachen dergestalt fürzunehmen / dardurch jetziger zeit / deren verschont werden möcht. Dieweil aber vber das / bey Weyland vnser geliebsten Herrn vnd Vatters / Keyser Ferdinanden hochlöblicher gedächtnuß / Regierung / in dieses vberlestigen Feindts schedlichem zu nötigen vnd intringen / sein lieb / vnd Keyserliche Majestadt / auch deren Königreich vnd landt mercklicher schöpffr. Wir auch nun mehr gegen dem Türcken vnd seinem anhang auß hochdringender noth / biß in zwey ganze jar herumb / gefürte hefftige Kriegßübung / ein treffentlich ansehenlich summa gelts auffgewandt / vnd vns gegenwürtigs jars / noch viel mehr aufflauffen würdt /

# Abschied des Reichstags

lauffen würdt / Derhalben wir ein solchen schweren  
kosten / zu künfftigem widerstandt / vnnnd verhoffentli-  
chem abbruch / allein mit vnsern beschwerdten getre-  
wen Landen / nicht wol aufharren vnnnd erschwingen  
künden. Der wegen in solchem nicht vmbgehen mö-  
gen / ahn vnser vnd des heyligen Reichs erscheinende  
Churfürsten / Fürsten / vnd Stende / auch der abwes-  
senden Botschafften zugesinnen / vnnnd sie gnediglich  
zuersuchen / sie wolten sich in solcher ihnen selbst / auch  
ihren Landen / vnd leuthen / obligender hohen gefar-  
lichkeit / auff ein beharlich / gegen diesem geschwinden  
Feindt / mitleidenlich hilff ahn gelt einlassen / vnnnd  
nach außgang jeziges jars vorbestimpter bewilligter  
handreichung / noch fürther / auff ein anzal jar lang ihr  
weiter beharlich hilff bewilligen / vnnnd zuleisten vnbe-  
schwerdt sein / damit der grausam Feindt gemainer  
Christenheit / durch verleihung Göttlicher gnaden /  
von diesen der Teutschen Nation / nechst angelegenen  
Landen noch ferner abgehalten / vnd demc verhoffens-  
licher abbruch gethan werde. So haben Chur-  
fürsten / Fürsten / Stende / vnnnd Botschafften / vns  
angesehen / anderer ihrer obligenden beschwernussen /  
sich verglichen / entschlossen / vnnnd vns bewilligt / nach  
außgang dieses sechs vnnnd sechzigisten jars / die nechst  
nacheinander volgede VI. jar eines jedē jars VI. Monat  
lang / ein jeder Standt sein antheyl / zu berürter besol-  
dung ahn gelt / nach seinen Reichs anschlegen / einfach /  
zu zeit vnnnd zielen / wie die hievor inn der contri-  
bution gegenwürtigs sechs vnnnd sechzigisten jars /  
auch benandt / entrichten / bezalen / vnnnd inn der vor-  
gedachter Stedt / Franckfort / Nürnberg / Regens-  
purgt / Augspurgt / oder Leipzig / hinder Burgermeis-  
ter vnnnd Rath derselbigen eine / antworten / lieffern  
vnnnd erlegen wollen.

Vnd



# zu Augspurg 1566 auffgericht 17

Vnd sol solche gelchilff / im fall der noth/benante jar/ gegen dem Tyrannischen Feindt angewendt. Da aber Gott der Almechtig verhoffentlich gnad verleihen würdt / das dieser Feindt inmittelst von seinem hochlestigem gewaltigem fürsatz/ abgetrieben / oder in was wege abgewēdt wirt / so soll berürt gelthilff bey samen inn den Legstetten / biß zu andern gegen dem Türcken nothwendigkeiten behalten / vnnnd zu andern sachen nit gebraucht werden.

Dieweil nun diese bemelte nothwendige hilff den bekömmerten Christlichen Landen / so in vnd ahn der gefahrligkeit gessen/zu trost/auch den Feindt von der Teutschen Nation abzuhalten / meniglichen hohen vnd nidern standts Obrigkeiten vnd Vnderthanen zū befriedigen / vnd bey ihren landen vnnnd leuthen/ Haaben / vnd gütern/weib vnnnd kinder / zuerhalten gnediglich gesucht / vnd notwendig bewilligt / vnd es doch den Churfürsten / Fürsten/vñ Stenden/die hie vor mercklich vnd kündtlich beschwerdt/vnerschwinglich diese hilff / auß ihren eignen Cammergütern vnnnd gefellen darzu strecken. So soles derowegen einer jeden Obrigkeit / wie rechmeßig herkommen/vnnnd recht ist/frey stehen/vnd zu gelassen sein/Ihre Vnderthanen Geistlich vnd Weltlich/sie seyen exempt oder nicht exempt, gefreyet/oder nicht gefreyet/niemandt außgenommen/derhalb mit stewer zubelegen/Doch höher vnd weiter nicht / dann so ferz sich einer jeden Obrigkeit gebärende anlag erstrecken wirt / vnd das den vnderthanen zuuorderst / eigentlich vnnnd außtrückentlich diese hilff kundbar gemacht werde.

Vñ sollendie vnderthanen auffersuchung der Obrigkeit

# Abchied des Reichstags

Zeit / jeder sein gebürnuß abzurichten vnd zu bezalen  
schuldig sein / vnnnd in sonderheit sollen die capitula  
bey den hohen Stifften / vnd derselbigen Vnderthanen  
/ iren Erzbischoffen vnd Bischoffen / dergleichen  
die Stedt / vnd ihre eingeseffene Bürger / so Churfür-  
sten / Fürsten / vnnnd andern Stenden ohne mittel vnder-  
worffen sein / denselbigen ihren Churfürsten / Für-  
sten vnd andern Stenden / in solcher hilff auch zu ste-  
wer kommen / vnuerhindert aller vertreg / obligatio-  
nen / statuten / gebreuchen / gewonheiten / vnd herkom-  
men / so einich Stifft oder Stadt mit iren Erzbischof-  
fen / Bischoffen / Fürsten vnnnd Obrigkeiten / in diesen  
fellen haben / allegieren vnd fürwenden mochten.

Vnd dieweil diese constitution in vorigender  
gleichen Reichs stewart auch gesetzt / statuiert / geord-  
net / vnd aber deren etliche vorbemelter Vnderthanen /  
dieser vnser / vnd des heyligen Reichs sagung zu entge-  
gen / vnd zu wider / ire schuldig hilff nit abrichten wol-  
len / Welches denselbigen Stenden / denen diese wider-  
spennige Vnderthanen vnder worffen / nit zugerungem  
nachtheil gelangt / vnd man sich zubefahren / das in ge-  
gen würtiger hochnötigen anlag / zu schutz vnd schirm /  
vnser Königreich / Land / vnd Vnderthanen / auch des  
heyligen Reichs Teutscher Nation / gemeines Vatter-  
lands / gegen dem Tyrannischen Feindt / vnd vberles-  
stigem gewalt angesetzt / berürte dem Rechten / billich /  
vnd erbarkeit / widerstrebende Vnderthanen / sich eben-  
mesig auch jetztmals vnserm vnd des heyligen Reichs  
algemainem beschluß widersetzen würden / der wegen  
ihre Obrigkeiten / mit andern iren gehorsamen vnder-  
thanen / diese stattliche hilff nit wol würden ertragen  
mögen

# zu Augspurg 1566 auffgericht 18

mögen/dardurch der bezalunge ein abgang entstehen  
möcht.

Derwegen haben wir vns mit Churfürsten/  
Fürsten/vnd Stenden/ auch den abwesenden Kä-  
then vnd gesandten verglichen. Setzen vnd wollen  
auff den fall gemelte vnd andere Vnderthanen dieser  
Constitution nicht Pariern vnd gehorsamen/ sonder  
ihren Obrigkeit ire anlagen zuentrichten/ sich wider-  
setzen/ vnd zu angestellten Terminen vnd zielen nicht  
lieffern/oder bezalen würden. So sollen sie dardurch  
in poenam dupli gefallen sein/dergestalt/ das sie ihr  
anlag vnd schuldt gedoppelt/ihren Oberigkeiten zu-  
bezalen vnd zuentrichten schuldig sein sollen.

Darwider auch an vnserm Cammergericht/kein  
Proceß/ denselbigen vngehorsamen vnnnd seumigen  
gegen ihr Obrigkeit erkent werden/ dargegen aber  
sollen vnd mögen die Churfürsten/Fürsten/vñ stende  
vnd Obrigkeiten/in solcher verwaigerung vñ wider-  
setzung vorbemelter irer vnderthanen/ gegen jnen am  
Keyserlichen Cammergericht zu procedieren/vnd sie  
zu der bezalung zubringen/ möge vnd macht haben/  
vnd auch Cammerrichter vnnnd Beysitzer auff solche  
Constitution gebürliche Proceß vnd erkantnuß/auff  
der klagenden beger vnd anruffen/ ergehen zulassen  
schuldig sein.

Weiter nach dem die erfarnuß mit bringt/ das in  
vorigen bewilligten/vñ auffgelegten Reichs Contris-  
butionen vnnnd steuer/ die gehorsamen Stende/zu  
angesezten Terminen vnd ziel ihr gebürnuß entricht  
vnd be-



# Abſchied des Reichstags

vnd bezalt / etlich aber in nicht geringer anzal / in der bezalung ſich ſeumig erzeygt / dieſelbig ſo lang verzo- gen / biß ſie etwan durch Fiſcaliſche Proceß darzu an- gehalten vnd getrungen worden / vnnnd dennoch be- rürte Proceß ihrer zeit vnd weil auch erfordern. Vnd aber ſolche auffzügige langſame bezalung in nothſel- len zu nachtheyl gelangt. So ſetzen / ordnen / vnnnd wollen wir / das zu erhaltung gebürlicher gleichheit / Da einer oder mehr Standt inn bezalung ſeiner an- lag ſeumig / vnnnd vngehorsamb ſein würdt / das der / oder die / dardurch in die Peen der Acht gefallen ſein / vnd ſol vnſer Fiſcal Cammer Procurator / wie wir im auch ſolches hiemit auflegen / vnnnd benelhen / gegen denſelbigen ein oder mehr Citationen zuſehen vñ zu- hören / ſich in die peender Acht zu declariern vnnnd zu erklaren / außgehen laſſen / vnd ferner darauff gebür- lich procediern.

Vnd damit der Cammer Procurator Fiſcal / ein eigentlich wiſſen entpfah / gegen welchen Sten- den er von wegen irer nicht erlegung vnd ſeumigkeit procedieren ſol. So ſollen obermelte Legſtädte / nach außgang eines jeden / auß den vorbeſtimbtendreyen vnderſchiedlichen zielen / inn vierzehnen tagen / oder auffß lengſt / in einem Monat darnach / gedachtem Cammerprocurator Fiſcal / ein verzeichnuß deren ſtende / ſo die erlegtig gethan / gewißlich vberſchicken / damit er der Cammer Procurator Fiſcal / alßdann gegen den andern / ſo ſich ſeumig erzeygen / vnd die ihr gebür zu den beſtimbtten friſten nicht erlegt / Proceß außgeen laſſen / gegen ihnen volſaren möge.

Damit

# zu Plugsburg 1566 auffgericht 19

Damit auch diese hilff auff eins jeden Standts anschleg/desto sölliger geleist vnd bezalt/vnnd gegen diesem vberlestigen feindt/so viel desto stattlicher/ansehenlicher vnd fürreglicher ins werck gebracht werde / So sollen die Stende/ so durch andere außgezogen / vnd nicht in possessione vel quasi libertatis sein/ein jeder neben andern Stenden/sein angebürende anlag/vermög des Reichs anschleg/ selbst entrichten/oder die außziehende Stende dem Reich vnderworffene inhaber derselbigen herrschafften vnd güter/ so vndem heiligen Reich herrürendt / vnnd one mittel vnderworffen sein/ für sie one abbrüchig zubezalen schuldig sein / doch den exempten oder außziehenden Stenden in andern sellen/an ihrer gerechtigkeit nichts benommen.

Wir wollen auch ausgleichen bedenden/ mit der freyen Ritterchafft vom Adel/ vns vnnd dem heiligen Reich/one mittel vnderworffen / handeln lassen / das sie zu solcher hilff/wider den gemeinen feindt sich auch Christlich vnnd mitleidenlich zuerzeigen vnbeschwerdt sein wollen.

Die Hain vnnd See stett belangendt / Dieweil wir albereit von wegen solcher hilffleistung mit ihnen handlung zu pflegen/ein tag auff Sonntag Trinitatis / den neunten Junij schierstküfftig/ inn vnser vnnd des Reichsstatt Lübeck außschreiben lassen / Dahin wir dan vnser stattliche Commissarien abzufertigen vnnd zuuerordnen bedacht/auch von wegen

# Abschied des Reichstags

gen der Churfürsten / Fürsten / vnnnd Stende / etlich benennet worden / das sie ihre Rāthe vnnnd beuelch<sup>n</sup> haber / von ihrer / auch anderer Stende wegen / dahin berürter handlung beyzuwohnen schicken sollen.

Ob dann nicht allein die Stett / welche kein Churfürsten / Fürsten / oder andern Obrigkeitten / one mittel vnderworffen / vnd zugehörig / von denen im Kaiser spurgischen abschied / des sieben vnnnd funffzigsten jars meldung beschicht / Sonder auch andere / so Churfürsten / Fürsten / oder andern Obrigkeitten one mittel vnderworffen vnnnd zugehörig sein / vnd in des heiligen Reichs anschlegen nicht belegt werden / zu bestimptem tag beschrieben.

So haben wir vns mit Churfürsten / Fürsten / vnnnd Stenden / auch der abwesenden Rāthen vnd porttschafften / dahin erinnert / vnd verglichen / das in berürter handlung diese bescheidenheit gehalten werden soll / Damit den Churfürsten / Fürsten / vnnnd Obrigkeitten / an ihrer habenden gerechtigkeit / superioritet, obrigkeit / vnd was in ire contribution, steuer / vnd anschleg / gebürt / vnd zu steet / nichts benommen / Diese stett auch von ihnen den Churfürsten / Fürsten / vñ Obrigkeitten nicht außgezogen / zu dem des Reichs anschlegen nichts derogiert / oder darauff verwendt werden / vnnnd derselbigen auch inn einigen wege / kein abgang dardurch eruelge.

Dieweil es aber ansehenliche vermögliche Stett / vnd diese gemaine hilff / zu trost der betrangten Christen mitleidlich angestellt. So wollen wir vns / auch Churfürsten / Fürsten / vnnnd Stende / zu ihnen versehen / sie werden sich von diesem allgemainen Gottseligen werck nicht absondern.

Nach



# zu Augspurg 1566 auffgericht 20

Nach dem ferner die anwesenden Churfürsten /  
Fürsten vnd Stende / auch der abwesenden Räte /  
vnd Pottschaften / die bestellung vnd versetzung  
des veldt obristen ampt/in vorstehender expedition  
vnd kriegsübung/vns gutwillig heimgestellt/ So ha-  
ben wir solchs von ihnen/ zu gnedigem danck nemen  
gefallen angenommen / vnd sein auch hierauff gne-  
digs/getrewes/väterlichs/ gemüts bedacht/vns mit  
bestellung/vnd versetzung solches ampts/nach gelegen-  
heit Türckischer fürgeender eignen persönlichen expe-  
dition vnd veldtzugs dermassen zuerzeigen/das ge-  
meine Stende/vnsers verhoffens/ spürlich abnemē/  
vnd im werck befinden sollen / das vns das gemeint  
heil / die rettung Christlichen blüts / vnd abwendung  
der greulichen Tyranny dieses barbarischen feindts/  
mit allem ernst vnd zum treulichsten angelegen / Wir  
auch/sampt vnsern geliebten Brüdern/ beiden Erz-  
herzogen zu Osterreich/ an darstreckung vnser leib/  
guts/ vnd vermögens/laut vnser vorigen erbietens/  
gar nichts mangeln/noch erwinden lassen werden.

Als dann auch wol vonnöten/zu berürtem felt-  
zug kriegs räte vnd Musterherren / auch zal vnd  
pfenningmeister zu ordnen / Welche das erlegt hilff-  
gelt/ jeder zeit / bey den bestimpten Legstetten erhe-  
ben/das kriegsvoldt ordenlich mustern vnd bezahlen/  
vnd also solche hilffen nindert anderst wohin/ dann  
zu diesem Christlichen wercke vnd expedition wi-  
der den Türcken verwenden / So seindt von wegen  
der Churfürsten / Fürsten / vnd gemeiner Stende/

# Abschied des Reichstags

zwen zu Musterherin vnnnd kriegsräthen/ beide em-  
pter samptlich zuuerdretten/ vnd zuuersehen verord-  
net/ vnnnd dann zwen zall vnnnd pfenningmeister/ so  
Graffen oder herin/ oder sonst ehlich personen/ im  
Reich Teutscher Nation dermassen begürtet/ geseffen/  
des wesens/ ansehens/ vnnnd also herkommen/ auff  
die ein güt vertrauen zusetzen/ denn auch solch werdt  
wol zubefehlen/ Darzu dann Dham von Siebot-  
tendorff auff Kottwerendorff/ als für einen bestellt  
vnnnd gegeben/ vnnnd seindt auch diesen Musterherin  
vñ kriegsräthen/ auch den zall oder pfenningmeistern  
ihre Instruction begriffen vnd verfertigt/ deren sie  
sich in ihren aufferlegten ämptern/ gemess zuerzeigen  
vnd zuuerhalten.

Vnd haben wir sampt gemeinen Stenden/ den  
Räthen/ pottschafften/ vnd gesandten/ ainem kriegs-  
rath/ oder Musterherin/ Monatlich II. gulden/ aber  
einem zall oder pfenningmeister II. gulden/ zu seiner  
besoldung/ vnd stattgelt geordnet/ welche ihnen aus  
obangeregter der Stende hilff zuentrichten vnd zu  
bezalen.

Vnd sollen gedachte kriegsrath/ vns aller vn-  
derthenigsten gehorsam erzeigen/ ihr auffsehen auff  
vns haben/ vnnnd sich zu rath vnd kriegssachen/ auch  
Musterung des kriegsvoldts/ neben andern vnsern  
kriegsräthen/ vnd benelchhabern gebrauchzen lassen.

Gleicher

# zu Augspurg 1566 auffgericht 21

Gleicher gestalt sollen auch die pfenningmeister auff vns bescheiden / vns gehorsamb vnnnd gewertig sein / vnnnd soll ihnen den pfenningmeistern ohne vnser bewilligung / inn ihren raitungen nichts passiert werden.

Derner wöllen wir vnserm gethanen erbieten nach / welches dann die Stende zu vnderthenigem danc nemen gefallen angenommen haben / sampt vnsern geliebten Brüdern / alle vnser / auch ihrer Erblichen Königreich / Fürstenthumb / vnnnd Landt / macht / leibs / vnd guts / auch möglicher bestellung vnd versehenung des geschütz / munition / artelerey / Schiff / brücken / Schiff / haltung gutter kundtschafften / dergleichen damit man mit prophiant gnugsamlich / vnnnd andern dergleichen nottuerfften versehen / ahn aller möglichen volziehung / an vns nichts erwinden lassen.

Wir seindt auch weiter auff der Stende vnderthenig erinnern / des gnedigen willens / ein anzal leichter pferdt / souiel deren immer in vnserm Königreich Hungern auffgebracht werden mögen / Wie wir dann albereit in bestellung vnd auffnehmung solcher pferdt / inn vollem werck stehn / inn bestellung auffzunemen / vnnnd gegen dem seindt neben andern kriegsuold zu gebrauchen.

§ iij Gleicher



# Abchied des Reichstags

Gleicher gestalt sein wir dahin gnediglich / (wie dann nunmehr dieses one das ins werdt gebracht) besdacht / vnnnd entlichs vorhabens / nicht allein gemeiner Stende des heiligen Reichs leuth vn̄ vnderthanē zu solcher expedition, vnd zu hohen Emptern / vnd Beuelchsleuthen zuziehen / Sonder auch das kriegsvold / inn gemein zu Roß vnnnd fuß mehrern theils / auß der Stendt Fürstenthumben / landen vnd gebieten / bestellen vnd annehmen zulassen.

8 Als auch die Churfürsten / Fürsten / vnd Stendt / auch der abwesenden Rätthe / vnnnd gesandten bey vnserm gnedigen erbieten / bestellung der Prophiandt betreffendt / außetlichen eingefürten anzeigung / vnd statlichen bewegnussen / anlangens gethan / das ein general prophiandtmeister / auß ihr der Churfürsten oder Fürsten vnderthanen vnnnd angehöriger / oder auch auß andern Stenden / oder deren vnderthanen / dem andere darzu taugliche der ding erfarnere Erbare personen zu geordnet werden möchten / diesem ampt vorgefetzt werden solt.

Vnnnd aber wir hienor mit einem tauglichen dapfern / vnd verstendigen obristen prophiandtmeister gefast / der albereit im werdt diese vorsehung nach notturfft zubestellen. So haben wir vns mit ihnen / vnnnd sie sich hinwider mit vns verglichen / das es fürgenommener anstellung des prophiandtmeisters

## zu Augspurg 1566 auffgerichte 22.

meisters halben also bleiben / vnnnd von wegen der Stende / den zweyen geordneten Kriegsräthen / einem / oder denen beeden auffgelegt werdt / vnserm bemelten obristen prophiantmeister / allenthalben zu desto richtiger bestellung vnnnd herzubringung der prophiant / allen hilfligen rath vnnnd beystandt zuerzeigen / auch jederzeit verholffen zu sein / wann die prophiant ins Leger gebracht / das die schatzung derselben / nach gelegenheit wie die erkaufft vnd biß dahin geliefert / inn einem gleichmässigen vnd treglichen werth gesetzt werde.

Vnd dieweil dannoch der prophiant halben / mögliche versorgung / vnd dem Kriegsvold zu guttem / beförderung geschehen soll / vnd aber die Reüster bestallung / inn newlichen zeitten / auff ein beschwerliche vbermaß gestigen / vnnnd noch täglich sich erhöcht. So wollen wir auff der Stende vnnnd portschafften vns fürbracht / Rätlich anzeig / in ißiger notwendiger expedition, auff vnser bedächtlich inn solchen fällen / hierauff auffgerichte vnnnd gegebene bestallung handeln / vnd nach möglicher gelegenheit hinfür / in vblichen brauch richten.

Dieweil auch hienot in allē Reichs berathschlagungen eingefallē / das zu bestendigem erschießlichem widerstandt / diesem mächtigem feindt zuthun / auch andere König vnnnd Potertaten / der Christenheit zu hilff vnd beystandt mit einzuziehen / Was dann  
vber

# Abschied des Reichstags

vber vnsern getrewen sorgfaltigen fleiß/inn diesem als  
bereit fürghewendt/vnnd erhalten/weiter anlangens  
vnnd ersuchens bey andern gleicher gestalt zuthun  
für gut angesehen / In deme wölten wir nach gele-  
genheit/da etwas verhoffentlich fruchtbarlichs auß-  
zurichten/mit denselbigen vns in handlung einzulassen/  
auch vnbeschwerdt sein.

Wiewol sich dann verner inn einer solchen  
kriegs vbung / gegen ein frembten Tyrannischen  
feindt / gegen dem nicht allein vmb die herrschung/  
sonder vielmehr vmb ehr/leib/vnd leben/zustreiten/  
billich im Heyligen Reich/Teutscher Nation/gewis-  
ser sicherheit / meniglich solt haben ohne zweifelnlich  
zugetrösten. Dieweil aber auß beschwerlichen  
verschiner jar / zugestandenem widerwertigkerten/  
noch andere nachtheilige Landtsfriedbrüchige besche-  
digung eruolgen / oder auch von neuem andere vn-  
uersehenlich entstehen möchten. So sein wir auff  
solche der Stende vñ pottschaften/vns gethane er-  
innerung/vnnd für vns selbst/ ohne das/ des vätter-  
lichen gnedigen vnnd begirlichen gemüts / mit getre-  
wem vnd gnedigem fleiß/alles möglich einsehens zu  
haben/damit Landtsfriedbrüchige/thätlich gewalt-  
same handlungen verhütet/vnd die Stende vnd vn-  
derthanen / in rüwigen frieden/bey recht/vnnd dem  
was billich/ bleiben / innerlich auffwigung/empö-  
rung/vnuersehenlicher vberfall/blünderung/brand-  
schazung/verhörung vnnd anders dergleichen ver-  
mitten bleiben.

Dieweil



# zu Augspurg 1566 auffgericht 23

Dieweil auch die Stende vnd deren Vnderthanen durch die Musterpletz/wie sie bißdahero an mehr orten empfunden/ vberlestiglich beschwerdt/ vnnnd an ihrer narung inschaden geführt werde/ So sein wir in jetziger annemung des Kriegß volds/auch des gnedigen Vatterliche willens/diese gnedigste anstellung zu thun/das die Stende vnd deren vnterthanen berürter Musterpletz/so viel immer möglich/ entladen vnd geubriget sein mögen.

Weiter ist in den berathschlagungen dieses Articul/ auch ingefallen/ das hienor in versamlungen der Kriegßleut/vnd feldtzügen sich etwann zugetragen/das Rittmeister/Haubt/vñ ander Kriegßleuth/ anderer ihrer Mitkriegßleuth ihnen ein anhang gemacht/ vnd zu Reitter dinsten gegen andern zu denen sie ein vnwillen/feindschafft/ vnd mißgunst gehabt/ sich zuuersprechen/ vnd zuuerpflchten bewegt/ vnnnd sich dergleichen nachmals auch zutragen möcht/ das auß nachtheyligs zubefahren.

So setzen/ordnen/vnd wollen wir/das hinfür den Obrigsten Rittmeistern/haubt vnd allen andern Kriegßleuthen/in ihren bestellungen/ vnnnd auch Articulß brieffen eingesetz/ vnnnd sie bey Eydtspflchten verbunden werden sollen/ das sie ihnen solche anhang nicht machen/sich auch gegen niemandts nicht dermassen versprechen/ oder einichen Standt/ vnnnd dessen vnterthanen zu wider/zu nachtheyl/ vnnnd schaden/  
G Reitters

# Abschied des Reichstags

Reiterdienst leisten/oder in einigen wege/zu gewaltia-  
ger beschädigung/ im ahn vnnnd abziehen / nicht ge-  
brauchen lassen sollen noch wollen.

Das sie auch im an vnnnd abziehen anderst nicht  
dann Rottenweiß ziehen sollen/alles bey peen/vnser  
vnnnd des heyligen Reichs Acht/darin die vbertretten  
ipso facto gefallen sein sollen / als wir dann dieselbi-  
gen in disen fellen/ auch ohne einiche ferner erklerung/  
Jezzo als dann/ vnd dan als jizzo/hiemit in vnser vnd  
des heiligen Reichs acht erklet/erkandt/vnnnd sie als  
vnser vnnnd des Reichs Echter/in krafft dieses vnser  
Reichs Abschiedts denuncijert/vnd außgetundt ha-  
ben wollen.

Vnd dieweil auch ohne allen zweiffel Gott der  
allmechtig/seiner armen Christenheit/vmb derselbi-  
gen vielfaltigen sünde wegen/diesen grausamen vnnnd  
michtigen Feindt fürbrechen/sein Tyranny vben/vff  
vberhand nemen leß/derhalben hoch von nöten/das  
jedermeniglich zu abwendung des Göttlichen zorns/  
von dem mercklichen vnd vielfaltigen beschwerlichen  
lastern/abstehe/vnd sein leben in besserung richt.

So gebieten wir hiemit ernstlich/vnnnd wollen/  
Das alle Oberkeiten in ihren gebieten/den Psarhern/  
vnd Predicanten aufflegen vnnnd benehlen/das sie die  
vnder

# zu Augspurg 1566 auffgericht 24

vnderthanen zu busß vnnd besserung/ vnnd embsigem gebett zu Gott dem almechtigen ernstlich vermanen vnd anweisen sollen.

Wir wollen vnnd gebieten auch / das täglich inn Stetten/ Flecken/ Markten/ vnnd Dörffern/ zu mittagszeiten/ ein glocken gelentet/ vñ das volck von den Cantzlen vnderwisen vnd vermant werde/ zur selbigen zeit/ wie auch sonst/ Gott den Almechtigen vmb Sieg vnd vberwindung gegen dem Erbfeindt/ auch abwendung Gottes gerechten zorns/ vnnd der vorstehender grausamen straff/ mit hertzlicher andacht anzuruffen vnd zubietten.

Vber vorigs haben vns Churfürsten/ Fürsten/ vnnd Stende/ in ihren bedendlichen anzeigen/ vnder anderm auch fürbracht vnd anlangens gethan. Dieß weil sie nun etlichmal mehrgedachtem vnserm geliebten Herrn vnnd Vatter/ Keyser Ferdinanden/ hochlöblicher gedächtnuß/ ihz mitleidenliche hilff/ zu rettung des Königreichs Hungern/ gutwillig erzeigt/ vnd sich mit ansehenlichen contributionen des gemainen Pfennings/ vnd anderer Reichs hilffen beladen/ ahngelobt/ vnd Leuten getrewlich zu gesetzt/ auch jezundt vns zu allem vnterthenigstem gehorsam/ in ein mercklich ansehenlich hohe Reichs hilff/ abermals gedachtem Lande/ fürnemblich zu gutem einlassen/ da doch solch Landschafft dem heiligen Reich Teutscher Nation/



## Abſchied des Reichstags

tion/in nichts nicht verwandt/oder zugethan/das es  
nit vnzimlich oder vnbillich / das zu einer danckbar  
keit gemelt landt zu Hungern / da es durch Göttliche  
miltē gnad / von dem Feindt erredt / in etwas auffne  
mer / dihe vñ zu kressre keme / es dem heiligen Reich  
auch zugewandt/verbunden/vnd zugethan/auch ges  
gen andern Feinden/wo sichs zu trüge/vns als Köni  
schen Keyser/Churfürsten/ Fürsten/ vnnd Stenden  
behilfflich bestendig sein / auch gleichfals mit jnnge  
maine Reichs contributionen eingezogen werden  
solt.

So halten wirs nicht für vnzimlich/ da vnser  
Königreich Hungern / zu seinem vorigen Standt/  
Würden/vnd wesen/widerumb gebracht/ vnnd auß  
diesem beschwerlichen jamer vnd trangsaler ledigt wer  
den solt / das als dann solch Königreich/vnd desselben  
angehörige Stendt/sich herwiderumb gegē dem heyl  
igen Reich/desselben gliedern/ vnd Stenden/in fürs  
fallenden notfellen/auch mitleidenlich vnd dermassen  
erzeyge/ daher derselbigen nachbaurlich danckbar ge  
müth/im werck erkent werde/ Welches wir nicht al  
lein für vns selbst jederzeit gern befürdern/ söder auch  
vnser erben vnnd nachkommen/ dahin mit allem fleiß  
zu weisen bedacht sein wollen.

Auff der gemeinen erscheinenden Stendt/ vnd  
der abwesenden Kethe/vnnd Botschafften bittlichs  
anlangen/ von wegen etlicher Stende des Fürsten  
Raths/so in vnsern Ober vnd Nider Österreichische  
Landen

## zu Augspurg 1566 auffgericht 25

Landen begüttet sein/vnd sie sich beschweren/diese be-  
willigt hilff dem Reichs anschlag nach/zuleisten/vnd  
nicht desto weniger berürter ihrer gütter halb/nach bes-  
sonderbar mitleydlich sein sollen/Wir wolten vns so  
aller gnedigst/in gegenwürtigen vnnnd künfftigen we-  
renden Reichs hilffen/erzeigen/vnnnd diese gnedigste  
versehung thun/das sie mit der doppel steuer/an bey-  
den orten/nicht beschwerdt werden/In diesem wöllem  
wir vns so gnedigst erweisen/fleiß fürwenden/vnnnd  
die säch dahin richten/damit dieselben Stende vber  
vnd wider alt herkommen/nicht beschwerdt werden  
sollen.

Nach dem dann der gemain frieden im  
Reich Teutscher Nation/in religion vnd Prophan sa-  
chen/ohne bestendigs gleichmefigs Recht/nicht zue-  
halten/ derwegen vnser Keyserlich Cammergericht  
anfenglich/damit meniglich mit wenigster beschwer-  
nuß/zu seinem Rechten verholffen werden möcht/  
geordnet/vnnnd auffgericht/auch seythero erster  
insatzung desselbigen biß zu gegenwürtiger zeit/  
in allen Reichßuersamlungen/vnnnd vilfaltigen ge-  
haltenen verordnungen/vnnnd visitationen von  
Gerichtlichen Processen vnnnd andern/dasselbig vnser  
Keyserlich Cammergericht betreffent/Tractationen  
berathschlagung vnd handlung fürgegangen/vnd son-  
derlich im Reichßtag/im acht vnnnd vierzigsten jar zu  
Augspurg gehalten/ein ergengzte ordnung wolbedecht-  
lich mit zeitigem rath zusammen gezogen/vnd auff allen  
folgenden Reichs vnd andern sonderbarn des Cam-  
mergerichts halbē/angesezte tagleistungē weiter wie  
dasselbig in seinem wesen im heiligen Reich zuerhaltē/  
G iij vnd

# Abschied des Reichstags

vnd die rechtlich der sachen erörterung/zum scheinigsten befördert werden möchten / weiter stattlich berathschlagung jedesmals fůrgangen/aber nicht desto weniger/vns vnder andern des heiligen Reichs hohe obligen/von eingang vnser Keyserlichen regierung/auch fůrkommen/ Das von wegen groſſe vnd vieler rechthengigen sachen/die sich heuffen/auch verhinderlicher execution der ergangenen vrtheyletlich mangel vnd gebrechen/ahn bemeltem vnserm Cammergericht sich ereugen sollen.

Als wir dann Churfürsten/Fürsten/vnd Stend/auch der abwesenden Gesandten Botschafftē/zueingang gegenwůrtigs Reichstags/dessen neben andern auch fůrhalten lassen / vnnd etlich fůrneme Puncten/in fůrderliche berathschlagung gestellt / darauff auch sie die Stende vnnd Botschafften / vns ihr Rathlich bedenden vntertheniglich eröffnet / haben wir vns mit ihnen / vnnd sie sich hinwider mit vns verglichen/vnd entschlossen/das zu etwas mehr fůrdarlicher erledigung / der ahm gedachten vnserm Cammergericht schwebender Rechthengiger / vnd sonderlich der beschlossenen sachen/die anzahl der ordinari Breyſiger/umb etwas zu erhöhe/auf sonderlicher bewegende vrsachen/das hinsfůro drey diffinitiff recht bestendiglich gehalten vnd die beschlossenen sachen in mehrer anzahl durch dieselbigen zu recht außgebracht werden möchten.

So setzen/ordnen/vnd wollen wir/das den vorigen



# zu Augspurg 1566 auffgericht 26

gen vier vñ zwenzig ordinarij Beysitzern/ noch acht Personen Adiungiert/ zugethan/ auch als ordinarij in gleicher den andern besoldung/ ahn vnserm Keyserlichen Cammergericht bestellt/ vnd zugeordnet werden sollen.

Vnd sollen vnser/ vnd des heiligen Reichs Churfürsten/ ahn den acht bemelten Personen/ zwo/ vñ die sechs Kreiß zu der presentation geordnet/ die vbrigen sechs/ jeder Kreiß einen für sich/ ahn vnser Cammergericht/ vermög vnd nach außweisung der ordnung qualificiert/ vnd geschickt/ presentiern/ vñnd diese anstellung thun / das sie auff den ersten tag Septembris, diß jeczlauffenden sechs vnd sechzigisten jars / in ihre Stendt andretten/ vnd auff die zeit sie in gewöhnliche pflicht vnd Eydt auffgenomē/ ein jeden die bestimpte Beysitzer besoldung angehen soll.

Vnd dieweil noch drey extraordinarij im sieben vnd fünffzigisten jar/ angenommen/ dem Cammergericht beywonenn vñnd der gerichtlichen hendel nun mehr erfaren/ So sollen sie bey dem Gericht behalten/ vñnd als deren einer von dem Westphälischen Kreiß hienor presentiert/ derselbig darbey gelassen/ oder auch von newem durch jeczgemelten Kreiß/ inn die anzal angeregter acht Personen/ widerumb presentiert/ aber die zwen/ welche derselben zeit durch miltester gedächtnuß / Weilandt vnsern geliebten Herren vñnd Vatter seligen / Keyser Ferdinanden/

## Abchied des Reichstags

nanden/in derzal der sechzehen extraordinariorū  
dem Cammergericht beygesetzt/sollen auch bey ihren  
Stenden bleiben/vnnd den andern als ordinarij  
in besoldung/vnd sonst gleich gehalten werden.

Damit auch diese acht zugethane Beysitzer/sampt  
den zweyen noch bleibenden/gleich den vorigen/ihrer  
geordneten besoldung/auff vnser Cammergerichts  
vnderhaltung/hebig sein mögen. So setzen/ord-  
nen/vnd wollen wir/auff der Churfürsten/Fürsten/  
vnd Stendt/auch der abwesenden Rāth/vñ gesand-  
ten fürgeende/vnd vns angezeigte vergleichung/das  
eines jeden Standts / zu ordinarij erhaltung des  
Cammergerichts/ihme auffgesetzte anschleg/vmb den  
dritten theyl erhöcht/vñ ein jeder gleich als bald/nach  
diesem Publicierten/vnnd aufgekündten Abschiedt/  
hinsüro den dritten theyl/berürter seiner anlag zu zu-  
legen/vnd hinsürrer zubezalen schuldig sein soll.

Dieweil auch hiebey bewogen/das die mehrfals-  
tige verenderung der Beysitzer Personen/den Rechts-  
hengigen / auch ad interloquendum vnnd defi-  
niendum beschlossenen sachen verhinderlich. So  
ordnen/vnd wollen wir / das die Beysitzer so hinsü-  
ran/vnnd nach Publiciertem dieses Reichstags Abs-  
chiedt/ahn das Cammergericht genommen werden/  
Sechs jar lang/da sie anderst qualificiert/vnd tanga-  
lich bes

## zu Augspurg 1566 auffgericht 27

lich befunden wurden/daran bleiben/vnnd vor außgang der sechs jar dauon nit abkommen. Da aber einem solche ehaffte vrsachen fürfielen/das er bemelte zeit dem Cammergericht nit beiwonen künde/So soll er dieselbigen in einfallenden visitationen/vnsern Keyserlichen Commissarien/vnnd der Stende visitatorn fürbringen/vnd deren erkantnus darüber gewertig sein.

In weiter vnser anzeig/wes sich vnser Cammerichter vnd Beisitzer/vnser Keyserlichen Cammergerichts/der prorogationen halben/so sich inn den reuisionen zutragen/beschwerdt befunden/ist inn den berathschlagungen erregt/Dieweil im abschiedt des neun vnnd funffzigsten jars zu Augspurg gehaltenem Reichstag/aus damals fürgefallenen bewegnussen/vnnd zuvor zugetragenen vnrichtigkeiten/auch in erwegung/das ausserhalb vnser ansehenlichen Commissarien/vnd der Stende visitatorn/in den visitationen nicht so leichtlich fürgangen werden solt/die Cammergerichts ordnung/vnder dem funffzigsten Titul/prime partis, im Versickel/Wo etlich der gemelten Commissarien &c. Also erleutert/erclert/vnd damals statuiert/gesetz/vnnd geordnet/das im abgang einer personen/die andern in den visitationen nicht volnfarn/sonder dieselbigen einstellen/vnnd in das volgendt jar/sampt den einfallenden reuisionen prorogiern solten/alles inhalts berürts abschiedts.

§ Dieweil



# Abschied des Reichstags

Dieweil aber inmittelst sich innersarung erfunden/da einer außbleibt/ oder die seinē nicht schickt/die visitationen auch zu zeiten zutragende reuisionen nit zu geringer der visitatorn/ auch Cammerrichters vnd der beysitzer beschwerdt/eingestellt/vnd prorogiert werden müssen/dieses aber (als der iustitien verhin-derlich/vnnd darauß sonst nicht wenig in diesen sachen vngereumbts eruolgt/) abzustellen/vnd in ein gewissere richtigkeit zubringen.

So haben wir vns mit den erscheinenden Churfürsten/Fürsten vnd Stenden/ auch der abwesenden Rätthen/vñ gesandten verglichen vñ entschlossen/das angezogener Versidel. Vnd wo etlich ic. darin seines inhalts gesetzt/ wo etlich der visitatorn mit erscheinen wurden/das nicht destoweniger die erscheinenden mit der visitation fürfaren sollen ic. auff ein gewisse anzahl der außbleibenden zuercleren sey/wie wir dann solchen hiemit vnd in krafft dieses abschiedts/ declarieren/ ordnen/ vnd wollen/ auff diesel eine/ zwey/ oder auch drey/der visitatorn/ zu den visitationen/ zu denen sie beschriben/ erfordert/ oder die auff sie prorogiert/ außbleiben/ oder nicht erscheinen wurden/ das nicht destoweniger die andern erscheinende/ mit vnsern Commissarien/ inn den visitationen fürschreiten/vnd dieselbigen zu ende bringen/ Da aber mehr dann drey nicht erscheinen/ oder die ihren nicht schicken wurden/ als dann sollen die visitationen eingestellt/

# zu Augspurg 1566 auffgericht 28

stelt/ vnd biß ins nechstuolgendt jar/ prorogiert/ vnd  
erstreckt werden.

Wir setzen / ordnen/ vnd wollen auch/ auff den  
fall die Stende zu den visitationen beschrieben vnnnd  
erfordert / oder auff die / die visitationen proro-  
giert weren/ jedesmal nicht erscheinen/oder die ihren  
nicht schickten wurden/ das deren jeder/ für sich/ ein  
tausent gulden / inn goldt /oder goldts wehrung/ inn  
gutter grober münz / Da aber ein Fürst geistlich  
oder weltlich / derinn der person beschrieben/ auß-  
bleiben / oder kein andern Fürstmeßigen ahn sein  
statt abordnen / wurd / das derselbig drey tausent  
gulden/ jecz bemelter wehrung/ inn vnseres Keyserlich-  
en Cammergerichts vnderhaltung/ vnnachleßig/ vnd  
one einichen abgang/ excipiern, vnnnd widerrede/  
entrichten vnd bezalen soll.

Vnd nach dem die visitation inn das fünff vnnnd  
sechzigst jar jüngst erschienen/ außgeschrieben/ da-  
mals verhindert/ vnnnd biß auff den ersten May/ diß  
jzt lauffenden sechs vnd sechzigsten jats/ prorogiert/  
vnnnd erstreckt / aber auch jecziger zeit ihren vortgang  
nicht erlangen mag/ So setzen/ vnd wollen wir/  
das die Stende/ inn vorgedachtem fünff vnd sechzi-  
gsten jar beschreiben/ als nemlich / Der Churfürst  
zu Brandenburg / Bischoff zu Straßburg/ Herzog  
Erich zu Braunschweig vnnnd Lünenburg / die pre-  
s ij laren/

# Abchied des Reichstags

laten / Wetterawisch grassen vnnnd herrn / die statt  
Eßlingen / auff den ersten Maij / inn künfftigem  
sieben vnnnd sechzigisten jar / zu der visitation wider  
rumb bey vorgesezter peen / erscheinen / oder nach  
aufweisung der ordnung / die ihren schicken sollen.

Gleicher gestalt in fernerer wegen / was diesem  
articul anhengig / haben Churfürsten / Fürsten / vnnnd  
Stendt / auch der abwesenden Rätthe vnnnd potts  
schafften / vns inn ihrer anzeig / vnderm andern an  
bracht / das noch ein zimbllicher außstandt / zu viel  
gedachter des Cammergerichts vnderhaltung / von  
verflossenen jaren hero / inn verschieenen zielen / auff  
die anschlege etlicher Stende / so bißdahero hinder  
stellig / noch vnbezalt / beuor sey.

Dieweil aber recht vnd billich / das gleichheit inn  
dem vnder den Stenden gehalten werdt / so haben  
wir vns mit ihnen / vnnnd sie sich hinwider mit vns hiers  
über verglichen / Setzen vnd wollen / das die jeni  
gen / so noch etwas an das Cammergericht zuent  
richten schuldig / dasselbig one verner verweigerung /  
oder vffzug / wie sie / vermög des heyligen Reichs  
constitutionen vnd abschieden / one das verbunden  
vnd schuldig / bey vermeidung vnser vnd des heyligen  
Reichs schweren vngnadt / nachtragen vnnnd bezalen /  
damit auff hievor des Fiscals handlung vnnnd be  
schluß / gegen ihnen mit declaration zuuolnsfaren  
nicht von nöten. Vnd sol nichts desto weniger vnser  
Kaiser



# zu Augspurg 1566 auffgericht 29

Keiserlichen Cammergerichts procurator Fiscal aber  
mals / vnnnd von newem / seinen gegen den seumigen  
angefangnen processen / schleunig nach zusetzen / vnnnd  
gleichfals gegen denen / so sich künfftiglich vngehor-  
sam oder seumig / in dieser irer bezalung erzeigen wur-  
den / wie sich gebürt / auch ernstlich procediern / vnnnd  
zu beschließlicher handlung volfaren.

Als wir dann weiter bey diesem articul / ein  
verzeichnuß etlicher puncten / auß den abschieden / inn  
den visitationen / vom funffzigisten jar / biß inn das  
vier vnnnd sechzigst jüngstuersehenen / auffgericht /  
aufgezogen / den gemeinen Stenden / vnd den pott-  
schafften zuberatschlagen fürgelegt / sie auch diesel-  
bigen vnder andern zuerwegen fürgenommen / vnnnd  
vns ihr rathlich wolmeinendts bedenden / darüber  
eröffnet / So haben wir vns mit ihnen verglichen  
vnd entschlossen.

Erstlich / Dieweil inn der ordnung / titulo  
quinto, in prima parte gesetzt / statuiert / vnd ge-  
ordnet / welcher gestalt sich Cammerrichter vnnnd bey-  
sitzer gegen denen so angenommen / vnd ihrem stande  
vnnnd ampt inn verrichtung / was die ordnung auff-  
legt vnnnd erfordert / nicht gemess erfunden werden /  
verhalten sollen / vnd inhalts dieses Tituls / auß hoch  
bewegenden vrsachen / fürnemblich gestelt / auch  
Cammerrichter vnnnd Beysitzer / mit sonderlicher spe-  
cial vermeldung / bey ihren pflichten eingebunden /  
H ij Da

## Abchied des Reichstags

Da auch nicht mit ernst hierüber gehalten / sonder etwas nachgeben werden solt / wo nicht die gang ordnung / jedoch deren fürnembste haubt articul / dar auff das ganz gericht fundiert vnd begründet / in vnrichtigkeit gebracht / auch gantzlich vernichtet wurde / welchs vns / auch Churfürsten / Fürsten vnd Stenden vntreglich / So setzen / ordnen / vnd wollen wir / das hinfuran allem inhalt / vnder berürem fünfften Titul verfaßt / fürnemblich durch den Cammerrichter / auch die beyßiger / so viel sie dieses belangt / mit fleiß ernstlich / vnd vnnachlässig / durch auß nachkommen / vnd derselbig gehalten werde / bey den pflichten / darin außdrucklich begriffen / das auch gleicher gestalt vnser Commisarien / vnd der Stende visitatoren bey den eidtspflichten / darmit sie vns / vnd die gesandte Räte vnd Portschafften / jedesmals bey den visitationen erscheinendt iren herren vnd obern verwandt vnd zugethan / alles inhalts der ordnung vnder dem fünffzigisten Titul / des ersten theils verfaßt / vnangesehen wen solches betreffen möcht / nachsetzen / vnd wes an vnser Cammergerichts personen / vom obersten / bis zum vndersten / vnd sonst in andern / mangelhaft befunden / alles inhalts jtzbemelts Tituls / hinweg schaffen / corrigieren vnd verbessern / vnd sich daran einige affection oder bewegnus / wie die geschaffen sein möchte / nicht verhindern noch iren lassen sollen.

Als auch fürkömpt / das sich die procuratores  
sub

## zu Augspurg 1566 auffgericht 30

sub spe rati in sachen einlassen/mit erbietung/zu bestimmpter zeit gnugsame mandata einzubringen/ vnd aber solchem nicht nachsetzen / Vnd wann sie hierüber contumaciert / als dann abermals zu noch mehrerm auffzug furwenden / sie seyen mit gewäldten von ihren partheyen nicht versehen / Wo nun hinfüro einer oder mehr/in angebottener oder bestimmpter zeit/ seinem erbieuten in diesem nicht nachkommen wurde/so soll derselbig ex arbitrio vnser Cammerrichters vnd beysitzer gestrafft/ zu dem in expensas moræ, oder retardatę litis der gegenparthey condemnirt werden.

Da inne in einer sach/durch der procuratorn abkommen / vom gericht / oder aber durch derselben/ oder ihrer partheyen absterben/ oder auch sonst anderer vrsach halben/ ferner legitimatıon von nöten / sollen die procuratores ihrestheyls die sachen dahin richten/ vnd anhalten / damit vnuerzuglich widerumb andere gnugsame gewäldt / vnnnd legitimatıones, zu den actis kommen/vnd derhalben wo von nöten/neweladungen ad reassumendum causam, fürderlichen außziehen/vnnnd sich zu solchem nit erst durch gerichtliche bescheidt treiben lassen / So baldt auch einichs er gewäldt / also gerichtlich fürbracht wurdet / soll der gegenprocurator denselbigen besichtigen / vnnnd wo er ihne mangelhafft / oder vngnugsam befindet / als baldt dagegen excipiern / vnnnd vmb volkommene legitimatıon anhalten / auff das nicht  
erst



## Abſchied des Reichstags

erſt nach gethanem beſchluſ / die Reſerenten / das ſelb durch beſcheidt auflegen / vnnnd die eröffnung der vrtheyl / derhalben einſtellen müſſen / vnnnd damit der gegenprocurator / dieſem deſto baß nachſehen müſſe / ſollen die procuratores hinfürter neben ihren gewälten / oder derſelben ſignierten Copeyen / auch eine gleichlautende abſchrift / ( wie es mit andern pro ducten gehalten würdet ) danon gerichtlichen fürzu bringen / vnnnd irem gegentheyl als baldt heraus ſol genzulaffen ſchuldig ſein.

Vnd dieweil etliche procuratores / ſo von ihren herſchafften / oder principalen / generalia mandata bekommen / ſich darauff in etlichen ſachen gerichtlich eingelaffen / vnd aber in etlichen andern / vnnnd ſonderlich in Fiſcalibus, vnangesehen derſelben habenden general mandaten nicht einlaſſen wollen. So ſetzen vnnnd wollen wir / das zuuerhütung des daraus bißhero eruolgtten verzugs / auch des vnkoſtens / ſo dem Fiſcal / vnd andern priuat partheyen / mit außziehung vnd erequierung neuer ladungen / ſonſt diß fals / verurſacht werden möchten / ſich dieſelbigen procuratores hinfüran / in aller derſelben ihrer herſchafften / oder der principaln recht hengigen ſachen / vermög gemelter gewäldt einlaſſen / oder aber glaubwürdigen ſchein / das ihnen ſolches von ihren herſchafften vnnnd principaln zuthun verbotten / gerichtlichen fürlegen.

Vnd wiewol den procuratoribus vermög der ordnung / ohne vorwiſſen irer partheyen / zu ſubſtituiren nicht gebürt / Noch dann / vnnnd damit der priuat perſon

# zu Augspurg 1566 auffgericht 31

personē rechtsachen mitler weil/biß sie erinnerung ent-  
phahen/das ihr Procurator/vom Gericht abgestan-  
den/vnnd sich in andere wege/widerumb mit einem  
procurator versehen mögen/in nachtheyligen still-  
standt nicht erwachsen.

So setzen/vnnd ordnen wir/das in dem fall/da  
die procuratores gentlich von ihrem Procurator  
Standt/ahm Keyserlichen Cammergericht absteen/  
so ferz sie in ihren Gewäldten clausulam substitu-  
endi haben/mit vorwissen des Cammerrichters/vnd  
zweyer Beysitzer/biß auff der Partheyen wolgefallen/  
vnd verenderung/ander substituieren mögen.

Ferner/nach dem auch befunden worden/das die  
Procuratores, ihren gegen anwäldten/offtermals  
in vnd außserhalb Gerichts/lenger termin bewilligen  
vnd zulassen/dann die ordnung vermag/dardurch der  
Partheyen rechthengigen sachen verzogen werden.  
Solchem zubegegnen/ Setzen vnd wöllen wir/das  
hinfürter in keins Procurators willen oder macht ste-  
hen sol/in oder außserhalb gerichts/seinem gegentheyl  
zu seiner handlung/mehr/oder ander Termin zubewil-  
ligen/dann die ordnung selber außweist/vnd zugibt/  
oder durch Cammerrichter vnd Beysitzer erkent wer-  
den.

## Abschied des Reichstags

Als dann bey der weiln ein procurator dem andern sein Substituten absetzt/dardurch er seiner Partheyen gegentheyl heimligkeit zuzeiten erlernet/ So sollen die Procuratores ihre Substituten/die sie annehmen/gebürlicher weiß astringiern, da sie von jnen abweichen vnd in andere dienst sich begeben/ die geheimnussen der Partheyen Rechtserfertigung/die sie bey jhnen erlernet haben/zuerschweigen/vnd weiter nit zu offenbaren.

Wo sich auch in dem ein Procurator von wegen seines abziehende substituten/beschwerdt befinden würde/ soll derselbig jhme dem klagenden vor Cammerrichtern vnnnd Beyßigern Rechts gewertig sein. Vnd dieweil auch die erfahrung gibt das die sollicitatorn in deme sie vber der Procuratorn prothocola lauffen/ der Partheyen geheimnussen dardurch erlernen. So sollen die substituten für obas solche sollicitatores vber die prothocola, zugehen mit nichten gestatten/sonder sollē dieselben/wes sie bey den substituten zu verrichten in der audiēz thun/vnd fürnehmen.

Wann auch hinfürter bescheidt/ oder decreta auff supplicationes in wichtigen/ oder auch zweifelichen sachen gefast/ So sollen die motiua derselben/ zu sampt der Referenten namen/durch die prothonotarien vnd Notarien fleißig neben dem bescheidt auffgeschrieben werden/auff das wo die Procuratores etwann volgents widerumb durch dergleichen supplicationes ansuchen/ Cammerrichter vnd Beyß



# zu Augspurg 1566 auffgericht 32

vnd Beyfizer sich der vorigen motiuen erinnern/vnd nach denselben gleichheit zuhalten/ vnd sich zurichten haben.

Ferner setzen/vnd ordnen wir/das die manualia prothonotoriorum vnnnd notariorum, niemandts auß den gewelben zutragen gegeben/Da aber ein Beyfizer sich darin zuersehen/sollen solche manualia mit vorwissen des Herrn Cammerrichters/demselbigen durch die Leser in dē Gewelben/ oder im rath zubesichtigen behändigdt werden/da aber dieses vber solches vbertretten/Sol der Cammerrichter dagegen ex arbitrio getrichtliche straff fürnemen.

Da dann ein procurator in anwaltschaftt namen vmb ladung/oder andere Proceß/wider Vormünder/erben/helffer/helffers helffer/vnd dergleichen anzuhalten hette/soll er die namen derselbigen in supplicatione anzeigen/vnd soll die Canzley hinfuran kein Proceß/ob die gleich in genere decretiert/vnnnd erkandt/es werden dann zuuor durch die aduocaten vnnnd procuratores die partheyen auftruckenlich in der Canzley benant/verfertigen vnd aufgehen lassen.

Insfuran sollen die procuratores in Appellationen sachen/aller appellaten namen/auch benennen/da mit die executionen citationum ihren gebürlichen fůrgangerlangen mögen/vnnnd sollen die vbertretter nach gelegenheit gestrafft werden.

# Abschied des Reichstags

Über das setzen vnd ordnen wir/da ein parthey in zwey/dreyen/vier/fünfften/weniger oder mehr sachen/so sie ahn vnserm Keyserlichen Cammergericht rechtshengig hatt / vnnnd darüber commissarien zeugen zuuerhören erlangen/ vnd der zeugen sag in allen solchen sachen in ein rotulum examinis verfassen/vnd zusammen bringen lassen / vnnnd nachmals / da solcher rotulus zu einer sachen allein gelegt/vnd bey den andern im fall der noth/nicht befunden/vnrichtigkeiten darauffer wachsen/vnd in disem den Lesern beschwerlichs zugemessen wirdt/ so sollen hinfürter post publicationem attestationum, nach anzal derselbigen gehenfftensachen/auff der partheyen kosten/ copie gemacht/vnd zu der einen das original, vnd den andern jeglicher ein copey gelegt/vnd darauff geschriben werden/bey welcher sachen das original zu finden sey.

Vnder andern ist fürkommen/das vielmal die instrument/brieff/vnd sigel/ auch andere vrfunden/so in originali mit gleichlautenden copeyen/fürbracht bey den acten gelassen/vnnnd nicht widerumb herausgenommen werden/wie dan deren noch in einer grossen anzal vnd hauffen/in den gewälben liegen sollen/dardurch erfolgt/das die partheyen vnd auch derselbigen Erben / nach verflissung der zeit nicht wissen/wo ihre documenta hinkommenn vnd in fürfallenden notwendigkeiten/derselbigen nit bey handt haben/nit wissen/wo die zu finden/dardurch an iren gerechtigkeiten vernachtheylt werden/ Solche der partheyen

# zu Augspurg 1566 auffgericht 33

theyen schaden zu verhütten / so sollen die procura-  
tores, ob gleich ire Principál in diesem seumig / diesel-  
bigen erindern / das sie berürte originalia bey guter  
zeit / auß den Gewálben fordern / vnd zu iren der Prin-  
cipaln selbst handen nemen wollen.

Vnd dieweil in distributione caularum fis-  
calium der gebrechen befunden / das dieselbigen vor  
dieser zeit durch den notarium zu denselbigen sachen  
geordnet / ohne vorwissen des Cammerrichters außge-  
theylt. So statniern vnd ordnen wir / das solches hin-  
füro keinem notario gestattet / vnd zugelassen werde /  
sonder das gemelter notarius mit wiessen / vnd außbe-  
uelch vnfers Cammerrichters / diese sachen zu gleich vñ  
der die assessores auftheylen / darüber auch directo-  
ria vñ Registratur ebenmässig / wie durch die Leser in  
andern sachen auffgericht vnd gehalten werden sollen.

Wir ordnen vnd gebieten auch / da jemandts ihme  
ad referendum zugestellte acta, die noch nit erledigt  
ohne vorwissen vnd sondern beuelch vnfers Cammer-  
richters / in die gewálb wider antwortē wolt / das die  
Leser solche nicht annemen / deßgleichen da einer oder  
mehr acta selbst fordern / vnd ihme zu zuschreiben be-  
gern wirt / die Leser sich dessen enthaltē sollen / welches  
also bey iren pflichten / vnuerbrächlich zuhalten / ihnen  
hiemit eingebunden sein sol.

Irungen zwischen den procuratorn vnd Lesern /  
des collationier gelts halben zu vorkommen / Setzen /  
I iij vnd wöl,



# Abſchied des Reichstags

vnd wollen wir / das in collationibus von einem jeden zimblischen blat / inn gewäldten vnnnd andern / vier Creutzer / in depositis vom hundert gülden / wo dieselbigen durch die Leser gezelt / acht halben bagen / inn auffsuchung actorum von zeit ahn dieselbigen acta, so auff zusuchen begert / ahn vnserm Keyserlichen Cammergericht rechthengig worden / von einem jeden jar / nach anzal derselbigen vier Creutzer / vnd dan von insinuationibus priuilegiorum jedes mals ein goldgülden / bezalt vnd genommen werden sollen.

Wir ordnen / vnd wollen ferner / das die Aduocaten vnnnd procuratores, von wegen ihrer partheyen / oder die partheyen selbst / dem notario causarum fiscalium in collationibus, von einem jeden zimblischen blat / vier Creutzer zu entrichten vnnnd zu bezalen schuldig sein sollen.

Auff die fell die seumigen Stende / vnnnd die / so durch executoriales / s jenig / was sie schuldig / zu entrichten vnd zu bezalen angehalten werden / daneben aber solcher außgangener executorialn halben / vnnnd sonst auffgelauffene expens vermög derselben executorialn nicht erstatten wollen / soll der Fiscal hinfüro gegen den seumigen / welche den auffgewendten costen verursacht / vnd noch nit erlegt / zu einbringung dergleichen expens vnd vnkosten / wie sich in solchen fellen gebürt / procediern vnd volfaren / etc.

Fürters

# zu Augspurg 1566 auffgericht 34

Furters von wegen iuramenti paupertatis,  
Wollen wir/da dieses iurament ein mal erstatt/das  
dieselbig parthey / in der zweyten / dritten / oder mehr  
eingefürten sachen schuldig sey/berürt iuramentum  
von newem zuschweren / oder aber versprachnuß zu  
thun / da sie auß armut zu besserm glück / vnd vermü-  
gen kommen würdt / das sie meniglich seiner arbeit/  
auff gebürliche Tax zu frieden stellen / vnd begnügen  
soll.

Wir setzen/vnd wollen auch/das die jenigen/es  
seyen in oder außlendische/ die sich/ vnder dem schein  
die practick zu sehen/an vnser Keyserlich Cammerge-  
richt begeben/so jetzo zu Speyer anwesendt / oder  
künfftiglich deßwegen antommen werden/sich bey vn-  
serm Cammerrichter anzeigen/vnd angeben sollen/zu  
dessen erkantnuß vnd gefallen wir es hiemit stellen/  
nach gestalt vnnd wesen der personen/dieselbigen vn-  
der die Cammergerichts personen/ anzunemen/vnnd  
durch den Pedellen auffzeichnen/vnd immatriculieren  
zulassē/Vnd soll ein jeder der sich angibt/auffgeschrie-  
ben vnd immatriculiert würdt / dem Pedellen einmal  
ein halben gülden zuentrichten schuldig sein.

Causas iniuriarum belangendt/die bey der wei-  
len/zwischen dē Personen des Cammergerichts einfallē  
vñ da die in recht fertigung gezogen/wie bißhero etlich  
mal geschēhē/vñ sich noch zum theyl vnentscheiden/ an  
dem

## Abschied des Reichstags

dem Gericht nicht zu geringer ver hinderung vñ auff haltens anderer partheyen rechthengigen sachen/erhalten/solche ver hinderung abzuschaffen / Setzen vnnd ordnen wir / das in verbalibus iniurijs, die bey der weylen auß vnbedächtlichē hitzigen beweg nussen des gemüts / vnnd vnbesonnener weiß auffge gossen/ vnd andern geringern thätlichen schme hungen/der Cammerichter nach fürbrachter klage/vnd ge hörter verantwortung / außserhalb gerichtlichen Proceß ex officio inquisition fürnehmen / Vnd nach befin dung der sachen/vnd da der Iniuriant zuuiel vnd vn recht gethan/nach gestalt der Personen/den Iniurian ten mit dem Thurn straffen/oder ein buß vnnd freuel an gelt abnehmen möge/vnd die ergangnen schmachres den / darüber kein theyl ahn seinen ehren/vnd gutem ley mut/verleztlich oder nach theylig sein sollen. Aber in atrocioribus iniurijs, so auß vorsatz / vnnd bes dächtlichem gemüt entstehen / vnd zu grossem hohem nachtheyl/des geschmechten gelangen möchten / auff den fall die Partheyen nit kunden vertragen werden/vnd der Kläger beharlich 3 rechts begern wirt/soll ime dasselbig auch nicht abgeschnitten werden.

Nach dem denen partheyen/welche die/so hohes standts/oder auch andere Personen/laut der ordnung ihnen rechts zupflegen ersuchen/offt begegnet/das sie auff ihr schriftlich ersuchen/von den selbigen ersuchten kein antwort erlangen / auch nicht Notarien bekom men mögen/die von ihrent wegen solche ersuchen an bringen/vnd darüber instrument auffrichten / Dar durch



## zu Augspurg 1566 auffgericht 35

durch ferner eruolet/das sie nach verfließung der zeit/  
in der ordnung bestimpt / von mangel des documents  
oder beweisung ihrer beschehener ersuchen / bey dem  
Keyserlichen Chammergericht/Proceß nicht außbrin-  
gen mögen. So ordnen vnnnd wollen wir / das auff  
ansuchē der Partheyen/ oder irer procuratorn/Cham-  
merichter / vnnnd beysitzer/gegen derselben widertheyl  
promothorial erkennen sollen / ihnen nach aufwei-  
sung der ordnung / rechtens zupflegen / vnangesehen/  
das die ersuchent parthey/ ihres vorgethanen bey dem  
gegentheyl ersuchens / kein schein fürlegen würdt. Da  
aber solche außgangene promothoriales hernacher  
reproducirt/so sollen keine proceß erkent werden/ Es  
seyen dann zugleich auch/die documenta requisiti-  
onis, oder erequierter promothorialium vnnnd de-  
negata iusticiæ fürbracht.

Dieweil auch die rechthengigen sachen / in einer  
namhafften mercklichen anzal / sich ahn vnserm Key-  
serlichen Chammergericht erhalten sollen / Das der-  
wegen in denen allen vnd jeden/nit wol schleinig/ ver-  
mög der ordnung / durch auß procediert werden mag/  
zu dem auch etwan die partheyen selbst / in solchem / zu  
ihrem vortheyl vielmals verlengerung suchen/der we-  
gen sie zu procedieren / zu handeln/vnd im rechten für-  
zugehn / anderst nicht / dann durch die vmbfragen/  
in contumacijs angehalten vnnnd getrieben werden/  
Wie wol nun die Chammergerichts ordnung / in be-  
rürten vmbfragen contumatiarum gute richtige  
K maß

## Abſchied des Reichstags

maß vnnd weise / innsich begreiffz / wie zum schlen-  
nigsten procediert werden soll / Derwegen in der ord-  
nung ahn dem orth / fruchtbarlich nicht wol enderung  
fürgenommen werden mag / Vnd doch zu befürde-  
rung vnd abhelffung der Rechtschwebenden sachen /  
für nothwendig vnd fürreglich erachtet / vnd ermes-  
sen worden / Das auff die drey Gerichtstäge / so in der  
wochen gehalten werden / jedes tags derselben / mor-  
gens vor mittag / Audiencz in contumatijs gehal-  
ten werde.

Demnach statuieren / ordnen / vnd wollen wir / das  
auff jezberürte drey Gerichtstäge / jeder tags densel-  
ben / zu fruer tagzeit / von neun vhrn ahn biß auff zeh-  
nen / noch ein extraordinari audiencz jedoch allenvñ  
jeden audienczien / wie die hienor gehalten vnabw-  
chig / auch den Relationen / vnd fassung der vrtheyl /  
in diffinitiuis / vnd interlocutorijs / vnuerhinder-  
lich in contumatijs in der gewönlchen Gerichtsstu-  
ben / vor einem der Presidenten / vnd zweye Beysitzern  
hinfuran / in bey den vmbfragen exculationum &  
acculationum auff inhalt der ordnung / auch in ab-  
wesen der Herrn Presidenten / nit desto weniger / durch  
zwen auß den Beysitzern gehalten / vnd verricht wer-  
den / Vnd sollen die Procuratores in berürten vor-  
mittägigen Audienczien / nicht weniger als sonst in an-  
dern / auch gleich ohne einichen verzug / zu bestimmter  
neundten stundt erscheinen.

Es solt

## zu Augspurg 1566 auff gericht 36

Es sollen auch die procuratores in irer ordnung/  
in allen ihren sachen/darinn sie zu handeln schuldig/ire  
entschuldigung thun/darauff auch jedesmals ein vmb-  
frag in accusationibus fürgehen soll/ in deren der  
gegentheyl procuratores in irer partheyen sachen/  
darin das entschuldigen/durch den Procuratorn/den  
die ordnung troffen/vbergangen/anruffen mögen/  
vnnnd da gespürt/das die entschuldigung gefährlicher  
weiß vnderlassen/soll derselbig Procurator/durch den  
Cammerrichter/oder ampts verweiser/vnd die Beysiz-  
zer/der straff auff ihr ermessigung gewertig sein.

Es solle auch den procuratoribus in solchen  
vmbfragen contumaciarum in einer jeden sachen/  
nit mehr dann einmal in seiner ordnung/biß dieselbig  
durchaus herumb gehet/vnd wider ahn ohne kômpt/  
anzuruffen/bey peen der ordnung zugelassen sein.

Vnd damit abermals die partheyen/vnd der Ge-  
richtlich proceß/desto schleuniger/befördert werde/  
auch meniglich sich vmb so viel desto weniger/verlen-  
gerung der sachen zubeklagen/. So sollen vielgemelte  
Procuratores sich hinsuran/des weit leuffigen münd-  
lichen entschuldigens enthalten/vnd entweders mit  
wenigen worten mündlich/oder wo das mit der kurtz  
nicht beschehen kôndt/als dann allein schriftlich ihr  
entschuldigungen vnnnd vrsach der verhindernussen/  
K ij lauth



## Abchied des Reichstags

lauth der ordnung / fürbringen / auch die gegentheyl  
darauff / in massen in oft angeregter ordnung ver-  
hen zu handeln vnd zubeschliessen schuldig sein.

Nachdem weiter fürkommen / das in contumacijs  
die jenigen procuratores gegen denen angeruffen  
würdt / sie aber zu handeln nicht gefast / wie sie billich  
sein solten / zeit ad proximam bitten / dieselbig auch  
erhalten / aber gleichwol solchem nicht nachsetzen /  
die gebettene vnnnd erhaltene termin vberschreiten /  
dardurch die sache in beschwerliche verlengerung gestellt  
werden / Solches abzuschneiden / Setzen vnd ordnen  
wir / so oft hinsüren ein Procurator / wie vermeldet /  
zeit ad proximam bitt / sich zu handeln erbeit / auch  
dasselbig erhelt / vnd aber dem nit nachsetz / das er vn-  
nachlässig / durch Cammerichter vnnnd Baysiger  
ex arbitrio nach gelegenheit gestrafft werden soll.

So viel die Appellationen betrifft / dieweil ohne  
das in causis appellationum circumductio ter-  
mini nicht zu gelassen sein / oder statt haben soll / So  
setzen vñ wollen wir / Das der Versickel / es sol auch / 1c.  
vnder dem zwölfften Titul / in tertia parte ordina-  
tionis. gesetz / ad causas appellationum nicht exten-  
diert / oder auff dieselbigen gezogen werden soll.

Siebes

## zu Augspurg 1566 auffgericht 37

Sie beneben ist der Appellationen halben / fürkommen / wie offttermals fürfalle / das durch die Appellanten eben so wol als die Appellanten die eingefürten appellationen so ohne das beyden theylen / gemein prosequiert oder volsürt werden / wo dan in solchem fall der appellatus sich der acten prioris instantiæ so appellans redimiert oder erlöst / vnd gerichtlich produciert / auch gebrauchen wolt / vnd deswegen zwischen beyden theylen der angewendten pro redemptione actorum, expens halben / stritt einfile / ob der appellatus dem appellanten etwas daran zuerstaten / oder zu ster zu kommen schuldig sein solt / in diesem weitlaufftige erörterung / so zum verzug anderer sachen fürkommen möchte / abzukürzen / Vnd damit hie runder gleichheit gehalten werden möge. So setzen vnd ordnen wir / das der theyl / so der appellation als beyden partheyen gemein anzu hangen bedacht / sich mit dem andern / der solche acta Prioris instantiæ wie vorgemelt redimiert vnd erlöst / Deswegen auffgelegt vnkosten / vnd auffgewendten expens halben / vertragen vnd vergleichen / Da aber solches zwischen jnen nit statt haben möcht / So sol dieses zu des Richters entscheid vnd meßigung gestelt sein.

Als dann vielmals iudicialiter newe vnd notwendig proceß / commissiones ad perpetuam rei memoriam, arrest / vnnd andere notwendige hilff gesetzen / in welchem durch verzug / vnd verweilung der zeit

K iij die

## Abschied des Reichstags

die partheyen in nachtheyl geführt / Vnd aber in der Cammergerichts ordnung statuiert / vnd gesetzt / das ad proximam oder sonst in zeit derselbigen ordnung auff solche supplicationes fürdarlich gehandelt / oder so darin submittiert / vnuerzüglich hilff ertulgen soll. Wo dan disem nicht stracks nachgesetz / oder auffbewilligung vnd Prefixionen nit gehandelt / aber dagegen der supplicant in nouis ohne fernern verzug / sein supplication vnnnd prefixion erholen vnnnd ihm zum vnuerzüglichsten / darauff bescheidt ertulgt / welches zu merckliche befürderung der sachen dienlich / daneben zu zeiten die gefangenen / wie sich gebürt / erledigt / hoch vnd nider Standts / partheyen / zu ihren notwendigen beweisungen kommen / vnd daran zu abbruch ihrer gerechtigkeit nicht verlüstigt / vnd dan zwüschen hohen Standts personen / vnd andern beschwerliche weitlaufftigkeiten / entpörungen / vnnnd betrübung gemeines friedts / verhüttet würden.

So declariern / erklern / vnd ordnen wir / das in den fellen / da Periculum in mora, den procuratoribus zugelassen sein sol / ihrer partheyen vnuermeidliche notturff / vnnnd fürstehende beschwerden / durch ein supplication / in der umbfrag in nouis fürzubringen / vnnnd umb geburendt hilff der rechten / anzuruffen vnd zubitten / Das auch darauff den anruffenden vnuerzüglich bescheidt / vnnnd hielff rechtens / mitgetheylt werdt / Doch also vnnnd dermassen / da Cammerichter vnnnd Beysitzer hernach so viel erlehrnet / das vnerheblicher / vnnnot



## zu Augspurg 1566 auffgericht 38

vnnottürfftiger weise/suppliciert/angeruffen/vnd an  
gezogē Periculum in der sachen nicht gefunden/das  
als dan die Anwalt ihres vngüblichen/vnd vnnot-  
türfftigen anruffens vnd begerens halb/nach ermeßi-  
gung durch Cammerichter vnd die Beysitzer gestrafft  
werden mögen/vnd sollen.

Dieweil sich auch mehrmals zutregt/das die jeni-  
gen/denen nach fürgewendter exception die litis  
contestatio durch rechtlich erkantnuß auffgelegt/  
aber nicht desto weniger dieses/so als baldt vermög der  
ordnung beschehen solt/durch die partheyen oder pro-  
curatorn/vnder dem schein begerts termin ad Pro-  
ximam in verlengerung gezogē würdt/zubeschwerli-  
chem vnzimblichen auffhalten/des gegenthyls. So  
wollen wir/das hinfuran/wan der gestalt die  
litis contestatio dem beklagten theyl/per interlo-  
cutoriam auffgelegt würdt/derselben interlocutori  
auch angehendt werden soll/das der Kriegrechts/  
da der noch in verender oder nechstuolgender Audi-  
enz nicht also beuestigt würde/hiemit in contuma-  
tiam für beuestigt angenommen sein soll.

Auff den fall eine gefallenen halben/manda-  
tum sine clausula außgebracht/vnd gerichtlich ro-  
duciert/dagegē der ander theyl/zeit ad proximam zu  
handlē begert/vñ vngehandlet fürgehn leß/dardurch  
derge

## Abſchied des Reichstags

der gefangen / mit ſchwerer gefengnuß in die leng be-  
leſtigt / Wo alß dann inn begerten vnn̄d erhaltenen  
termin nit gehandelt / ſo iſt geſetzt vnd geordnet / das  
dem klagen vnn̄d anruffenden theyl ſeiner wider-  
parth contumaciam in nouis zu accuſieren frey  
ſey / Aber außerhalb dieſes Articuls / vnd dann deſſen /  
ſo hienor von den ſachen / vbi periculum in mora  
geſetzt / ſollen ſonſt alle andere Receß in dieſe umbſtag /  
vermög der ordnung / nicht gehörig / vnder was ſchein  
die eingeführt / befunden werden / ohne vnderſchied  
caſſiert / verworffen / abgethan / vnn̄d die procu-  
ratores nach ermeßigung des Richters / von wegen  
vbertretens geſtrafft werden.

Als auch im zwen vnd zwenzigſten Articul / des  
andern theyls / der Chamiergerichts ordnung / bey dem  
Articul der pfändung geſetzt / vnd geordnet / das dem  
pfänder oder ſaher mandiert werden ſoll / ohne ver-  
zug / auch einiche einrede / die pfändung wider zugeben  
vnd die gefangenen auff alte gewönlliche vrphebt / ic.  
ledig zulaffen / Statuieren vnd ordnen wir / das ſolches  
widergebens / der pfändt vnd erledigung der gefange-  
nen / one entgelt geſchehen / vnd dieſe wort ſärobaß den  
mandatis / ſo auff die pfändung ſine clauſula auf-  
gehn / einuerleibt werden ſollen.

Da auch die pfandt / durch des pfänders verſchul-  
den / vñ ſahleſigkeit vernachtheilt / oder gar verder-  
ben

# zu Augspurg 1566 auffgericht 39

ben / oder auch zu fürkoffung solches Schadens / durch den gepfenden / vmb gelt wider gelöst werden / es sey gleich vor / oder nach ermelttem proceß / wollen wir / das der beklagt / oder pfender / nicht weniger den billichen werth der vernachteilten verordneten pfandt / oder aber das an statt der gelösten pfandt eingenommen gelt zuerlegen / vnnnd damit außgangenen mandaten vollziehung zuthun schuldig sein soll.

Ober jenzgesetzten puncten / haben wir etlich andere / vnseres Keiserlichen Chammergerichts personen / vnnnd wes ihnen zuuerichten / vnnnd sich zuerzeigen obliegt / belangen / inn ein sonderer verzeichnuß zusammen setzen / vnd vnserm Chammerrichter vnd beysigern zustellen / vnd vberreichen lassen / Mit gnedigem beuelch / das sie / auch andere Chammergerichts personē so viel die ein jeden betreffend / nachkommen / vnnnd sich der selben gemess erzeigen / Demnach ordnen vnd wölle wir / das dieselbig nicht weniger / als ob sie gegenwärtigem vnserm vnd gemeiner Stendts abschiedt / einuerleibt / gehalten werden sollen / Sonsten aber in allem andern / wes inn diesem vnserm Reichs Abschiedt nit außdrucklich vermeldet / gesetzt / vnnnd vnseres Chammergerichts ordnung / zu / oder abgethan / soll dieselb inn allen ihren begriffen inhalten vnd articeln / steet vnnnd vnuerendert bleiben / vnd deren aller dings nachgesetzt werden.

Nach obgesetzten articulen / haben wir  
2 auch



## Abſchied des Reichstags

auch in der Churfürſten / Fürſten / Stend / vnnd der  
abweſenden Räch / Pottſchafften / vnd geſandten / be-  
dencken geſtelt / Demnach dem heiligen Reich vorja-  
ren / vnd ſonderlich bey jetzigen zeiten / etlich anſehen-  
lich Stend / Landt / vnnd güter durch frembde Po-  
tentaten entzogen / endtwendt / vnnd von denſelbigen  
thätlicher weiß / in behalten werden / vnnd man ſich  
noch mehr abziehens vnnd zunötigens zu den Sten-  
den des Reichs zubefaren / Welcher geſtalt / vnd durch  
was fügliches mittel vnnd wege / nit allein das jenig /  
was dem heilige Reich biſhero entfrembt / widerumb  
herzugebracht / ſonder auch / wie noch weiter ſchmele-  
rung vnd abgang vorkommen / vnnd denſelbigen ge-  
ſarlichen nachſetzigen anſchlegen vnd practiken / be-  
gnet werden möge.

Dieweil aber ſolliches ins gemain / auff ein gewiſſen  
beſchluß / dem in allen dieſen ſellen deren verender-  
lichen vmbſtendt halben nachgangen werden möcht /  
nicht wol zuſerze / So haben ſie dieſes gantz werdt / ne-  
ben andern des heiligen Reichs obligen / wes hierun-  
der zutragender gelegenheit nach fürzunemen / in vn-  
ſer verner gnedigs getrewens ſorgfeltigs nachden-  
ckens geſtelt.

Wiewol nun wir / auch vnſere Königreich /  
Landt / vnnd leut / durch des gewaltigen / gemainer  
Chriſtenheit feindts / des Türcken / vnnd ſeines an-  
hangs geſchwindt Tyranniſch vorhaben / hochbe-  
ſchwerlich

# zu Augspurg 1566 auffgericht 40

schwerlich beladen/ vnnd all vnser sinn/ gedanken/  
vermögens/vnd macht/zu notwendiger rettung vnnd  
abbruch/ darwider zusezen/ vnuermeidlich ver-  
ursacht.

So wollen wir doch aus treuem vätterlichem  
gemüt/ gnediger/ vnnd sorgfaltiger zuneigung / zu  
dem heiligen Reich Teutscher Nation/ nachtrachtens  
haben/wie in mittelst/vnnd auch zu andern bequem-  
lichkeiten/vnnd durch was mittel vnd wege/die abge-  
nötigte Stende vnd güter/ widerumb in des Reichs  
contribution, anschleg/ vnd subiection zubringen  
vnnd vns den jenigen stenden/ so künfftiglich durch  
gewalthätig / offentlich/ oder heimlich/ vffserzig/  
listig/anschleg/ vnd practicken/von andern angesoch-  
ten/vnder zutrucken/ vnnd von dem Reich hinzuzie-  
hen vnderstanden/ vnnd sonst betrangt werden inn  
aller möglichkeit beystendig erzeugen/sie anch mit rath/  
hilff/vnnd rettung nicht verlassen/ In deme vnser/  
vnd des Reichs Churfürsten/ Fürsten/ vnd Stende/  
sich neben vns gleicher gestalt/beräthlich vnd hilfflich  
erzeugen sollen.

Wie Wol dann verne: inn verschienē jarn/  
gewesenen Reichstagen / vnnd andern sonderbaren  
angestellten moderation tagen/von wegen der alten/  
vnd sonderlich/im ein vnnd zwentzigsten jar/der min-  
dern zal zu Wormbs/auffgerichten Reichs anschlege/  
2 ij für

# Abschied des Reichstags

für die hand genommen / vnnnd vber vorgehende tractationen, im Reichstag des acht vñ vierzigsten jars / zu Augspurg gehalten / ein gantz form vnnnd weiß / welcher gestalt ein bestendig moderation ins werck zustellen / verglichen vnnnd beschlossen / darauff dann etlich von meßigung / verglichung / vnnnd richtigmachung halben der anschlege / handlung vnnnd tagleistung ernolgt / vnnnd aber vor diesem / auch inn gegenwertigem vnserm Reichstag / vns vnnnd gemainen Stenden vielfaltig Supplicationen / von wegen nachlassung vnnnd meßigung der Stendt anschleg fürkommen / welche auff eines jeden angezogene beschwerden / vnd bloß angeben / one einich vorgeende notwendige erkündigung / vnd noch mehr jriger vngleichheit einfürung / nicht mögen erledigt werden / Vnd aber derselbigen Supplicanten anlangen / genzlich ersitzen zulassen / entgegen auch bedenklich fürgefallen.

Demnach haben wir vns mit Churfürsten / Fürsten / Stenden / vnd der abwesenden Rät / Pottschafften vnnnd gesandten verglichen / Das abermals ein moderations tag / dermassen inn allen des Reichs Kreissen durchgehendt geordnet werde / das alle Stendt des Reichs / auch diejenige / so inn vorgewesenen moderationen / ihr beschwerden einbracht / obgleich ihnen der auff der moderatori erkantnus ernolgt / Jedoch von neuen zu dieser moderation auch zu zulassen / vnd soll ihnen neben dem / wes sie iezmals weiter fürzubringen / auch ihr vorige / inn gewesenen moderation tägen / einbrachte grauamina vnnnd be-  
weißthum



# zu Augspurg 1566 auffgericht 41

weißthumben/ (jedoch auß den Kreissen/da die hin-  
derlegt/ oder auch vō dem Cammergericht/ dahin die  
per appellationem komien/ glaubwürdig beschlosse)  
widerumb einzufüren vnbenommen sein.

Vnnd soll diese moderations handlung/auffmass  
vnnd form/wie in angeregtem Reichs abschiedt / des  
acht vnnd vierzigsten jars / wolbedächtlich verfast/  
auch darauff im ein vnd fünffzigsten/vnnd fünff vnd  
fünffzigsten jarn/ebenmässig/ in weiterer anstellung  
gesetz/ jetzeger zeit auch fürgenommen/vnnd würcklich  
volzogen werden. Dieweil dan gedachter modes-  
ration halben in berürten Reichs abschiede geordnet/  
Wo einer oder mehr Stendt des heiligen Reichs/ sich  
in vorigen anschlegenzu hoch beschwerdt zu seiner ach-  
ten/ Das der/oder dieselbe Stendt/alle ihre beschwe-  
rungen innerhalb bestimpter zeit inn den Kreissen/  
darunder sie gehörig/ denen so die Kreiß zu beschrei-  
ben haben/ in schrifft beschloss vbergeben/ darauff  
die Kreiß beschreiben/ vnd durch sie zwo verordnungen  
eine zu der erkündigung/ die ander zu der moderation  
fürgenommen werden solten.

Demnach auff jetzig/ abermals dieser sache halben/  
vns durch Churfürsten/ Fürsten/vnnd Stende auch  
der abwesenden Reth/ Pottschaften / vnd beuelch-  
haber / fürbracht bedencen/haben wir vns mit inen/  
vnd sie sich mit vns verglichen.

Setzen / ordnen/  
L iij vnd

## Abſchied des Reichstags

vnd wollen / das nachmals wie zuvor geordnet gewesen / die jenigen / so geringert zu werden begern / nach dato dieses vnſers Reichs abſchiedts / inwendig den nechstfolgenden sechs monaten / die wir ihnen hiemit peremptoric angeſetzt / vnd beſtimpt haben wollen / ihre beſchwerden mit den vrsachen / warumb / auch wie weit die begerte ringerung beſchehen ſoll / innden oder die Kreiß / darunder der oder die beſchwerdten gehörig / denen Kreiß aufſchreibenden Fürſten / in ſchufften verſchloſſen / vbergeben ſollen / mit der außtrucklichen certification vnd vergewißung / da ſie inwendig ſolchem termin / ihre beſchwerden / nicht ein / oder fürbrechten / das ſie verners nicht gehört / noch inn der moderation bedacht / ſonder ihnen hies mit als dann ein ewig ſtilſchweigen auffgelegt ſein ſoll.

Hierauff ſo wollen wir verner / Das nach ſolcher vbergebung / vnd nach außgang der jetz beſtimpten ſechs monaten / der / oder die / ſo allein die Kreiß / darin beſchwerden vbergeben ſeind / zu beſchreiben haben / innerhalb eines Monats ein jeder ſeinen Kreiß / darin dieſelbigen beſchwerden gehörig / angelegene malſtat / vnnnd auff ein nämblichen tag / innerhalb jetz beſtimpte Monaten zu benennen / beſchreiben / vnnnd erfordern / Welche Kreißſtende / darinn ſolche beſchwerden fürkommen / vnd obberürter maſſe beſchreiben ſeind / auff ernenten tag / wie obſtehet / an beſtimpter malſtat / vngeweigert erſcheinen / vnnnd zuſamen kommen ſollen.

## zu Augspurg 1566 auffgericht 42

Wo aber einer/so der Kreiß einen zubeschreiben/selbs beschwerdt sein / vnnd ringerung begern wurd / der soll seine beschwerung/als dann auff solchem Kreißtag auch fürbringen.

Es solle auch die beschriebene Kreißverwandten zuwo verordnungen/ eine zu der erkündigung/ die ander / zu der moderation / auff form vnnd maß / wie in vorigen des acht vnnd vierzigsten jars abschiedt hienon begrieffen/fürnemen / Sodan solche beide verordnungen dermassen durch die Kreißstende beschehen/sollen die ersten verordneten/ zu der erkündigung als baldt/nach außgang des monats so zu der Kreißbeschreibung zugelassen / die er kündigung für die hand nemen/ vnnd allermassen darin procediern/ wie auch hienor inn jetz berürtem abschiedt vorsehung beschehen ist/ Doch das solch erkündigungen inn den Kreissen inn denen/wievorgemeldet/beschwerden einbracht/ in dreyen monater geschehen/ vnnd volbracht werden.

Wo aber einer oder mehr Stendt/nachmals inn bestimpter zeit / ihre beschwerden/ dem oder denen Kreissen/der oder die hienor zusamen beschrieb worden/vnnd gemelte verordnungen albereit gethan haben/ fürbringen würden/mag die erkündigung durch die vorigen darzu geordneten / doch inn jetzbestimpter zeit geschehen/damit den/oder die Kreiß/von newem derwegen zubeschreiben nit von nöten.

Vnd



## Abſchied des Reichstags

Vnd demnach ſolcher erkündigung vñ erforſchung in denen geſetzten letzten dreyen monaten fürgegangen/ So ſollen abermals nach aufweiſung vordemelts acht vnd vierzigſten jars Reichs abſchiedts/ alle einbrachte beſchweigungen/ vñnd daraußf gehalte erkündigung/ der zweyten verordnung/ zu der moderation vberſchickt werden/ vñnd ſollen als dann die verordneten zu der moderation nach außgang der obgemelten letzten dreyen monaten/ innerhalb den nechſtfolgenden zweyen monaten/ gewißlich auß den letzten tag derſelbigen/ widerumb zu Wormbs erſcheinen/ vñnd alles inhalts mer gemelts Reichs abſchiedts/ wie auß darin angeſetztem tag/ geſchehen ſein ſolt/ procediert vñnd volnfaren.

Vnd damit in dieſem werd der beſchreibung der Kreiß halben/ kein verner ver hinderung für falle/ ſo ſeind die fürſten/ ſo derwegē ſtrittig/ dermaſſen verglichen/ das ſolch aufſchreiben vnabbrüchig eins jeden gerechtigkeit ſein gewiſſen für gang in beſtimpter zeit gewinnen ſoll.

Nach dem auch auß hienor angeſetztem Kreiß tag zu Wormbs/ ſich zweiffel vñnd vngleicher verſtand zwischen den moderatoren zugetragen/ ob nach dem jüngſten des fünf vñnd vierzigſten jars/ der mindern zal fürgeſchlagen/ doch nicht aller ding volbracht Reichs anſchlag/ oder aber nach dem alten Wormbsiſchen anſchlag/ Anno Tauſent fünf hundert vñnd ein vñnd zwenzig außgerichtet/ die handlung der moderation für genommen werden ſolte/ Damit  
dann

# zu Augspurg 1566 auffgericht 43

dann zu künfftigem Kreyßtag die moderation/derhalben nicht ferner auffgehalten/oder gehindert werde/so lassen wir vns auff der Churfürsten / Fürsten/ vnnnd Stendt / auch der abwesenden Râthe / Botschafften/vnd gesandten/derhalben beschehen vergleichung gefallen / das die moderation auff die alten Wormsischen anschleg/des ein vnd zwentzigsten jars/anzustellen sey / vnnnd fürgenommen werden soll/wie dan gemainer Stendt mainung / auff vorigen alhiegen Reichstagen/auch anders nicht gewesen ist/Derwegen die moderatores zu künfftigem Kreyßtag/sich ferner hierüber nit zu irren/ oder dieses in ein zweyfel zuziehen haben.

Es soll auch auff künfftigem moderation tag/der moderatoren auß den Kreissen zu diesem werdt geordnet stim vñ Sesion/auch der Kreyß einbrachten beschwerden halben/wie die in ihrer ordnung abzuhandlen/dem brauch nach/wie sonst in des Reichs versamlungen herbracht/auch gehalten werden.

Vnd ob einiche irung / zwischen etlichen Stenden der Sesion halben were/ So sol doch die Session wie die gehalten würdt / niemandt ahnn seinem rechten nachtheylig sein/dergleichen den Kreissen ahn ihrer hergebrachten Sesion / auch keinen nachtheyl oder vortheyl geben.

# Abſchied des Reichstags

Vnd wiewol wir vns mit Churfürſten/ Fürſtē/  
vnnnd Stenden/ auch der abweſenden Rāthe/ Bort-  
ſchafften vnd geſandten verſehen/ Es werden zukū-  
tiger zeit / die moderatores in ſo einem hochwichti-  
gen notwendigen werck / darzu ſie auß ſonderm der  
Stende/ eins jedē Kreiß vertrauen geordnet/ ſich für-  
fallende ringfügige zweiffel nit irren laſſen / oder ſich  
derwegen wol wiſſen zuuereinigen / nicht deſto weni-  
ger/ da ſich je ſolche zutrügen / wie auch gleichwol auß  
vnuerſehenen viſach / dergleichen irthumb bey der  
weil entſtehn mögen / Damit dan die moderatores  
in volnführung dieſes wercks / nit gehindert wür-  
den/ wo ſie ſich dann in angeregten irrigen zweiffel nit  
ſelbs vergleichen könden/ So thun mir hiemit den  
Churfürſten/ Fürſten/ vnnnd Stenden/ vnnnd der abwe-  
ſenden Rāthe/ Bortſchafften/ vñ geſandten/ auff ihre  
gutwillige heimſtellung gnediglich bewilligen/ da den  
moderatorn / ſolche zweiffel/ welche den ordinem  
oder modum procedendi vnnnd wie ſie in der mode-  
ration volnſahren ſolten/ betreffend/ einſielen/ die ſie  
ahn vns gelangen lieſſen / das wir ihnen auff ihr an-  
ſuchen/ ſurdarlichen entſcheidt geben/ vnnnd zukömmen  
laſſen wollen/ damit nicht / wie vormaln zu worms  
geſchehen/ vngleichmeßiger bedendēn halben die  
moderation ferner auffgeſchürtzt / vnnnd verzogen  
werde.

Was aber deciſionem vnnnd eñtlich erörterung  
ſolcher moderation belangen thut / in dem ſeindt  
den moderatoribus mittel vnnnd weg/ in vielbemel-  
tem



## zu Augspurg 1566 auffgericht 44

des acht vnnnd vierzigsten jars / Reichs Abschiedt  
vorgeschrieben / wie vnnnd welcher gestalt sie ex  
aquo et bono die ringerung vnnnd vergleichung/  
nach befindung gelegenheiten vnnnd gestalt der sachen/  
erkennen/vnd da sich jemandts solcher erkantnuß be-  
schwerdt befunde / wie vnnnd wan er sich für das Key-  
serlich Cammergericht beruffen möge/derhalbē es bey  
demselbigen Abschiedt billich bleibt / vñ gelassen wirt.

Damit aber die jenigen/ so nach geschehener mo-  
deration der verordneten / oder aber (wo diersachen  
nicht erheblich erachtet) nach abschlagung der beger-  
ten ringerung / sich nachmals beschwerdt zu sein befün-  
den/vnnnd es dabey nit bleiben lassen/ sonder sich/wie  
inen im selbigē Abschiedt zugeben/ für vnser Keyserlich  
Cammergericht beruffen wolten/ auch ein wissens ha-  
ben/wie sie den proceß instituiern mögen. So sol nach  
gelegenheit dieses handels/dergestalt procediert vnnnd  
volnsfaren werden/das der / so sich beschwert befindt/  
seine eingebrachte grauamina sampt darauffervolg-  
ter erkündigung / ahn den orten / da die widerumb  
durch die moderatorn eines jeden Kreyß/ beschlos-  
sen hinderlegt/erfordere/dieselbigen an vnserm Key-  
serlichen Cammergericht / sampt seiner summarischen  
petition (doch ohne einich newer beschwerden ein-  
führung vber die/ so zuuor den moderatoribus für-  
bracht) gerichtlich einbringe/vnd die sachen zu ferner  
des Gerichts erkantnuß stelle. Vnd sollen Cammer-  
richter vnd Beysitzer/vber solche grauamina vnnnd  
M ij darauff

# Abschied des Reichstags

Darauff genolgte erkündigung/ wie die von den moderatoribus beschloffen/hinderlegt/sampt einer summarischen petition ferners nichts anzunemen schuldig sein. Deßgleichen auch/wo ein appellant/in diesen moderations sachen/seine beschwerden vnnnd vrsachē / ohne einiche vorgangene inquisition oder probation neber blossen angehendeten schriftlichen vrfunden fürbracht/Also auch wo in den sachen/darinn inquisitiones vnd erkündigung gepflegt / dieselben erkündigungen nicht durchauß/auff alle beschwerden / sonder des geringern theyls fürgenommen/ vnd mangelhaftig gefunden werde/das haben sich Cammerichter vnd Beysitzer/nichts irren zulassen/sonder sollen allein auff das jenig / was ihnen auff vermelte maß fürbracht/decidiern / sprechen/vnnnd erkennen/Dañ so der appellât in fürbringung seiner grauaminum, vnnnd darauff angestelter erkündigung/etwas verlast/versaumpt/oder vbersehen / solchs hat er ihme selbst zuzumessen.

Als aber ferner in den Abschieden/des ein vnnnd fünffzigisten / auch fünff vnd fünffzigisten iarn / begriffen/wie volgt. Wan dan Cammerichter vnd Beysitzer ermessen würden/das ihnen etwas weiters/ zu ihrer information von nöthen were/ So geben wir ihnen hiemit auff der Churfürsten/erscheinenden Fürsten vnd Stende / vnd der abwesenden Bottschafften vnnnd gesandten vergleichen vnnnd bewilligen gewalt/ vnd

# zu Augspurg 1566 auffgericht 45

vñ macht/das sie dasselbig/durch gebürliche compul-  
soriales, denen auch meniglich pariern/vnd gehorsam  
men soll/ahn orten/da es behalten/zuhanden bringen  
mögen. Indeme vnser Cammerichter vnnd Beysitzer  
die anregung thun/ob ihnen gleich hierin von nöten/  
zu weiterer information compulsoriales zugeben/  
So seyen doch solche sachen etwan dermassen geschaf-  
fen/das/wider welchen compulsoriales zuertönen/  
oder bey weme ferner erkündigug zu haben/nicht zuer-  
messen/noch abzunemen/Solchen zweiffel auffzuhe-  
bē/haben wir vns mit Churfürstē/Fürsten/Stende/  
vñ der abwesenden Gesandte Botschafften verglich  
ē entschlossen/Sezen vnnd wöllen/dieweil dieser paß  
des Abschiedts/vnsers Cammerichters vnd Beysitzer  
anzeig nach/ein solche vnrichtigkeit in sich hat/vnd  
beschwerlich in die practick zubringē/ auch außershalb  
dem geordneten wege der moderation/nit wol ferner  
inquisition geschehen/oder erkündigung eingenom-  
men werden kan/das derselbe widerumb Cassirt/  
oder auffgehoben/vnd Solcher appellation proceß/  
in ringerungs sachen / stracks bey einbringung der  
grauaminum vnd erkündigung den moderatoren  
fürbracht/sampt der Summarischen petition gelas-  
sen werden soll/oder aber das jenig / so von com-  
pulsorialibus des orths disponierr/allein dahin in-  
terpretiert / vnnd verstanden werde / Da einem  
Appellanten seine eingebrachte grauamina sampt  
darauff geuolgtter erkündigung / ahn denen orthen/  
da die widerumb durch die moderatoren eines jeden  
Kreyß/wie man sich zuerinnern/hinder jede Chur vñ  
Fürsten/so das außschreibender Kreyß habē/beschlosse

M ij hinc



# Abchied des Reichstags

hinderlegt/erfordert/vnd die ihm verweigert/das dieselbe Per compulforiales erlangt werden möge.

Dieweil auch weiters durch Cammerichter vñ  
Beyfizer an geregt / ob gleich kein mangel erschiene/  
sonder die sachen/vnsern Cammerichter vñd Beyfizer  
plene vberschickt / sie doch ohne abbruch des  
Reichs anlagen zur moderation/oder ringerung nicht  
kommen könden/ hiebey haben wir mit Churfürsten/  
Fürsten/Stenden/vnd der abwesenden Räten vñd  
Botschafften/vns auch erinnert/kein Abschied mit  
sich bringe/das durch sie/wes einem aberkandt/einem  
andern auffgelegt werden soll. Es könden auch die  
Stende sich defhalb nicht einlassen/derhalben sollen  
sie/vnser Cammerichter vñd Beyfizer/da sie gleich ei-  
nem etwas aberkennen müssen /eim andern dasselbig  
nicht zulegen.

Gleicher gestalt/die vrsachen/Es seyen etlich Sten-  
de/durch krieg vnfall/vnd allerley vnglücklich zusten-  
de/dahin gerathen/das sie vielleicht zu ringern/ob je-  
mand auff solche vrsachen/welche temporal/vnd auff  
ein vnglücklichen zustandt eingefallen/da doch ein je-  
der Standt sonst bey seinen Fürstenthumben/Lan-  
den/Lenthen/Obrigkeyten/Gebieten/vnd bestendi-  
gen gefallen/darauff ein jeder stand bewidhumbt/nit  
geschmelert/vernachttheylt/oder in abgang nit kom-  
men/geringert werden soll/oder nit/ Das haben vn-  
ser Cammerichter/vnd Beyfizer leichtlich/vnd ohne  
weit

# zu Augspurg 1566 auffgericht 46

weilaußtig nachdenckens / auß vorberürten Reichs  
Abschieden / darinn die moderation formiert / geord-  
net / vnd gesetzt / abzunemen.

Betreffen die Stende / So wolten darfür geacht  
werden / als ob sie dem Reich genzlich entzogen / haben  
sich vnser Cammerichter vnnnd Beysitzer derselbigen /  
in dieser ringerungs erkantnuß / nit zubenemen / dann  
ihnen hierin anderst nichts auffgelegt / als das sie fer-  
ner / denen so von der moderatorn erkantnuß appel-  
liert auff vorgesetzte maß / weiter vrtheyl ergehn las-  
sen sollen.

Wiewol auff viel saltige von etlichen ja-  
ren hero / der Münz halben / gepflegt handlung / letzt-  
lich im Reichstag / des neun vnd fünffzigisten jars / zu  
Augspurg gehalten / ein gemeine durchgehende Münz  
ordnung / wie die von derselbigen zeit an / im heyligen  
Reich Teutscher Nation von meniglich zuhalten / ver-  
glichen / entschlossen / vnnnd offentlich durch den truck /  
ins Reich außgetündet worden / Vnnnd aber dieselbig  
ihren fůrgang / wie hoch von nöten gewesen / durch  
auß nicht erlangen mögen.

Der wegen wir / die erscheinende Stende / auch der ab-  
wesenden Ráth / vñ Bottschafften / mit sonderm ernst  
ersucht /

# Abſchied des Reichstags

erſucht / ſich derſelbigen hiñfũro gemẽß zuuerhalten /  
dardurch ſie dann verurſacht / dieſe Mũnzhandlung /  
nach gelegenheit / wes ſich ſeydthero des neun vñnd  
fũñffzigſten jars / in ringerung der Mũnzen zugetra-  
gen / von neuwem zuerwegen.

Vñnd als ſie demnach vñs ihres wolmeinenden  
bedenckens / vñndertheniglich zu erkennẽ geben / obwol  
in vorigen berathſchlagungen für gut angeſehen / das  
zu auffrichtung einer beſtendigen im heyligen Reich  
durchgehender Mũnz / die Thaler / ganz / halb / vñnd  
örter / eingefeſt werden ſolten / vñnd aber ſeit̃her für  
genommener Mũnzordnung / in erfahrung befunden /  
Nachdem nunmehr an vielen orten vñnd Landtſchaff-  
ten der Teutſchen Nation / die contract vñnd verſchrei-  
bungen / auff angeregt Thaler mũnzen / reguliert / vñ  
gericht / derwegen jetziger gelegenheit nach / dieſe von  
andern gemeinen des heyligen Reichs Mũnzen / nicht  
wol vñnuerhinderlich diß ganze handels außgeſchloß-  
ſen werden möchten.

Demnach haben wir vñs mit ihnen / vñnd ſie ſich  
hinwider mit vñs entſchloßen. Setzen / ordnen / vñ  
wollen / das berürte Thaler / ganz / halb / vñnd orter / ne-  
ben andern in dem Mũnz edict geordneten / ſtücken  
vñnd ſorten / jedoch denſelbigen in gleicher gülte vñnd ge-  
halt / gemũnz / geſchlagen / vñnd in bezalungen für wer-  
ſchaft / inhalt viel berürter Mũnzordnung / gegeben  
vñnd genommen werden ſollen. Als nemblichen / ein  
ganzer



# zu Augspurg 1566 auffgericht 47

ganzer Thaler / deren ein stück sechzig acht Creu-  
zer gelten / sollen auff die Cölnische Marc gehen / acht  
stück / vnd fein halten / vierzehen loth / vnnnd vier gren /  
wirt die fein marc außgebracht / vmb zehen gilden /  
vnnnd zwölff Creuzer.

Am andern / halbe Thaler / deren ein stück / vier  
vnd dreißig Creuzer gelten / sollen auff die Cölnische  
marc gehen / sechzehen stück / vnd fein halten / vierze-  
hen loth / vier gren / wirt die fein marc außgebracht /  
wie jetzt gemelt.

Am dritten / viertheyl Thaler / deren ein stück sie-  
benzehen Creuzer gelten / sollen auff die Cölnische  
marc gehen / zwey vnd dreißig stück / vnnnd fein halten /  
vierzehen loth / vier gren / wirt die fein marc außge-  
bracht / wie obgesetzt.

Vnnnd damit der gemain mann / mit viele der  
Münz sorten / oder stück / nicht vberladen / So sollen  
die dritthalb / vnd fünffthalb Creuzer münzen / in der  
ordnung gesetzt / vnderlassen / vnd hinfüro zu münzen  
vmbgangen / vnd in der Münzordnung ahm sechsten  
blat / vff der andern seyten / im versickel ansehent / Wir  
ordnen / ci. für das wort fünff / zehen creuzer gesetzt  
werden.

¶

Es sol

# Abchied des Reichstags

Es soll auch den Kreissen vnnnd Landtschafften/  
die hievor/ ihre sonderbaren Landtmünzen/ in ihren  
bezircken gehabt/ vnd gebraucht/ hinfürter sich der sel-  
bigen auch zugebrauchen/ vnd zu ihrer gelegenheit aus-  
zustellen/ vnbenommen sein/ jedoch/ das dieselbigen  
Landtmünzen/ auch auff den gehalt/ vnnnd werdt/ der  
Reichsmünzen reguliert vnnnd geordnet werden/ Da  
sich dann auff den probation tagen befinden würdt/  
das einer oder mehr Standt/ weiter als obsteht/ vnd  
durch die Kreiß verglichen/ Münzē würdt/ das wöl-  
len wir/ sampt den Kreissen/ darunder sie gesessen ab-  
schaffen/ vnd keinem seines eigen willens/ in diesem zu  
handlen gestatten.

Nach dem dann die Thaler/ wölche hienor in der  
Münzordnung aufgeschloffen/ derwegen sich etliche  
Stende des Reichs/ auff solche Münzordnung/ An-  
no neun vnnnd fünffzig/ auf gekündt/ nit verglichen/ in  
dieser vnser/ vnd der Stende/ vnd Botschafften wei-  
ter berathschlagung zugelassen werden/ vnd sie hinfür-  
ro desto weniger ursach haben/ sich von dieser Münz-  
ordnung abzuondern/ So wöllen wir nunmehr mit  
denselbigen Stenden/ handlung farnemen/ vnnnd sie  
gnediglich dahin weisen/ das sie sich dieser Münzord-  
nung auch vnder würrffig zu machen/ vnd deren gemess  
zünerhalten.

In weiter berathschlagung dieses haubt Articuls/ ist  
auch er

# zu Augspurg 1566 auffgericht 48

auch erregt/das etlich Münzgenossen vnder den kreis  
sen des heyligē Reichs begriffen/ein zeitlang/sonder  
lich seyhero des neun vnd fünffzigistenjars / gering  
scherzige Thaler/auch andere gülden/vñ silberin mün  
zen/eins geringen gehalts geschlagen/vnnd in hohen  
werth außgehē lassen / Des gleichen des heilige Reichs  
auch anderer potentaten vñ Herrschafften/gülde vnd  
silbern münzen/betrüglich abconterfect/vnd gefahr  
lich nachgeschlagen / auch frembde/außländische/ge  
schwachte münzen/eingefürt/dardurch hochnachtey  
liger schaden entstanden/vnd da diesem lenger zuge  
hen/vnd nit zum fürdarlichsten abgestellt werden solt/  
meniglich ein vnleidlichen verderblichen abgang / an  
seiner narung entpfinden wüß / solchen nachtheiligen  
vnrath abzuschaffen/Wölle wir von Römischer Key  
serlicher macht/etlichen Münzgenossen/ so bißhero zu  
irem vorthail vnd höchstem betrug gemaines nutz/vn  
tüchtige münz geschlagen/vnnd in hohen werth / im  
Reich außgebreitet/das münzen/vngeachtet irer pri  
uilegien/da sie ( wie etlicher halb zweiffel ich ) einiche  
erlangt hetten/einstellen/vnd sie daran suspendieren/  
wie wir dann denselbigen / so wir auch in sonderheit  
hierunder zuersuchen bedacht / angeregt münzen hie  
mit / vnnd in krafft dieses vnser Abschiedt / ernstlich  
verbieten / setzen / vnnd wöllen / das sie sich hinfür o  
Münz zumachen/bis zu außstreglichem rechten/genz  
lich enthalten.

Vnd damit jertzgemelt Recht / gegen vorbemelten  
auch künfftigen vbertretern/desto richtiger/vnd für  
darlicher/zu end gebracht werde/so sollen die geordne  
ten/zu der valwierung / von denen hieunden meldung  
N ij geschicht/



# Abſchied des Reichstags

geſchicht / ihre gemachte Proben / vnſerm Keyſerlichen  
Cammerprocurator Fiſcal / vnderſchiedlich vberſchri-  
tten / ſich deren in ſeinen Proceſſen nohtwendig haben  
zu gebrauchen / Dem wir auch hiemit ernſtlich beuhe-  
len / Setzen / vnd wollen / das er gegen vorgeſetzten  
Münzgenossen / vnnnd vbertrettern / der ordnung  
ad pœnam et priuationem / ſüßdarlich / vnd vnuer-  
züglich procediern / vnnnd im rechten volſarn ſoll / bey  
vermeydung vnſer ſchweren vngnadt.

Auff den fall dan / das vngeachtet vorbeſtimpt  
ter ſuſpension / dieſelbig Münzgenossen / einer oder  
mehr / dieſem vnſerm beuelch / vnd gebott / ſich nit ge-  
horſamerzeigen / ſonder mit münzen ſüßzufaren vn-  
derſteen würden. So ſetzen / ordnen / vnd wollen wir /  
das der / oder die / neben andern hienor in der Münz-  
ordnung / benanten peen ſellen / in vnſer vn̄ des Reichs  
acht ipſo facto gefallen ſein ſollen / als wir dann dieſ-  
ſelbigen / in dieſem / auch ohne einiche ferner erklärung /  
jetzo als dan / vnnnd dan als jetzo / in die acht thun /  
vnd ſie als vnſere vnnnd des Reichs Echter erkennen /  
vnd darauff die execution der acht / durch die Kreiß  
hinder denen ſie geſeſſen / volzogen / zu dem ſie ihr mün-  
zens freyheit vnd gerechtigkeit / gantzlich ohne ferner  
procediern des Fiſcals / verwürcht / vnnnd verloren  
haben ſollen.

Vnd dieweil deren etlich die ſich zu ihrem vnzim-  
lichen

## zu Augspurg 1566 auffgericht 49

lichen gewin/solches betrüglichen münzens gebraucht vnder dem Burgundischen Kreyß/vnnd Niderländischer regierung geseffen/so wollen wir vnsern freundslichen lieben Vettern/Schwager vnnd Brüdern/den König zu Hispanien/freundlich ersuchen/das sein Lisbren gleichmässig abnstellung thun/vnd gegen denselbigen auch vorgemelte straff/sürgehn lassen wöll.

Wir setzen/vnd wollen weiter/das es gleicher gestalt/mit denen/die künfftiglich in obgesetztem/die ordnung vbertretten/anch gehalten werde/vnd sollen die/nit allein jertzgesetzter peen vnd straff/sonder auch andern der Münzordnung einuerleibt/vnderworffen sein/jedoch wollen wir hiedurch vns/vnd dem heyligen Reich abn vnser Ober vnd gerechtigkeit/in nichten etwas begeben haben.

Wir ordnen vnnd wollen auch/das die Münzmeister/vnnd Münzgesellen/denjenigen Münzgesossen/welchen wie obuermelt/ihr münzen eingestellt/zu dem münzen nicht dienen/oder darzu verholffen sein/auch sonst anderst nicht/dann auff des Reichs ordnung zu münzen sich bestellen lassen sollen/alles bey höchster leibstraff.

Als auch hiebey fürkomen/das bishero allein die  
N iii grossen

# Abschied des Reichstags

grossen münz sorten/stück für stück auffgezogen worden sein / vnnnd aber dieses in den kleinen sorten vnderlassen / dardurch falsch vnnnd eigenndziger gesuch des auff wechßlens darunder für gangen/dieses züuerhalten vnd abzustellen / sollen aussserhalb heller vnd pfennig/alle andere sorten/so wol als die groben münzen) stück für stück auch auffgezogen / vnd dem schrot gleich gemacht / darzu die reetbandt gestelt vnnnd gebraucht werden soll/Vnnnd da sich einicher Münzmeister/oder gesell/die reetbandt zugebrauchen widersetzen würde/der/oder dieselbigen sollen bey meniglich / als infames vntüglich/vnredlich gehalten/vnd zu keinen ehren zugelassen werden.

Ferner haben wir vns mit Churfürsten/Fürsten/ vnd Stenden/ auch verglichen vnnnd entschlossen/dies weil aller handt verbottene leichte münz sorten eingebracht / das gleich als baldt alhie zu Augspurg / auff montag nach Trinitatis den zehenden Junij schierst / fünffzig/durch etlich darzu geordneten/die valmierung vnnnd probierung der selbigen münz für genommen/vnd wie jede in ihrem halt befunden/den soll ihr werth auff des Reichsmünz darnach gesetzt vnnnd geordnet / die auch auff solchen gesetzten werth/innerhalb sechs Monaten / nach dato dieses vnsers Reichs Abschiedts / vnd lenger nicht/ in bezalungen gegeben/ vnd genommen werden sollen.

Vnnnd sollen die geordneten zu diesem werth / der  
probie



# zu Augspurg 1566 auffgericht 50

probierung/ihz verfertigt valuation/ den Kreiß auß-  
schreibenden Chur vnnnd Fürsten / zum fürderligsten  
zuschicken / die fürther haben jede in ihren Kreissen/  
den andern Kreiß Stenden zu eröffnen / damit sich  
ein jeder Standt vnnnd Obrigkeit / mit ihren Vnder-  
thanen/der Münzordnung/ vnd diesem Abschiedt ge-  
mef / darnach wisse zurichten. Vnd soll denjenigen  
personen / so von gemainer Stendt wegen/zu der  
probierung vnd valuation/ dieselbig zu verrichten be-  
stellt/die zeit werender solcher valuation / ihz vnder-  
haltung/ auß der Stendt vorrath gelt/geordnet vnd  
genolgt werden.

Nach dem dann wie vorgeordnet/ die geschwech-  
ten / geringen Münzen / vnser vnd des Reichs ord-  
nung vngemef geschlagen / lenger nicht auff ihren in  
angeregter Valuierung gesetztem werdt / dann sechs  
Monat / nach dato dieses vnser Reichs Abschiedt/  
gangbar sein sollen / Damit dann nach außgang der  
benannten sechs Monat / dieselbigen vntüchtigen  
Münz/ gantzlich abgeschafft/ auß ihrem gang / vnnnd  
den gemainen henden kommen / So solle ein jede  
Obrigkeit ihre Vnderthanen dessen zeitlich verwar-  
nen / auch aufferlegen vnnnd beuehlen / das sie die  
selbig verwerffen / vnnnd verbottene Münzen in mit-  
telst der sechs Monaten / nach gelegenheit außgeben/  
verhandtieren/vnd forthbringen.

Wir haben vns auch hie bey vber vorberürt gemain  
valnas

## Abschied des Reichstags

valuation / alhie zuuerichten / mit den erscheinenden  
Stenden / vnd der abwesenden Botschafften vergli-  
chen / ordnen vnd setzen / das ein ganzer Kreiß mit ge-  
samptem Rath / oder ein jeder Standt abgesondert /  
für sich in seiner Obrigkeit vnd gebiet / mög vnd macht  
haben soll / inwendig gedachter / vnd zu den bezalun-  
gen / in diesen Münzen bestimpter sechs Monaten / da-  
mit das ferner abfallen vnnnd ringerung angeregter  
Münzen / vor außgang derselbigen verkommen / viel-  
gemelt geschwechte verbottene gülden vnnnd silberin  
Münzen / wie es eins jeden standts Chur vnd Fürst-  
enthumbs Hertschafft vnnnd Landschafft nottursft  
erfordert / weiter zu probiern / zu valuiern / vnnnd den-  
selbigen ihren gebürlichen werth / auff den halt / in der  
Münzordnung bestimpt / zu setzen / oder aber sonst an-  
dere gebürliche wege fürzunemē / wie viel gedachte ge-  
rinscherzige / schedliche / ins Reich eingebrachte Män-  
zen / mit wenigstem nachtheyl der selbigen / gebrochen /  
vndergebracht / oder außgetrieben werden mögen /  
Vnd sollen nach außgang der sechs Monaten / wie vori-  
gesetzt / die selben verbottenen / vnd dergleichen gerins-  
ge Münzen / nicht lenger in bezalung zugelassen wer-  
den / alles bey peenen der Münzordnung einuerleibt.

Was dann der Münzmeister / Saigerer / Gra-  
nallierer / Ringerer / beschneider / schwacher / wescher /  
abgiesser / außwieger / auffwechsler / vnnnd feltcher /  
auch deren die mit verfälschung der Münz kauffmans-  
schaz treiben / vnd eigennützigen vortheyl suchen / vnd  
anderer straffbarn halben / in der ordnung statuiert  
vnd gesetzt / das alles soll würcklich / ohne nachlaß voll-  
zogen werden.

Wir ord-

# zu Augspurg 1566 auffgericht 51

Wir ordnen vnnd wollen auch / auff den fall die  
obrigkeiten / hinder denen solche vbertreter gefessen/  
in diesem sich seumig gegen denselbigen straffbarn er-  
zeigen / oder sich selbst der sachen teilhafftig machen  
wurden / das als dann durch die Kreiß / vnder denen  
sie die seumigen gefessen / deren vberfarung halb/  
vnserm Cammer Procurator Fiscal notwendig  
anzeig beschehen / wider die gedachter Fiscal zu de-  
claration der peen / Nemlich zehen marck löttigs golts/  
die wir hiemit zu straff auffgesetzt haben wollen/  
procediern / vnnd inn vnsern Keyserlichen Fiscum  
einbringen soll. Vnd da derselbigen Kreiß einer auch  
hieran sich saumig erzeigen wurd / als dann solle ein  
anderer Kreiß / der dessen in erfahrung kompt / berurte  
anzeig / vnserm Keyserlichen Fiscal zuthun schuldig  
sein / Daneben sollen dieselbigen seumigen Stende /  
vns auch namhafft gemacht werden / vnnd da sie mit  
münz freihaiten begabt / sollen sie von wegen solcher  
irer vngehorsamb / derselbigen suspendiert / vnnd ihr  
münzen eingestellt sein / inn krafft dieses vnser ab-  
schieds.

Dieweil aber nicht allein durch die jenigen / wel-  
che in verfürung der gutten münzen / kauffmanschafft  
treiben / der gemein nutz geschwecht / sonder auch die/  
so frembde geringe münzen dagegen ins Landt brin-  
gen / hohen nachtheiligen schaden inn dieser Nation/  
mit ihrem vngewürlichen gewinn verursachen.

So wollen wir hiemit die straffen gegen diesen der  
bösen münzen einfüren / parthierern / vnd angeregter  
frembder münzen auftheilern / in der münzordnung  
statuiert / vnnd gesetzt / hiemit wider ernewert vnnd  
bestettigt



# Abschied des Reichstags

bestettigt haben / Ernstlich gepietend / das solchem  
vnnachlesig nachgesetzt werden soll.

Wiewol dann auch vnder anderm inn merberde-  
tem münz Edict / oder ordnung / statlich vnnnd wol  
bedächtlich / auch notwendig versehen / das jedes jars /  
in den Reichs Kreissen / zwen probation täge / einer  
auff den ersten Maij / der ander den ersten Octobris  
gehalten werden sollen / vnd aber diesem nicht allent-  
halben nachkommen / dardurch den verseltchern der  
münzen / destomehr rhaumb gegeben / dem gemeinen  
nutz nachtheiligen schaden zu zufügen / So setzen/  
ordnen / vnnnd wollen wir / das die aufschreibenden  
Chur vnd Fürsten / hinfüro die probation täge/  
zu bestimpter zeit aufschreiben sollen / Da aber  
einer oder mehr mit Kreißuerwandter / somit münz  
freiheit begabet / auff solch beschreiben vnnnd erzo-  
dern / nicht erscheinen wurden / so sollen nicht desto  
weniger die gehorsamē erscheinende / inn sachen der  
probation fürfaren / vnd dann inn vngehorsamb eines  
oder mehr / der beschriebenen vnd nicht erscheinenden  
münz Stende / alles des Kreiß auffgewendten vn-  
kostens / ein verzeichnis dem Keyserlichen Fiscal zu-  
schicken / dem hiemit beuholen sein soll / zu einbring-  
ung desselbigen / Rechtlich zu procediern / Vnnnd  
soll derselbig einbracht vnkosten / des Kreiß Chur-  
fürsten / Fürsten / vnd andern münzen den Stenden  
genolgt / vnd vnder sie außgetheilt werden. Vnd ob-  
gleich dieselbigen Chur / Fürsten / vnnnd Stende / sol-  
chen vnkosten nicht begern wurden / so soll nicht des-  
stoweniger derselb eingebracht / vnd vnserm Fisco/  
durch den Fiscal zu verrechnen / heimdgefallen sein.

Nach

## zu Augspurg 1566 auffgericht 52

Nachdem dann zu vorigen Reichs / vnd münztägen / in berhatschlagung dieses wercks / jedes mals fürtrahtsam / vnd gut angesehen / das die Nider Burgundisch Erblands / in vergleichung vnser Reichsmünztordnung / mit eingezogen werden solten / darzu sie sich dann zu vorigen zeitē / gutwillig erbotten / Vnd auch mehrgedachter vnser geliebter Herz vñ Vatter / Keyser Ferdinandt / hochlöblicher gedächtnuß / in dem sieben vnd fünffzigisten jar / gehaltenem Regenspurgischen Reichstag / lezlich sich gegen den Stenden gnediglich resoluiert / das jr Liebten vnd Keiserlich Majestat / den König in Hispanien / vnsern freundlichen lieben Vettern / Schwagern / vnnd Brudern / dahin vermanen wolten / das jr Lieb von gedachter Nidererbland wegen / sich auch / was im heiligen Reich hiesrin constituiret / vnnd gesetzt / gemeß erzeigen wolt.

Darauff sich dann die Burgundische Rätthe vnd beuelchhaber / so mit fürgelegter volmacht / zu dem Reichstag alhie erschienē / vff jzigs bey jnen gethanes anlangender münzhandlung halben / dahin declariert vnnd erklet / auff die fell das die Reichsmünzt auffgericht / würcklich volzogen / vnd die Stende des Reichs gemainlich / die annemen / vnd halten / auch die bösen heckenmünzen abgeschafft würden / Das als dann die Nider Burgundischen erblandt / dieser münzordnung sich auch gemeß erzeigen / ire Landtmünzen auff solche der Reichsmünz schrott / form vnd gehalt / zu regulieren bedacht weren.

Dieweil dann auff gegenwürtigem Reichstag /  
O ij wird

## Abschied des Reichstags

wir vns mit den erscheinenden Churfürsten/ fürsten/ vnd Stenden / auch der abwesenden Rätthen/ vnnnd Botschafften / vnd sie sich auff vnser gnedig ernstser suchen / aiberait dahin verglichen / vnd entschlossen/ das die angeregt münz ordnung / als ein gemein nützlich werck hinfüro gehalten / auch die geringschätzigen bösen inländischen / vnd anders wohero eingefürten / vnd dergleichen gefelschte der ordnung vngleiche münzen/ auffgerott werden sollen.

Vnd demnach vns sampt gemeinen Stenden des Reichs nun mehr dessen zu versehen / das die Nider Burgundischen erblandt/ in massen obgemelt/ sich auff vnser münz ordnung vergleichen/ die annemen/ sich deren ebenmefig verhalten werden. Vnd aber in vnser münz ordnung anderm / das / das vermünzt Reichisch goldt/ auff dem Reich Teutscher Nation an andere frembde/ auch in die Niderlandt / biß sie sich auff vnser münzordnung vergleichen / oder die annemen/ keins wegs verfürt werden soll/ gesetzt ist/ Wodann wir/ auch Churfürsten/ fürsten/ vnd Stende neben obuermelter erklerung/ auch dessen / das die beyden/ gülden vnnnd silbern münzen / auß ihrem/ in frembde Landt nit weiter verfürt / vnd entgegen die gleichheit gehalten werdt / das hinwider jr goldt vnd silber vns uersperdt auch ins Reich gefürt werden möcht/ vergewist / vnd versichert / zudem auch die Burgundisch Nider erblandt / der sorten/ vnd stück halben/ die sie zu münzen gemeint / vnd wie die auffschrott / Korn/ vnnnd gehalt der Reichs münzen gleichmefig gemacht / richtig anzeyg vnd anstellung gethan haben / So soll angeregt verbott/ gegen jnen relaxiert/ vnd auffgehoben werden.

Vnd



# zu Augspurg 1566 auffgericht 53

Vnd dieweil die Burgundischen Bortschafften/  
dismals nit gewislich anzeigen künden / was für stück  
die Uider erblandt / der Reichs ordnung gemess / vnd  
auff darin geordnet schrott vnd Korn / zu münznen ent-  
schlossen / So haben gemelte Bortschafften / vnd  
gewalthaber sich erbotten / das mehr bemelte Uider-  
lendisch regierung zu nechstem des Westphalischen  
Kreis probationtag / so der ihnen verkündet vnd nam-  
hafft gemacht würdt / die ihrendahin abordnen / vnd  
sich in diesem endlich resoluierten vnd erklären wollen.

Als dann in der münzordnung in Versiculo / so  
ferz aber der angeber / 2c. vnder andern das wort / 12-  
ten / gesetzt / soll auß beweglichen vrsachen nachuolgen-  
der gestalt erkläert vnd gesetzt sein. Nemlich / So ferz  
aber der angeber jemandt mutwilliger vnd gefährlich-  
er weiß angeben würd / 2c. Sonsten aber in allem an-  
dern so in diesem vnserm Reichs abschiedt / ahn mehr-  
bemeltem gemeinem Reichsmünz edict vnd ordnung /  
nicht außdrucklich declariert / geändert / zu vnd von  
gethan / soll dieselbig ihres gangen inhalts / in allen 12en  
clausuln / articuln / vnd sätzen / bestendig bleiben /  
stet / vnd vest gehalten / vnd deren allerding nachge-  
setzt werden / wie wir dan dieselbig hiemit erneuern /  
confirmiern / vnd bestettigen / in krafft gegenwärtigs  
vnser vnd des Reichs Abschiedt.

Ferner haben wir vns / mit Churfür-  
sten /

# Abschied des Reichstags

sten / Fürsten / vnnnd Stenden / auch den Rätten vnd  
Borrschafften erinnert / Das ob wol im acht vñ vier-  
zigsten jar / ein heilsame Pollicey ordnung / bedächt-  
lich verglichen / vñ ins Reichs außgekündt / In deren  
vnder andern wolbedechtlich von wege der geschick-  
ten handwerck / verfehung geschehen / auch verschie-  
nes neun vnd fünffzigsten jars / dieselbigen Mandata  
renouiert / ernewert / vnd deswegen weiter heilsame  
gute ordnung auffgesetzt / vnd aber solchem nicht al-  
lenthalben / wie sich gebürt / nachgesetzt / dadurch ge-  
meiner handwerck fleut / selbst nachtheiliger schaden  
entstanden. Demnach setzen vnd gebieten wir hiemit  
ernstlich / das alles was hienor angeregter geschick-  
ten handwerck halben / beschlossen / statuiert / vnd ins  
Reich außgekündt / durch Churfürsten / Fürsten /  
Stende / vnd alle Obrigkeiten / in Frey / vnd Reichs /  
auch andern stetten / vnd flecken / steiff / vnd festiglich  
gehalten / dasselbig alzumal trewlich vorkogen / vnd  
den handwercks meistern / knechten vnnnd gesellen /  
kein wegs gestattet werden soll / sich demselbigen zu-  
wider setzen / vnd in einichen weg verweigerlich zuer-  
zeigen / alles bey vermeidung peen vnnnd straff / zehen  
marck löttigs goldts / die alle vnd jede vbertreter vn-  
serm Keiserlichen Fisco / vnnachlesig zuentrichten /  
schuldig sein / vnnnd bezalen sollen.

Vff gleichmæssig / vns fürkommen an-  
zeig / das vnangesehen inn hienor beschlossener vnser  
vnd des Reichs außgekündter pollicey ordnung / ge-  
mainen Stenden auffgelegt / vnnnd beuolhen / gute  
ordnung fürzunemen / damit die Willenweber ahn-  
wollen

## zu Augspurg 1566 auffgericht 54

wollen nicht mangel leiden / sonder dieselbigen vmb  
ein zimblichen kauff bekommen mögen / vnd die woll  
nicht mit grossen hauffen / inn frembde Nation ver  
fürrt werde / nicht destoweniger solche vbermefig ver  
fürung / seithero / one gegebene maß / zu grossem ab  
gang der manschafft / an vielen orten / auch sonst an  
dern nachtheiligen schaden der Teutschen Nation für  
gangen / vnnnd aber auch inn solchem wollenkauff / nicht  
wolein gemein general durchgehendt constitution  
vnnnd sayung / die inn allen orten statt haben / vnnnd  
gehalten werden kündt / auff gericht / vnnnd würcklich  
volzogen werden mag / Jedoch vnnnd damit dannoch  
der gemain nutz bedacht / vnnnd die inwoner Teut  
scher Nation / an ihrer narung / wie billich beschicht /  
befurdert werden / So haben wir vns hierüber  
mit den erscheinenden Churfürsten / Fürsten / vnnnd  
Stenden / auch der abwesenden Rätthe vnnnd Post  
schafften / dahin verglichen vnnnd entschlossen.

Setzen vnd wöllen / das vnser vnd des heyligen  
Reichs Kreiß / jeder für sich / nach seiner gelegenheit /  
diesen wollen kauff / vnnnd verfürung derselbigen be  
treffendt / wie es inn ihren Landtschafften / obrigkei  
ten / vnnnd gebieten / gehalten werden soll / ordnungen  
vnnuerlengt auch außgang dieses vnser Reichstags  
fürnehmen / auffsetzen / vñ wes sie sich in diesem verglei  
chen / statuieren / vnd setzen / dasselbig sollen nicht allein  
die Kreißstende / vnd ire vnderthanen / sonder auch /  
alle andere / in den Kreissen / ob die gleich nit Kreiß  
stendte sein / auch denselbigen nit vnderworffen / zuhal  
ten / vnd denselbigen nachzusetzen schuldig sein / alles  
bey den peenen vnnnd straffen / die ein jeder Kreiß / inn  
krafft dieses vnser abschiedts / in solchem verordnen  
vnd auffsetzen würdt.

Als



# Abchied des Reichstags

Als sich auch noch etwas irrungen/  
zwischen etlichen Stenden des Reichs / der Sefion  
halben erhalten / deren sich dieselbigen streittige Sun-  
de dismals entlich auch nicht vergleichen mögen.  
Demnach wollen wir / das einem jeden Fürsten / Pre-  
laten / vnd Standt / dis Reichstags gehaltene Sef-  
sion / vnnnd die subscription zu ende dis abschiedts  
beschehen / an seinen herbrachten gebrauch vnd gerech-  
tigkeit / in einichen weg / nicht nachtheilig / schedlich /  
oder vergrifflich / Vnnnd sein wir dis gnedigen  
erbietens / möglichen fleiß fürzuwenden / nach befind-  
ung eines jeden gerechtigkeit / sie solcher irzung der  
Sefion / auff zimliche leidliche wege zu vereinen / vnd  
zuuertragen / oder sonst nach billichkeit zuentscheiden.

Wiewol dann leglich nach altem herkom-  
men / gewonheit vñ gebrauch / vnser löblichen vorsarn  
am Reich / nach aufweisung der gulden Bull / vnser  
erster Königlicher hoff / in vnser vñ des heyligē Reichs  
statt Nürnberg / gehalten werden sollen / vnnnd aber  
aus vns zugestandenen kriegē / wir ein solchen hoff /  
fürzunemen / vnd zuhalten / wie kundlich / verhindert  
worden / vnnnd dieser zeit / aus erheblichen ehaften be-  
wegenden vrsachen / diesen vnsern ersten Reichstag /  
alhero gehn Augspurg / verlegt / so soll hie durchge-  
dacht vnser / vnd des heyligen Reichs statt Nürn-  
berg / an irem alten herkommen / gewonheit / vnnnd ge-  
brauch / auch der Gulden bullen / haltung halben des  
ersten Königlichen vnd Keyserlichen hoffs / daselbsten  
zu Nürnberg / nichts nit derogiert / abgebrochen / vnnnd  
benommen sein / dieses auch / was nach vnser izziger zeit  
gelegenheit des Reichstags halben fürgegangen / inn  
künff-

# zu Augspurg 1566 auffgericht 55

Fünffzigem / zu keinem exempel oder volge / genanter  
Stadt Nürnberg zu nachtheyl gezogen/vnd eingefürt  
werden.

Solches alles vnd jedes / so obgeschrie-  
ben stehet/ vnnnd vns Keyser Maximilian antürt / ge-  
reden vnnnd versprechen wir / bey vnsern Keyserlichen  
Würden / vnd Worten / steet/ vest/ vnuerbruchenlich/  
vnd auffrichtiglich zuhalten / vnd zu volnziehen/ dem  
stracks vnd vngeweygert nachzukommen vnd zugele-  
ben/ vnnnd da wider nichts fürzunehmen vnnnd zuhand-  
len/ oder aufgehnzulassen/ noch jemandts anders von  
vnser wegen zuthun gestatten/ sonder alle geuerde.  
Des zu vnkandt haben wir vnser Keyserlich Insiegel  
ahn diesen Abschiedt thun henden / Vnnnd wir  
Churfürsten/ Fürsten/ Prelaten/ Graffen vnd Herrn/  
auch der Churfürsten/ Fürsten/ Prelaten/ Graffen/  
Herrn vnd des heyligen Römischen Reichs frey/ vnd  
Reichsstett gesandte Botschafften/ vnnnd gewaltha-  
ber hernach benant. Bekennen auch öffentlich mit  
diesem Abschiedt / das alle vnd jede obgeschriebene  
puncten vnd articel/ mit vnserm guten wissen/ willen/  
vnd Rath/ fürgenommen/ vnd beschlossen sein / Wil-  
ligen auch dieselbigen alle/ sampt vnd sonderlich in vnd  
mit krafft dis brieffs/ Gereden vnd versprechen in rech-  
ten guten wahren treuwen / die / so vieleinen jeden/  
sein Herrschafft/ oder freunde/ von denen er geschickt/  
oder gewalthabend ist / betrifft / oder betreffen mag/  
wahr/ steet/ vest/ auffrichtig/ vnnnd vnuerbrochen zu-  
halten / zuuolziehen / vnnnd dem nach allem vnserm  
vermögen nachzukommen / vnnnd zugeleben / son-  
der geuerde.

P

Vnd

# Abſchied des Reichstags

Vnd ſeindt diß die hernach geſchriebene/  
Wir die Churfürſten / Fürſten / Prelaten / Graffen/  
Herren / vnd des heyligen Reichs Stett / Botschaffte/  
Gewalthabere / vnd geſchickten.

## Churfürſten Perſönlich.

Von Gottes gnaden / Daniel des heyligen Stils  
zu Meynz Erzbischoff / des heiligen Römischen Reichs  
durch Germanien Erzcanzler.

Johan Erzbischoff zu Trier / des heiligen Römischen Reichs durch Gallien / vnd des Königreichs Arelaten Erzcanzler.

Friderich / erwölter zu Erzbischoffen zu Cöln /  
des heiligen Römischen Reichs / durch Italien Erzcanzler.

Friderich Pfalzgraff bey Rhein / des heiligen Römischen Reichs Erztruchseß / Herzog in Bayern.

Augustus Herzog zu Sachſen / des heiligen Römischen Reichs Erzmarſchalck / Landtgraff in Düringen / vnd Marggraff zu Meißen zc. alle fünff Churfürſten.

Churfürst



# zu Augspurg 1566 auffgericht 56

## Churfürsten Botschafften.

Von wegen Jochimen/Marggraffen zu Brandenburg / des heyligen Römischen Reichs Erz Cammerern / vnd Churfürsten / zu Stettin / Pommern / der Cassuben vnd Wenden / vnd in Schlesien / zu Crossen Herzogen / Burggraffen zu Nürnberg / vnd Fürsten zu Rügen. Wilhelm Grass zu Honstein / Herz zu Schwedt / vnd Viraden / Landvogt in der Vätermarck / Levin vnder Schullenburg / Andres zoch / vnd Albrecht Thuem / beyde Doctores.

Von wegen des Haus Österreichs / Philips Freyhertz zu Winnenberg / vnd Beilstein / Hoffraths President / Ludwig Grass zu Leoslein / vnd Herz zu Scharpfeneck / Georg Ilsing zu Trätzberg / Landvogts in Obern vnd Nidern Schwaben / Tymotheus Jung / Doctor / vnd Jahan Achilles Ilsing / beyde der Keyserlichen Maiestat Rätthe.

Von wegen des Haus Burgundt. Peter ernst / Grass zu Mansfeldt / Edlerherz zu Heldringen / Ritter des orden vom gülden Vellif / Königlicher Würde zu Hispanien Gubernator / vnd Capitan general des Herzogthumbs Lüzelburg / vnd der Grasschafft Chini / Thomas von Perenot / Herz zu Schantonay / vnd haurincurt Ritter / Königlicher wurden zu Hispanien / Rath / vnd Hoffmeister / vnd Philips Cöbel Doctor / Hoffrath.

Geistliche Fürsten Persönlich.

P ij Von

# Abſchied des Reichstags

Von Gottes gnaden/ Hans Jacob / Erzbischoff  
zu Saltzourg/ Legat des Stüls zu Rom.

Georg Administrator des Hochmeisterampts in  
Preussen/ Meister Teutsch ordens / in Teutschen vnd  
Welschen Landen.

Martinus Bischoff zu Aylstedt

Marx Sittich/ der heyligen Römischen Kirchen  
Cardinal/ Bischoff zu Costentz/ vnd Herz der Reiche  
naw.

Otto der heyligen Römischen Kirchen Bischoff/  
Cardinal zu Alban/ Bischoff zu Augspurg/ Probst vñ  
Herz zu Ellwangen/ Vnd dann von wegen / Chris  
toffen / der heyligen Römischen Kirchen Bischoff/  
pränestinensis Cardinal/ Bischoff zu Trient/vnd  
administrator zu Brixen.

Veith/ Bischoff zu Regenspurg.  
Urban/ Bischoff zu Passaw.

Maximilian von Bergen/ Bischoff vnd Herzog  
zu Cammerich/ Graff zu Cambresis.

Georg Apt zu Kempten.

Geistlicher Fürsten Botschafften.

Von

# zu Augspurg 1566 auffgericht 57

Von wegen Sigmunden Erzbischoffen zu  
Magdenburg / Primaten in Germanien / administra-  
tor des Stiffs Halberstadt / Marggraffen zu Bran-  
denburg / zu Stettin / Pommern / der Cassuben / Wen-  
den / auch in Schlesien / zu Crossen Herzogen / Burg-  
graffen zu Nürnberg / vnnnd Fürsten zu Rügen.

Wilhelm Bocklin / von Bocklissaw / Ritter / vnnnd  
Thumbprobst zu Magdenburg / Moriz von Ar-  
nimb / Johan Trautenbühl / Doctor / vnd Romanus  
Schmidt / mit beuelch des Stiffs Halberstatt.

Georgen / Confirmierten der Erz vnnnd Stifte  
Bremen vnd Verden / administratoris des Stiffs  
Münden / Herzogen zu Braunschweig / vnnnd Lüne-  
burg Otto von Düringen / Thumbherz vnd Hiero-  
nimus Oelgarten / Doctor.

Deiten / Bischoff zu Bamberg / Marquardt vom  
Berg / zu Augspurg Thumbprobst / Thumbdechant  
zu Bamberg / Christoff Adam vom Stein / Thumb-  
herz / Wolff von vnd zu Wisentaw / Hoffmeister / Lo-  
renz von Guttenberg / 2c. Christoff von Eich / vnnnd  
Achatius Hulp / der Rechten Doctor.

Friderichs Bischoff zu Würzburg / 2c. Michael  
von Liechtenstein Thumbprobst / Johan Egenolff  
von Andringen / Thumbherz / Sebastian von Crails-  
heim / vnd Balthasar von Hellu / Canzler.

Dietherichen erwölten vnnnd Bestettigten zu Bi-  
schoffen zu Wormbs / Philips Christoff von Sottern  
P in Thumbherz zu Tris



# Abschied des Reichstags

Trier vnd Wormbs/vnnd Canonicus des Stiffts  
Sinzheim / vnnd Jörg Siblin der Rechten Doctor/  
Canzler.

Marquarten/Bischoffen zu Speyer/vnnd Probs-  
ten zu Weissenburg / Wolffgang Cammerer von  
Wormbs / genant von Dalberg / Thumbprobst / An-  
dres von Oberstein / Thumbscholaster / vnd Hieroni-  
mus Moser/Doctor/Canzler.

Erasmussen/Bischoffen zu Straßburg/Landgraf-  
fen in Elßaß/Christoff Welsinger Doctor/Canzler.

Reinberten Bischoffen zu Padelborn / Gotthardt  
von Katzfeldt/Thumbherz.

Morizen Bischoffen zu Freysingen / Johan Lo-  
rich Doctor/Canzler.

Gerhardten von Graßbeck / Bischoffen zu Lüt-  
tich / Hertzogen zu Büllion / vnnd Graffen zu Loen.  
Arnoldt von Buchholz der älter / Thumbprobst zu  
Lüttig / vnd Thumbcustor zu Meynz / Nicolaus von  
Westenraidt/Thumbher/Doctor/vnd Christoff Wel-  
singer/Doctor/Fürstlicher Straßburgischer Cnzler.

Bernhardten erwölten vnnd Bestettigen zu Bi-  
schoffen zu Münster / Wilhelm Ketteler / vnd Gott-  
hardt Kaffeldt / Thumbscholaster / vnnd Probst zu  
Sanct Moritz/zu Münster.

Johan

# zu Augspurg 1566 aufgericht 58

Johan Postulierten vnd bestettigten zu Bischoff/  
en zu Osnabruck / Andries Schlick / vnnnd Lorenz  
Schrader.

Melchioris Bischoffen zu Basel / Christoff Wel-  
finger/Doctor/ Fürstlicher Straßburgischer Cäzler.

Caroli der heyligen Römischen Kirchen/ Ti-  
tuli Sancti Apolinaris presbiteri, Cardinalis,  
Administratoris des Stiffs Metz / M. Joan-  
nes Veteris.

Nicolai Psaulme / Bischoffen zu Verdün / Claudi-  
us von Serencourt/Doctor.

Eberhardt Confirmierten Bischoff zu Lübeck/  
Postulierten coadiutoris zu Verden / 2c. Joachim  
Müller/Doctor.

Administratorm des Stiffs Ragenberg / Jo-  
han Beuck/Doctor.

Wolffgangs/Bestettigten Apts des Stiffs Ful-  
da Römischer Keyserin Ergcanglers/durch Germa-  
nien vnd Gallien Primatis / M. Lorenz/ Lommerf-  
heim.

Michaeln Apten zu Hersfeldt / Reinhardt von  
Baumbach/Marschalck / vnnnd M. Bertholdt Muck-  
hardt.

Johan Rudolffs Apten zu Murbach/vnnnd Lu-  
ders/Leonhardt Linck/Licentiat/Canzler.

Wolff

# Abschied des Reichstags

Wolffgang Probst zu Berchtoldts gaden / vnd  
alten Ottingen Erzpriesters / Rochius Freymand.

Georgen von Hohenheim / genant Bombast /  
Meister Sanct Johans ordens in Teutschen Landen /  
Appollinaris Kircher / Doctor / des ordens Canzler /  
vnd Christoff Welsinger / Fürstlicher Straßburgis  
scher Canzler.

## Weltliche Fürsten Persönlich.

Von Gottes gnaden / Albrecht Pfalzgraff bey  
Rhein / Herzog in Oberrn vnd Niderrn Bayern.

Wolffgang Pfalzgraff bey Rhein / Herzog in  
Bayern / vnd Graff zu Veldenz.

Georg Hans Pfalzgraff bey Rhein / Herzog in  
Bayern / vnd Graff zu Veldenz.

Hans Wilhelm / Herzog zu Sachsen / Landgraff  
in Thüringen / vnd Marggraff zu Meissen.

Georgen Friderich / Marggraff zu Brandenburg /  
zu Stettin / Pommern / der Cassuben / vnd Wenden /  
auch in Schlesien / zu Jegerndorff Herzog / Burg  
graff zu Nürnberg / vnd Fürst zu Rügen.

Wilhelm Herzog zu Gölch / Cleue vnd Berge /  
Graffe zu der Marck / vnd Ravensperg / Herz zu Ka  
nenstein.

Ulrich Herzog zu Meckelnburg / Fürst zu Wenden /



# zu Augspurg 1566 auffgericht 59

den / Graff zu Schwerin / der Landt Kostock / vnnnd  
Stargart / Herz.

Christoff Herzog zu Württemberg / vnnnd Teck /  
Graff zu Mumpelgart.

Johan Friderich / zu Stettin vnd Pommern / der  
Cassuben vnd Wenden Herzog / Fürst zu Rugen / vnd  
Graff zu Gungaw / Auch von wegen Bugislaw /  
Ernst Ludwigen / Parmin / vnd Casimier / gebrüdern /  
Herzogen zu Stettin / vnd Pommern / 2c.

Emanuel Philipert / Herzog zu Sophoy / zu  
Tablais / vnd zu Augst / Prinz zu Piemont / 2c. Graff  
zu Genff / zu Remundt / vnd zu Aisa / Herz zu Prefs /  
vnd Aft / 2c.

Carl Marggraff zu Baden / vnd Hochberg / Lande  
graff zu Sussenberg / Herz zu Rotteln / vnnnd Baden-  
weyler.

Philipert Marggraff zu Baden / vnnnd Graff zu  
Spanheim.

Joachim Ernst / Fürst zu Anhalt / Graff zu As-  
canien / Herz zu Cербst vnd Bernenburch / für sich / vnd  
seinen Bunder Bernhardten / Fürsten zu Anhalt.

Heinrich der älter / des Heyligen Römischen  
Reichs Burggraff zu Meissen / Graff zu Hartenstein /  
vnd Herz zu Plawen / vnd Geraw.

D.

Weltli

# Abſchied des Reichstags

Wellicher Fürſten Botſchafften:

Von wegen Georgen/Pfalzgraffen bey Rhein/  
Hertzog in Bayern/Johan Biſantzer Doctor/vnd  
Johan Knauff/Licentiat.

Johan Friderichen des mitlern/Hertzogen zu  
Sachſſen/Landtgraffen in Düringen/vnd Marg-  
graffen zu Meiſſen/Hans Veitt von Oberniz/vnd  
Chriſtoff Dürſelden/Doctor.

Johansen Marggraffen/zü Brandenburg/  
zu Stettin/Pommern/der Caſſuben/Wenden/vnd  
inn Schleſien/zü Croſſen/Hertzogen/Burggraffen  
zu Nürnberg/vnd Fürſten zu Rügen. Adrianus Al-  
binus/Doctor/vnd Bertholdt von Mandefloe/zü  
Biberteich.

Heinrichen des jüngern/Hertzogen zu Braunn-  
ſchweig vnd Lünenburg/Joachim Minſinger/von  
Grundeck/Doctor/Cantzler/vnd Veitt Crummer/  
Probt zum alten Cloſter.

Erichs/Hertzogen zu Braunſchweig vnd Lün-  
enburg/Chriſtoff von Brißberg/Dietherich/von  
Dindlaw/vnd Andres Krauß.

Ernſten/Hertzogen zu Braunſchweig/Joachim  
Minſin

# zu Augspurg 1566 auffgericht 60

Münfinger/von Francke/Doctor/vnd Veitt Crum-  
mer/Probst zum alten Closter.

Heinrichen vnd Willhelmen/der jüngern/gebri-  
dere/Hertzogen zu Braunschweig vnd Lünenburg/  
Joachim Müller/Doctor.

Philipsen des ältern / Landtgraffen zu Hessen  
Graffen zu Katzenelnbogen/Diez/Zigenheim / vnd  
Nida / Johan Nüchling von Schonstadt / Ober  
Amptman der Oberrn graffschafft Katzenelnbogen/  
Johan Maissenbug/Landtuogt ahn der Werr/Reins-  
hardt Scheffer/Canzler / vnd Jacob Lersner/  
Doctor.

Parmin des ältern/Hertzogen zu Stetin/Pom-  
mern/der Casuben/vnd Wenden / Fürst zu Rügen/  
vnd Graff zu Gutzgaw/Laurentius Otto/Doctor/  
Canzler/vnd Anders Bocke zu Regenwalde.

Johans Albrechten Hertzogen zu Meckelburg/  
Fürsten zu Wendē/Graffen zu Schwerin/der Landt  
Kostock / vnd Stargardt / Herrens. Bertholdt von  
Mandelfloe/vnd Adrianus Albinus/Doctor.

Ludwig Heinrichen/Landtgraffen zu Leuchten-  
berg/vn Graffen zu Hals/rc. Ulrich Nürens/Doctor/  
Canzler.

Der Vormundtschafft / Friderichs Grassens zu  
Wirtenberg / vnd Numpelgart /rc. Johan Krauß/  
Doctor.



# Abschied des Reichstags

Heinrichen des jüngern / des Heyligen Römischen  
Reichs Burggraffen zu Meissen / Graffen zum Harten-  
stein / Herz zu Plawen vnnnd Gera / ic. Friderich Trau-  
bott / Cantzler / vnd Henrich Volradt von Wandorff.

Georg Ernsten / Graffen vnd Herrn zu Hennen-  
berg / Theodoricus Lüdiger / Doctor / vnnnd M. Se-  
bastian glaser / Cantzler / Peter Brem / Doctor.

## Prelaten Persönlich.

Gerwigt Apt zu Weingarten / vnd Ochsenhau-  
fen.

Johans Apt zu Keyserßheim.

Johannes Apt / zu Roggenburg.

Michael Apt / in der Minderaw / gnant Weisse-  
naw.

Blasius / Apt zu Sanct Haimeran / zu Regens-  
spurg.

Sigmundt von Hornstein / Teutsch ordens /  
Landtcompthur der Baley Elßaß / vnd Burgundi.

## Prelaten Botschafften.

Von Wegen Georgen / zu Salmannßweyer /  
Erhardt zu Elchingen / Thomasen zu Irßin / Tho-  
massen zu Vrsperg / Martinussen zu Rohrt / Bene-  
dict zu Schuessenried / Christoffen zu Markthal /  
aller Apte berürter Clöster / Johans Apt zu Rog-  
genburg /

# zu Augspurg 1566 auffgericht 61

genburg/Hans Rudolff/Vogt Summeraw zu Bras-  
perg/vnnd Galli Hager.

Otto von Gunß/Teutsch ordens Landtcomp-  
thur der Baley Coblenz/Thomas Mayerhöfer/Do-  
ctor/Teutschmeisterisch Cangler.

Christoff Apts zu Peterßhausen / Galli Hager/  
Doctor.

Apts zu Sanct Cornelien Münsters/Gerlacus  
Kadernacher/Arnoldus von Wachendind/ Cano-  
nick/vnd Peter Schenck/Secretarius.

Petri Apt zu Sanct Maximin / Theodoricus  
Scipio/von Rutschin/Maximinischer Amptman.

Christoffs von Manderschiedt / Apts beyder  
Stift Stabel/vnnd Prim/Niclaus Kaw/ Stra-  
belischer Potestat/Ludwig Curriculanus/Licenti-  
at/vnd Lorenz Weber von Hagen/der Stadt Cöln/  
Secretarius.

Herman Apts zu Ludgers / zu Werden/vnnd  
Helmstatt/Heinrich von der Reck/Gülchichser Racht.

Jacobs Apt zu Walckenriedt / Franciscus  
Schußler/Doctor

D. iij Aptissin

# Abschied des Reichstags

## Abtissen Vottschaften.

Von wegen Anna des Keyserlichen Freyen Weltliche Stiffts Quedelburg/ Abtissen/ geborne Gräffin zu Stolberg/ vnd Weringerode. Franciscus Schußler/ Stolbergischer vnd Königsteinischer Rath.

Elisabeth / des Gefürsten freyen Weltlichen Stiffts Gereroda / Abtissen / geborne Fürstin zu Anhalt/ Gräffin zu Ascamien/ Fraw zu Cербst vndd Bernenburg/ Marx Zimmerman/ Doctor.

Maria Jacobe / Abtissen des Gefürsten Freyen Weltlichen Stifft Buchaw/ ahm Federsee / geborne freyin zu Schwarzenberg / Johan Jacob Han/ Doctor/ der Schwäbischen Graffen vñ Herrn Rath.

Barbara Abtiffin zu Rottenmünster / M. Justinianus Schleg/ Vrtheylsprecher zu Rottweil/ vnd Johan Spreter/ Doctor/ Prothonotarius daselbsten.

Barbara zu Obermünster/ auch Barbara zu Aldermünster/ beyder Abtiffin zu Regenspurg / Johan Aurbach/ Doctor / Bischofflicher Regenspurgischer Cantzler.

Catharina Abtiffin/ vnser lieben Frawen Stifft zu Lindaw/ Hans Rudolff/ Vogt von Summerau/ zu Brasperg.

## Graffen vnd Herrn Persönlich.

Ludwig/



# zu Augspurg 1566 auffgericht 62

Ludwig/Grass zu Ottingen.

Friderich/Grass zu Ottingen.

Wolff/Grass zu Ottingen.

Joachim/Grass zu Fürstenberg/Heyligenberg/  
vnd Wertemberg / Landtgraff in Bar / Herz zu Hau-  
sen / im Ringingerthal / &c.

Carl / Grass zu Zollern / vnd Sigmaringen / Herz  
zu Haigerloch / Werstein / vnd Hochingen / des heil-  
igen Römischen Reichs / Erbcammerer.

Georg Grass zu Erbach / vnd Herz zu Brenburg/  
der jünger / von sein selbs / vnd seines Vetter / Grass  
Georgen zu Erbach / &c. des Ältern wegen.

Joachim Grass zu Ortenburg.

Ulrich Grass zu Ortenburg.

Heinrich Grass vnd Herz zu Castell.

Georg Grass vnd Herz zu Castell.

Wolfgang vnd Ludwig gebüdere / von wegen  
ihrer selbst / vnd ihrer Brüder / Friderich / vnd Albrecht-  
ten / alle Grassen zu Leonstein / vnd Herz zu Scharpf-  
feneck.

Christoff / Grass vnd Herz zu Mansfeldt.

Georg Grass zu Leyningen / Herz zu Werstenburg /  
vnd Schanenburg / des heyligen Römischen Reichs  
Semperfrey.

Günther

# Abschied des Reichstags

Gunther vnnnd Wilhelm gebrüder / Graffen zu  
Schwarzenburg/ Herz zu Arnstatt / Sonderhans  
sen/vnnnd Lautenburg.

Anthoni Graff zu Oldenburg vnd Telmenhorst.

Voldemar Graff zu Honstein / Herz zu Lhor vnd  
Clettenberg.

Johan Philips der älter/ vnd Johan Philips der  
jünger/beyde Wildt vnnnd Rheingraffen / Graffen zu  
Salm/für sich / vnd ihrer Vetter vnnnd gebrüder/aller  
Rheingraffen wegen.

Wolff vnd Burckhardt / Graffen vnnnd Herz zu  
Barbi/vnd Mülingen/ für sich/ vnnnd von wegen ihrer  
Brüder/Graffen zu Barbi.

Christoff Herz zu Limpurg / des heyligen Römis  
schen Reichs Erbschenck/vnd Semperfrey.

Friderich Herz zu Limpurg / des heyligen Römis  
schen Reichs Erbschenck/vnd Semperfrey

Johan Freyherz zu Schwarzenberg / vnd Hoo  
hen Landtspergk.

Georg vnnnd Wolff / Herrn von Schönburg/von  
wegen ihrer selbs / vnnnd Georg/ Haug/ Veitten/vnnnd  
Christoffen Friderichen/ihrer Vettern.

Johan Rheinhardt von Stanff/Freyherz zu Erns  
fels.

Wilhelm Freyherz zu Graffenack/ Herz zu Eglin  
gen vnnnd Osterhoffen.

Ludwig

# zu Augspurg 1566 auffgericht 63

Ludwig Freyherz zu Graunecß/herz zu Eg-  
lingen/vnnd Osterhoffen.

Ulrich Freyherz zu Graunecß/vnd Burckingen.

Wolff Dietherich von Mepelrain/herz zu Wal-  
deckh.

Michael/Ludwig/vnd Ferdinandt von Frey-  
berg/gebrüder/ Inhaber der herischafft Iustingen.

## Der Wetterawischen Graffen.

Nemblich/

Philipsen Graffen zu Solms / vnnd herin zu  
Nünzenberg.

Ludwigen vnd Albrechten/gebrüder/für sich/vnd  
ihre vettern/Graffen zu Stolberg/Königstein/Rut-  
schenforth/vn Weringerode/herin zu Epstein/Nün-  
zenberg vnnd Breunberg.

Balthasarn/Graffen zu Nassaw/herin zu Wis-  
baden/vnnd Jzstein.

Reinhardten vnnd Philipsen gebrüdern von  
Hsenberg / Graffen zu Budinggen.

Hansen Graffen zu Nassaw / vnd zu Sarpru-  
cken/

Johan Graffen zu Nassaw / Catzenelenbogen/  
Vianden/vnd Dietz/herin zu Beilstein/vnd von we-  
gen seiner gebrüder.

Der Vormundtschafft / Weilandt Philipsen/  
Graffen zu Hanaw/herin zu Nünzenberg / nachge-  
lassenen Sohns

R

Ern



# Abchied des Reichstags

Ernsten vnd Eberhardten Graffen zu Solms/  
vnd herin zu Münzenberg / gebrüder.

Georgen/Wolffgangs / vñnd Heinrichs / gebür-  
der / von Isenberg / Graffen zu Büdingen.

Philipsen Graffen zu Sain / Herin zu Wittgen-  
stein.

Johans Graffen zu Wida / Herin zu Kündel/vñnd  
Isenburg. Albrecht Graff zu Nassaw vñnd Herin zu  
Sarbrücken/Adolff Graff zu Nassaw/Cazeneleben-  
gen / 2c. Conradt Graff zu Solms / vñnd Johann  
Meichner/doctor / Nassawischer Cazeneleben-  
scher Rath/vñnd Diener.

Von wegen hans Georgen / Hans Albrechten/  
Hans Hoier / vñnd Hans Ernsten / gebrüder / Graffen  
vñnd Herin zu Mansfeldt / Edle Herin zu Heldrungen/  
Wilhelm Barsch.

Otten / Erichs / vñnd Friderichen / gebrüder/  
Graffen zu Hoya/vñnd Bruchhausen/Joachim Mol-  
ler/Doctor/vñnd Ruprecht Hacke.

Johans von Dhun / Graffen zu Faldenstein/  
Herin zu Oberstein/vñnd zu Bruch/Johan Kosbeck  
Doctor.

Anna Gressin zu Teckelnburg / Bentheim/  
vñnd

# zu Augspurg 1566 auffgericht 64

vnd Steinsfurt/ Frau zu Rehde / vnd Wenelinghoffen/Witwen/ Jacob Lernßner Doctor/ vnd Johan Andries/genant Laug/Secretarius.

Sebastean vnnnd Adolffen / Grassen zu Sain/ Herrn zu Homburg/Mundler/vnd Mentzburg / geuettern/Johan Hingzenberger von weglar/ Doctor/ vnd Martin Moller von Oppenheim.

Otten Grassen zu Holstein / Schaumburg/vnd Sternenberg / Herrn zu Gemen/Joachim Müller/Doctor.

Georgen/Ludwigs/Carls/vnnnd Hansen/ genets tern/vnnnd gebrüder/ Grassen zu Gleichen / Herrn zu Thonna/vnnnd Blandenheim/ Cranichfeldt / vnnnd Rembda/ M: Seyfridt Nung.

Heinrichen des ältern Reussen/Hern von Plawen / Herrn zu Graitz/Cranichfeldt vnd Geraw/ Heinrich Reuß von Plawen/sein eltester Sohn/vnd Peter Andres.

Heinrichen des Jünger / vnnnd Heinrichen des jüngern/gebrüdere/ Reussen/Hern von Plawen/ Herrn zu Graitz/Cranichfeldt/vnnnd Geraw / David Schifferdecker/Doctor.

Ludwig von Fleckenstein / Freyherrn zu Dachstul/Philips Grass zu Hanaw / Herr zu Lichtenberg.

Johan von Hohensels/Herr zu Reypolstirch vñ  
K ij Ruxingen.

# Abschied des Reichstags

Ruxingen/Philips Wolff von Rosenbach/Doctor.  
Hans Sigmunden/Freyherz zu Degenberg/  
geordneter Vermünder/Matthias Leyman/Doctor.

Jacobs vnnnd Deserns / genettern / Freyhern zu  
Alten vnd Newen Fronhossen/ Georg Deserns/frey-  
her zu Alten vnnnd Newen Fronhossen.

Von wegen der Schwäbischen  
Graffen vnd Herrn/ Als.

Georgen Graffen zu Helffenstein/vñ Freyhern  
zu Gundelfingen.

Johan Jacobs/Freyhern zu Königseck /vnnnd  
Aulendorff.

Froben Christoff/Graffen vñ Herrn zu zimbern/  
Herrn zu Nöstkirch / Wildt/ vnd Faldenstein.

Philipsen Graffen zu Eberstein.

Ulrich Graffen zu Helffenstein/ vnd Freyhern zu  
Gundelfingen.

Ulrich Graffen zu Montforth/ vnd Kottensels/  
Herrn zu Tettwangen/vnnnd Argen.

Heinrichs Vnd Joachim/Graffen zu Fürstenberg/  
Heyligenberg vnd werdenberg Landtgraff in Bare/  
Herrn zu Hausen/im Ringertal.

Eytel Friderich/ Graffen zu Lüpffen/ Landt-  
graffen/zu Stülingen/vnnnd Herren zu hohēhoffen.  
Alwig



# zu Augspurg 1566 auffgericht 65

Alwig Graffen zu Sultz / Landtgraff in Glect-  
aw / des heyligen Römischen Reichs Hoffrichter zu  
Kottweil / Herz zu Daduz Blumenegg / vnd Schellen-  
berg.

Weilandt Wilhems / auch Georgen / des Hey-  
ligen Römischen Reichs Erbtrucksessen / Freyherrns  
zu Walburgk / nachgelassener Kinder Vormünder.

Quirin Gangolff / Freyhern zu hohen Gerolzegk /  
vnd Sultz.

Georgen von Frondtsperg / Freyhern zu Nün-  
delheim / Herrn zu Sanct Petersberg / vnd Ster-  
zingen.

Ludwigs Freyhern zu Graunegg / vnd Herz zu  
Eglingen.

Johan Georg / von vnd zu Paumgarten / Frey-  
herr zu Hohen Schwangen / vnd Erbach / Carl  
Graff zum hohen Zollern / Sigmaringen / vnd Derin-  
gen / Herz zu Heygerloch / vnd wetstein / des heyli-  
gen Römischen Reichs Erbcammerer / vnd Johan  
Jacob Han / Doctor / Schwäbischer Graffen vnd  
Herrn Rath.

Der frey vnd Reichstett gesandten /  
Reinisch Band.

Von wegen Cöln. Constantinus von Liskir-  
chen / alter Burgermeyster / Petrus Schultig von  
Steinwich / der Rechten Licentiat / vnd Laurentius  
Weber von Hagen / Secretari.

Ach / Leonhardt vom Hoff / alter Burgermei-  
ster / vñ Gielacns Radermacher / Doctor / Syndicus.  
N ij Straß

# Abschied des Reichstags

Straßburg/Wolff Sigmund Wormbser Stettmeister / Hans Hammerer Ahmmeister / Ludwig Grempp / Doctor / Aduocatus / vnd Johan Carle Lörcher/des geheimen Raths.

Lubeck/Herman von Vegtelde/Doctor.

Wormbs/Bartholomeus Standt/alter Stettmeister / vnnnd Conradt von Offenbach/Doctor/Advocatus.

Speyer/Adam Süß/Bürgermeister.

Frankfort / Daniel zum jungen/vnd Carl von Glauberg / des Raths / mit beuelch der Stadt Wezlar.

Hagenaw/mit sampt den Stetten/in die Landt vogtey gehörig / Nemblich / Colmar / Schlettstatt/ Weissenburg / Landaw / OberEnßheim / Keyserberg / Münster in Sanct Gregorienthal / Käßheim vnd Türckheim / Rochius Borzheim Stedtmeister zu Hagenaw/vnd Johan Korszhaurendter/Syndicus zu Colmar.

Goslar/Christoff Trutenbüchel Doctor/Syndicus/Benedictus Symon / vnd Albertus Cammerer/des Raths.

Mülhausen in Düringen/M. Nicolaus Frizler Rathsuerwanter / vnnnd Obrister Statschreiber/vnd Johan Meier/Rathsuerwandter.

Northausen/Conradt Schmidt/Rathsfreunde vnd Georgius Wildt/Licentiat/Syndicus.

Offenburg/mit beuelch der Stadt Gengenbach/vnnnd Zell / ahm Hammerspach/Alexander Sabrit Statschreiber zu Offenburgk.

Geilnhan

# zu Augspurg 1566 auffgericht 66

Geilhausen / Pfalzgräffische Churfürstliche Rāthe.  
Dortmundt / Lampert Berßwort / Burgermeister/  
vnd Wilhelm von den Brincke / Secretarius.

Cammerich / Petrus Pucquet / der Rechten Do-  
ctor.

Früdberg / in der Wetteraw / Dietherich Bris-  
chel / der Jünger / Doctor.

## Schwäbische Banck.

Von wegen Regenspurg / Hans Steurer / Raths  
verwandter / vnd Michel Bigelmayer / Doctor / Syn-  
dicus.

Nürnberg / mit benelch Weissenburg ahm Nor-  
gam. Gabriel Nuzel / Georg Voldomer / vnd Thoma  
Löffelholz.

Ulm / Hans Ehinger / alter Burgermeister / Jobst  
Weickman / beyde des innern gehaimen Raths / vnnnd  
Heinrich Schilbock / Licentiat / Aduocatus / mit be-  
nelch der Stadt Biberach / Ala / vnnnd Buchaw / ahm  
Federsee.

Esslingen Johan Kröttler / Doctor.

Reutlingen Hans Rodensuel / Stadtschrei-  
ber.

Nördlingen / Khilian Reinhardt / Burgermeister /  
vnd Hans Victor Vogelmann / Raths freundt.

Rottenburg ahn der Tauber / Albrecht Bern-  
beck / des Raths / vnnnd Guntherus Boß / Doctor /  
Syndicus.

Schwäbischen Hall / Georg Rudolff wydman /  
Doctor.

X iij

Rottweil /



# Abchied des Reichstags

Korweil/Justinianus Schleg/des Raths/vnd  
Johan Spreter/Doctor.

Oberlingen/mit beuelch Bucha/Hans Schult  
heiß/Burgermeister/vnd Hans Han/des Raths.

Hailbrun/Gabriel Wölner/des geheimen Raths/  
vnd Steffan Feyerabend/Licentiät/Syndicus.

Schwäbischen Gemündt/ Paul Goltfeiner/  
Burgermeister.

Nemmingen /Ulrich Wolffhardt / Doctor/  
Syndicus.

Dindelspiel/Hans Wilhelm Huster/Burger-  
meister/vnd Georg Zausenbarth/Stadtschreiber.

Lindaw/Johan Rudolff Ehinger/Doctor vnd  
Antoni Kehm.

Kanenspurg/Philips Schmidelin/zu vnder  
Keytenaw/Burgermeister/vnn Joachim Christoff  
Dasslinger/Stadtschreyber.

Kempten/Paulus Ferer/Burgermeister/M.  
Bartholomeus Holdermuth/genandt Schmit.  
Stadtschreiber.

Windeßheim/Caspar Hoffman Burgermeister.

Kauffbawern/Rudolff Baurider/Burger-  
meister/vnd Johan Heydler/Stadtschreyber.

Schwäbischwerdt/Matthes Fund/Burger-  
meister/vnd Wolff Tischinger/Stadtschreyber.  
Weyl/

# zu Augspurg 1566 auff gericht 67

Weyl/Hans Christoff Luz/Stadtschreiber/vnd  
Hans Redlin/Schultheiß.

Schweinfurth/Wolffgang Cremer/vnnd Jos  
han Schopper/beyde des Raths.

Wangen/Hans Hinderlang/Burgermeister/  
vnd Barthel Nöge/des Raths.

Ising/Hans Jacob Erlewein/Stadtschreiber.

Gengen/Kochins Amman/Burgermeister.

Pfullendorff/Clas Wildt/Burgermeister vnnd  
Hans Jacob Jocher/Stadtschreiber.

Beßfingen/Hans Hach/Burgermeister/vnnd  
Johan Reinhardt/Stadtschreiber.

LeuthKirchen/Bernhardt Erlewein/Stadts  
schreiber.

Augspurg/Hieronimus im Hoff/des geheimen  
Raths/Johan Baptista Hainzel/Burgermeister/Ge  
org Tradel/vnd Conradt Pins Pentinger/beyde Do  
ctores.

Des zu erkundt/haben wir von Gottes  
gnaden/Daniel Erzbischoff zu Meynz/vnnd Friede  
rich Pfalzgraff bey Rhein/Hertzog in Bayern/2c.  
beyde Churfürsten/von vnser/vnnd vnserer mit  
Churfürsten wegen/Wir Johan Jacob/Erzbi  
schoff zu Salzburg/vn Albrecht Pfalzgraff bey Rhein/  
Hertzog in Obern vn Nidern Bayern/2c. von vn  
ser vn der Geistlichen vnd Weltlichen Fürsten wegen/  
Michael

# Abschied des Reichstags

Michael Apt in der Minderaw/ genant Weissenaw/  
von vnser/ vnd der Prelaten / Adolff Grass zu Nass-  
aw/ Catzenelenbogen/ Vianden/ vnd Dietz/ von vn-  
ser/ vnd der Graffen vnd Herrn / Vnd wir Burger-  
meister/ vnd Rath zu Augspurgk/ von vnser/ vnd der  
frey vnd Reich Stedt wegen/ Vnsere Insiegel an die-  
sen Abschiedt thun henden/ Geben in vnser Key-  
sers Maximiliani/ vnd des heyligen Reichs Stadt Aug-  
spurgk Donderstags den dreyszigsten May/ nach Chri-  
sti vnser lieben Herrn geburt/ im fünffzehnhundert/  
vnd sechzig sechsten / vnserer Reich des Römischen im  
vierdten/ des Vngerischen im dritten/ vnd des Behai-  
mischen/ im achzehenden Jaren/ 2c.

MAXIMILIANVS.

Daniel Archiepiscopus, Mogunti-  
nenfis, per Germaniam Archican-  
cellarius.

V. Ulrich Zasius, D  
vice, C



